

Ն.Ս.Օ.Տ.Տ. ԳԱՐԵԳԻՆ Ա
ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ
ԱՅՑԵԼՈՒԹՅՈՒՆԸ ԱՄՆ՝ ԱՄԵՐԻԿԱ ՀԱՅՈՑ
ԹԵՄԻ ՀԻՄՆԱԴՐՄԱՆ 100-ԱՄՅԱ
ՀՈԲԵԼՅԱՆԻ ԱՌԻՈՎ

Օգոստոսի 22-ին, վաղ առավոտյան, Ն.Ս.Օ.Տ.Տ. Գարեգին Ա Ամենայն Հայոց Կաթողիկոսը, չորս ամիսների բացակայությունից հետո, ԱՄՆ-ից, ուր մեկնել էր ամերիկահայոց թեմի Հիմնադրման 100-ամյա Հոբելյանական Հանդիսությունները նախագահելու, ինչպես նաև բուժման նպատակով, վերադարձավ Հայրենիք՝ Մայր Աթոռ Սուրբ Էջմիածին:

ՄԵԿՆՈՒՄ

Սույն թվականի ապրիլի 14-ին, ընդառաջելով Ամերիկայի Արևելյան, Արևմտյան և Կանադայի Հայոց թեմերի առաջնորդներ Տ. Խաժակ արքեպս. Պարսամյանի, Տ. Վաչե արքեպս. Հովսեփյանի և Տ. Հովնան արքեպս. Տերտերյանի համատեղ հրավերին, Ամերիկայի Միացյալ Նահանգներ մեկնեց Ն.Ս.Օ.Տ.Տ. Գարեգին Ա Ամենայն Հայոց Հայրապետը՝ մասնակցելու և անձամբ նախագահելու դեռևս 1898 թվականին երջանկահիշատակ Մկրտիչ Ա Խրիմյան Կաթողիկոսի (Խրիմյան Հայրիկի) կողմից Հայրապետական կոնդակով հաստատված ԱՄՆ-ի Հայոց թեմի 100-ամյակի Հոբելյանական տոնակատարությունները: Բժշկական քննության ենթարկվելու համար Վեհափառ Հայրապետը նախ մեկնեց Լոնդոն, ապա այնտեղից՝ Ամերիկայի Միացյալ Նահանգներ:

Նորին Սրբությանը ուղեկցում էին Արարատյան Հայրապետական թեմի առաջնորդական փոխանորդ գերաշնորհ Տ. Գարեգին արքեպս. Ներսիսյանը, ինչպես նաև Հոգեշնորհ Տ. Խորեն արքեպս. Հովհաննիսյանը՝ իբրև գավազանակիր:

Ինչպես միշտ, մեկնելուց առաջ Հայոց Հայրապետը Մայր Տաճարում, իջման Սուրբ Սեղանի առջև, իր գոհաբանական աղոթքն առաքեց առ Աստված և խնդրեց, որ անցնելիք ճանապարհը լինի բարեհաջող, այնուհետև ներկա միաբաններին մաղթեց համբերություն, խաղաղություն և գործերի կատարյալ հաջողություն՝ իր բացակայության ընթացքում: Ապա Նորին Սրբությանը առաջնորդվեց «Զվարթնոց» օդանավակայան:

Գարեգին Ա Վեհափառին ճանապարհելու էին եկել Մայր Աթոռի



«Տէ՛ր, ԿԵՅՈՒ ԵՒ ՊԱԴՊԱՆԵԱ...»

միաբանությունը՝ դիվանապետ գերաշնորհ Տ. Ներսես արքեպս. Պողապալյանի գլխավորությամբ, ինչպես նաև ՀՀ կրոնի դործոց պետական կոմիտեի նախագահ Լազար Սուլյանը, Գերագույն Հոգևոր Խորհրդի անգամներ, պաշտոնատար այլ անձինք, մամուլի ներկայացուցիչներ և մեծաթիվ հավատավոր հայորդիներ:

ԺԱՄԱՆՈՒՄ ՆՅՈՒ ՅՈՐՔ

Նորին Սուրբ Օծությունը, բոչկական քննությունը շարունակելու, ինչպես նաև նախապես ծրագրված հովվապետական այցելությունը ամերիկահայոց թեմ իրականացնելու նպատակով, ապրիլի 20-ին Լոնդոնից մեկնեց Նյու Յորք:

Ասեմք նաև, որ 1998 թվականը թեմի առաջնորդ գերաշնորհ Տ. Խաթակ արքեպս. Պարսամյանի կողմից հայտարարվել էր «Հարյուրամյակի տարի», որի գլխավոր հանդիսությունները տեղի ունեցան մայիսի 3-10-ը՝ Ն.Ս.Օ.Տ.Տ. Գարեգին Ա Ամենայն Հայոց Կաթողիկոսի բարձր նախագահությամբ:

ՊԱՏՄԱԿԱՆ ԱԿՆԱՐԿ

Սակավաթիվ ծխերի համեստ գոյությամբ ու այս ափերում ապաստան գտած հայերի չարքաշ ու տոկուն աշխատանքով Հիմնվեցին Հյուսիսային Ամերիկայի Արևելյան, Արևմտյան և Կանադայի այսօրվա կազմակերպված թեմերը՝ Մայր Աթոռ Սուրբ Էջմիածնի հովանու ներքո: Թեմեր, որոնց ծխերի թիվն անցնում է հարյուրից և այսօր, տոնախմբելով Հիմնադրման 100-ամյակը, փառք ենք տալիս Աստծուն՝ մեկդարյա առաջնորդության համար:

1880 թվականի վերջերին Միացյալ Նահանգներում սկսել էր աճել հայ գաղթականության թիվը: Կազմվում էին փոքրիկ, սակայն աշխույժ համախմբումներ: Բայց հայոց քրիստոնեական հավատը տակավին իր եկեղեցական արտահայտությունը չէր գտել Նոր Աշխարհում: Հայրերի շավղով ընթանալու ցանկությունն օրավուր մեծանում էր:

1887 թվականին արգեն Ուսթերի շրջանում 400 ամուրի աշխատավոր հայեր կային: Նույն թվականի սեպտեմբերի 3-ին, հավաքույթներից մեկի ժամանակ, ծանոթ մտավորական և ուսուցիչ Մկրտիչ Փորթուգալյանը հետևյալ խոսքերն է ուղղում հավաքվածներին. «Հայր, իր ինքնութիւնը պահելու համար, ուր որ երթայ, իր հետ կը տանի իր եկեղեցին, իր թերթը եւ իր դպրոցը»:

Գաղթական հայերի նախաձեռնությամբ 1888 թվականին Հիմնվեց «Հայկական կաճառ Ակումբ»-ը, սրի անդամները պաշտոնագրով դիմեցին Թուրքիո Հայոց Պատրիարքարան՝ իրենց հոգևոր հովիվ նշանակելու խնդրանքով:

1889 թվականի Հուլիսի 25-ին, Պատրիարքարանի նշանակմամբ և ժամանակի զահակալի՝ երջանկահիշատակ Գևորգ Դ Կոստանդնուպոլսեցի Քերեստեճյան Կաթողիկոսի համաձայնությամբ, Հայոց առաջին Հոգևոր Հովիվը՝ Հոգեշնորհ Տ. Հովսեփ վրդ. Սարաջյանը, ժամանեց Ուսթեր:

Նույն թվականի Հուլիսի 28-ին մատուցվեց առաջին Սուրբ և անմահ Պատարագը, իսկ օգոստոսի 20-ին կազմվեց առաջին Ծխական Խորհուրդը: Արդեն սեպտեմբերի 4-ին Բոստոնում կատարվեց Հայկական անդրանիկ մկրտությունը:

1890 թվականի փետրվարի երկուսին Ուսթեր քաղաքի Ծխական Խորհրդի անդամները որոշեցին եկեղեցի կառուցել:

1891 թվականին Ուսթեր Մասսաչուսեցի Հայերն ունեցան իրենց սեփական եկեղեցին, և առաջին արարողությունն այնտեղ կատարվեց Սուրբ Մենդյան օրը, և, համաձայն օրվա սուրբ խորհրդի, եկեղեցին անվանվեց Սուրբ Փրկիչ: Հետագայում Ս. Փրկիչին հաջորդեցին նոր եկեղեցիները:

1898 թվականին, Խրիմյան Հայրիկի հեռատես քայլով, Ամերիկայում հաստատվեց Հայոց եկեղեցու Առաջնորդություն՝ համախմբելու և ուղղություն տալու երկրի զանազան կողմերը ջրված ծխերին: Հաջորդ տարիներին Ամերիկայի Հայոց թեմն աճեց, զարգացավ և դարձավ Հայոց եկեղեցու ամենաընդարձակ ու աշխույժ թեմը: Ուսթերի եկեղեցին անվանվեց Ամերիկայի տարածքի Հայոց Մայր եկեղեցի:

1901 թվականի Հունիսի 17-18-ը գումարվեց Հոգևորականանց անդրանիկ համաժողովը:

1902-ի Հունիսի 12-ին տեղի ունեցավ առաջին Պատգամավորական ժողովը:

1928 թվականին Կալիֆոռնիայում ստեղծվեց առանձին թեմ, տասը տարի հետո, 1938-ին, առանձին թեմ հիմնվեց նաև Հարավային Ամերիկայում, իսկ Կանադան առանձնացավ 1984-ին:

1923 թվականին Առաջնորդարանը Ուսթերից փոխադրվեց Բոստոն, 1927-ին՝ Նյու Յորք:

1968-ից սկսյալ, Միացյալ Նահանգների Նյու Յորք քաղաքի սրտում վեր հառնեց Ամերիկայի Հայաստանյայց եկեղեցու առաջին Մայր Տաճարը, որ կոչվեց Հայ ժողովրդի մեծագույն Հերոսներից մեկի՝ Սուրբ Վարդանի անունով: Մայր Տաճարի օծումը կատարվեց Ամենայն Հայոց երջանկահիշատակ Վաղգեն Ա Վեհափառ Հայրապետի ձեռամբ: Մայր Տաճարի կողքին կառուցվեց Ամերիկայի Արևելյան թեմի Առաջնորդարանը, ուր գտնվում են առաջնորդ Սրբազան Հոր և այլ բաժանմունքների գրասենյակները:

1898 թվականին հաստատված Առաջնորդության Հովանավորու-

Թյան ներքո են գտնվում Հյուսիսային ու Հարավային Ամերիկաները, ինչպես նաև Կանադան: Այսօր Հյուսիսային Ամերիկան ունի երկու թեմ՝ Արևելյան և Արևմտյան, Կանադան՝ առանձին-առանձին առաջնորդական թեմեր, իսկ Հարավային Ամերիկան՝ երեք թեմ՝ Արգենտինա, Բրազիլիա և Ուրուգվայ:

Խորիմյան Հայրիկի 1898 թվականի հայրապետական տնօրինումը՝ Հայ Եկեղեցու թեմ հաստատել Նոր Ալիսարհում, 20-րդ դարում իր կարևոր անդրադարձն ունեցավ Հայաստանյայց Առաքելական Սուրբ Եկեղեցու և Հայ ժողովրդի կյանքում:

ԿԻՐԱԿԻ, 4 ՄԱՅԻՍԻ. «ՀՐԱՇԱԺԱՌ»-ՈՎ ՄՈՒՏՔ ՆՅՈՒ ՅՈՐՔԻ ՍՈՒՐԲ ՎԱՐԴԱՆ ՄԱՅՐ ԵԿԵՂԵՑԻ

Մայիսի 3-ի կիրակի օրը, երեկոյան ժամը 19.00-ից առաջ, հավատացյալների հոծ բազմություն էր հավաքվել Նյու Յորքի Ս. Վարդան Մայր Տաճարում՝ դիմավորելու Ն.Ա.Օ.Տ.Տ. Գարեգին Ա Ամենայն Հայոց Կաթողիկոսին:

Նորին Սրբությունը դիմավորելու համար եկեղեցու բակում երկշարք կանգնած էին նաև շրջանի հայկական դպրոցների և Առաջնորդարանի Խորիմյան ձեմարանի աշակերտները՝ ձեռքներին կարմիր ու ճերմակ մեխակներ:

Հայոց Եկեղեցու հոգևոր սպասավորներից բացի, ներկա էին նաև քույր Եկեղեցիների ու հարանվանությունների բարձրաստիճան ներկայացուցիչներ: Ներկա Հայ բարձրաստիճան հոգևորականների թվում էին Ամերիկայի Արևմտյան թեմի առաջնորդ գերաշնորհ Տ. Վաչե արքեպս. Հովսեփյանը, Կանադայի թեմի առաջնորդ գերաշնորհ Տ. Հովնան արքեպս. Տերտերյանը, Արարատյան Հայրապետական թեմի առաջնորդական փոխանորդ գերաշնորհ Տ. Գարեգին արքեպս. Ներսիսյանը, Բրազիլիայի թեմի առաջնորդ գերաշնորհ Տ. Տաթև արքեպս. Ղարիբյանը, Արգենտինայի թեմի առաջնորդ գերաշնորհ Տ. Գիսակ արքեպս. Մուրադյանը, Ուրուգվայի թեմի առաջնորդ գերաշնորհ Տ. Հակոբ եպս. Գրյունճյանը, ինչպես նաև գերաշնորհ Տ. Հուսիկ եպս. Բաղդասյանը:

Ժիշտ որոշյալ ժամին, 19.00-ին, Ամենայն Հայոց Կաթողիկոսը, ուղեկցությամբ Ամերիկայի Արևելյան թեմի առաջնորդ գերաշնորհ Տ. Խաթակ արքեպս. Պարսամյանի, Նյու Յորքի Կաթոլիկ Եկեղեցու առաջնորդ կարգինալ Զոն Օ'Բոնների և գավազանակիր հոգեշնորհ Տ. Խորեն աբեղա Հովհաննիսյանի, չքախմբով և «Հրաշափառ»-ի երգեցողությամբ մուտք գործեց Ս. Վարդան Մայր եկեղեցի և առաջնորդվեց գեպի Ս. Սեդան:

Հավարտ «Հրաշափառ»-ի արարողության, Ամենայն Հայոց

Հայրապետին բարիգալստյան և ողջույնի խոսք ուղղեց գերաշնորհ Տ. Խաժակ արքեպս. Պարսամյանը՝ ի մասնավորի նշելով. «Փառք կու տամ Ամենակալն Աստուծոյ, որ այս սուրբ տաճարին մէջ Ձերդ Սրբութիւնը անգամ մը եւս ողջունելու պատիւին արժանացուց մեզ: Ամերիկահայ Ձեր հօտը անհամբերութեամբ կը սպասէր Ձերդ Վեհափառութեան ժամանման՝ անգամ մը եւս իր սէրն ու յարգանքը, ինչպէս նաեւ հաւատարմութիւնը յայտնելու հանդէպ հայ ժողովուրդի հոգեւոր կեդրոն Մայր Աթոռ Սուրբ Էջմիածնի եւ անոր արժանաւոր Գահակալին:

1998 թուականը Ամերիկահայ թեմի համար պատմական եւ հպարտացուցիչ տարի մըն է, որովհետեւ կը նշուի Ամերիկայի Առաքնորդական թեմի հաստատման 100-ամեակը:

Խրիմեան Հայրիկէն մինչեւ Ձերդ Վեհափառութիւնը, մեր բոլոր Հայրապետները իրենց մշտական հոգածութեան առարկան դարձուցին Ամերիկահայ թեմը, եւ իրենց առաջնորդութեամբ օժանդակեցին թեմի հոգեւոր վարձացման եւ յառաքելութեան:

Այսօր, երբ Ձերդ Սրբութեան երջանկաբեր այցելութեան կ'արժանանաք, Ձեր ներկայութեամբ մենք կ'ողջունենք նաեւ Մայր Աթոռ Սուրբ Էջմիածինը, հայ ժողովուրդի հոգեւոր կեդրոնը, ուրկէ կը ճառագայթէ Գրիգոր Լուսաւորիչի եւ մեր երջանկայիշատակ Հայրապետներու, ինչպէս նաեւ Ձերդ Վեհափառութեան մտքի ու հաւատքի ցոլքերը՝ ջերմացնելով եւ խանդավառելով համայն հայութեան կարօտաբաղձ արտերն ու հոգիները»:

Սրբազան Հոր բարիգալստյան խոսքից հետո ներկա քույր եկեղեցիների Պետերի անունից Հայոց Հայրապետին ողջույնի խոսք հղեց կարդինալ Ջոն Օ'Քոններ: Վերջինս, իրեն հատուկ զվարթաբանությամբ խոսքն ուղղելով Նորին Սրբությանը, ասաց. «Ես նախանձում եմ, որ Դուք ինձանից շատ երիտասարդ եք և սակայն կաթողիկոսն եք Ամենայն Հայոց: Ես Ձեզանից 12 տարի մեծ եմ և միայն կարդինալն ու արքեպիսկոպոսն եմ այս Նյու Յորք կոչված «փոքրիկ ավանի»:

Խորհրդանշական է, որ Ձեր գահակալությունը տեղի է ունեցել Ծաղկավարդի Կիրակի օրը, որով սկսվում է Տիրոջ Չարչարանաց շաբաթը, որովհետև Ձեր ժողովուրդը շատ է տառապել այս մեկ դարի ընթացքում: Սա իրական քրիստոնեության նշանն է: Մենք շնորհակալ ենք Ձեր անվնասության ու քրիստոնեական հավատքի համար և սիրում ենք Ձեզ»:

Ապա ներկաներին իր Հայրապետական պատգամը տվեց Նորին Սուրբ Օծությունը: Խոսելով թե՛ անգլերեն և թե՛ Հայերեն՝ Ամենայն Հայոց Հայրապետն ի մասնավորի ասաց.

«Իմ արտի խորէն կը պզամ, որ պատմական շրջանի մը մէջէն կ'անցնինք: Մենք ակնաստեաններն ենք դարու մը վերջալոյսին եւ նոր ու փառաւոր հապարամեակի մը արշալոյսին:

Հայերը ամէն պատճառ ունին գոհաբանութեան: 19-րդ եւ 20-րդ դարու հայկական ցեղասպանութիւններէն ետք, մեր հայրենակիցները

մահէն ու տառապանքէն փախչելով, որպէս գաղթական եկան այս երկիրը: Մեր ժողովուրդին համար դիմափոխութիւն մը տեղի ունեցաւ, յուսահատութենէն դէպի ստեղծագործութիւն: Մենք դարձանք գիտնականներ, արուեստագետներ, ժարտարարուեստագէտներ եւ շինարարներ: Այս երկիրը մեզի ամէն դիրութիւն ու պատեհութիւն ընծայեց աշխատելու մեր երջանկութեան համար, եւ մենք խորապէս երախտապարտ ենք:

Այսօր մենք արժանաւոր անդամներն ենք համաշխարհային հանրակցութեան եւ Միացեալ Նահանգներուն:

Եկեղեցին է, որ, որպէս սննդատուն մեր հոգիին, մեզ պահած է 1700 տարիներէ ի վեր, սակայն մենք այլեւս ապգ մը եւ եկեղեցի մը չենք, որ կը մխիթարուինք միայն մեր անցեալով: Մենք պատրաստ ենք դիմաւորելու նոր կեանք մը, նոր հապարամեակ մը: Որպէս առաջին ապգը, որ որդեգրեց քրիստոնէական հաւատը, 2001 թուականին մենք պիտի տօնենք 1700-ամեակը Հայաստանի մէջ քրիստոնէական կրօնքի ընդունման: Աշխարհը մեզ աւելի լաւ պիտի ճանչնայ, երբ ապագան դիմաւորենք որպէս ՄԷԿ ԵԿԵՂԵՑԻ եւ ՄԷԿ ԱԶԳ: Էջմիածինը հոգևոր ծննդավայրն է բոլոր հայերուն»:

Արարողութեան ընթացքում հնչած շարականները երգեց միացյալ գպրաց դասը՝ Խորեն Մեյխանեջյանի ղեկավարութեամբ:

Հանդիսավոր արարողութիւնից հետո, ի պատիվ Ամենայն Հայոց Հայրապետի, Առաջնորդարանի ընդարձակ դահլիճում տեղի ունեցավ պաշտոնական ընդունելութիւն:

ՀՈԳԵՎՈՐԱԿԱՆԱՅ ՀԱՄԱԳՈՒՄԱՐ ԲՐՈՆՔՍՈՒՄ

(ՆՅՈՒ ՅՈՐՔԻ ԱՐՎԱՐԶԱՆ). ՄԱՅԻՍԻ 4-7)

Հայաստանյայց եկեղեցու Հյուսիսային Ամերիկայի Արեւելյան և Արեւմտյան, ինչպես նաև Կանադայի թեմերից ժամանած շուրջ 80 հոգևորականներ մասնակցեցին հոգևորականաց եռօրյա համագումարին, որ գումարվեց մայիսի 4-7-ը, Նյու Յորքի Բրոնքս կոչվող արվարձանում գտնվող կարդինալ Սփելմենի կրոնական հավաքույթների կենտրոնում:

Մայիսի 4-ին, հետմիջօրեին, կարդինալ Սփելմեն Ռիթրիթ Սերթերի կրոնական հավաքույթների կենտրոն մեկնեց Ն.Ս.Օ.Տ.Տ. Գարեգին Ա Ամենայն Հայոց Հայրապետը՝ գերաշնորհ Տ. Խաթակ արքեպս. Պարսամյանի և դավազանակիր հոգեշնորհ Տ. Խորեն արեղա Հովհաննիսյանի ուղեկցությամբ:

Համագումարի աշխատանքներին մասնակցում էին նաև Արարատյան Հայրապետական թեմի առաջնորդական փոխանորդ Տ. Գարեգին արքեպս. Ներսիսյանը, Բրազիլիայի թեմի առաջնորդ Տ. Տաթև արքեպս. Ղարիբյանը, Արգենտինայի թեմի առաջնորդ Տ.

Գիսակ արքեպս. Մուրադյանը և Ուրուգվայի թեմի առաջնորդ Տ. Հակոբ եպս. Գրյունդյանը:

Թեպետ Արևելյան թեմի եկեղեցականներն ամեն տարի թեմական պատգամավորական ժողովին նախորդող օրերին էին գումարում համագումարը, սակայն այս տարվա համաամերիկյան կոչվող համաժողովը տեղի ունեցավ Ամերիկայում՝ Առաջնորդական թեմի հաստատման 100-ամյակի առիթով:

Համագումարի գլխավոր նյութն էր՝ «Ապոլու քարոսիսութեան միջոցաւ Աւետարանի պատգամին հաղորդակից դարձնել Ամերիկայի Հայերը»: Ներկաները խորհրդակցության նյութ դարձրին նաև Ամերիկայի Հայոց եկեղեցուն վերաբերվող զանազան հարցեր:

Համագումարի ընթացքում դասախոսություններով հանդես եկան Նյու Յորքի Կաթոլիկ եկեղեցու Առաջնորդարանից Հայր Բենեդիկտ Կրոշերը, Փեյս Համալսարանի և Ս. Վլադիմիր Աստվածաբանական Դպրեվանքի դոկտոր Ալբերտ Ռոսսին, Կալիֆոռնիայի Օգլանդ քաղաքի Ս. Վարդան եկեղեցու հոգևոր հովիվ արժանապատիվ Տ. Մեսրոպ ավագ քահանա Սարաֆյանը, Առաջնորդարանի «Գրիգոր և Կլարա Զոհրապ» տեղեկատվության կենտրոնի տնօրեն հոգեշնորհ Տ. Գրիգոր վրդ. Մաքսուդյանը:

Բացման աղոթքից հետո, իր բարիգալստյան խոսքում Արևելյան թեմի առաջնորդ Տ. Խաժակ արքեպս. Պարսամյանն ասաց, որ Արևմտյան թեմի առաջնորդ Տ. Վաչե արքեպս. Հովսեփյանի և Կանադայի թեմի առաջնորդ Տ. Հովնան արքեպս. Տերտերյանի և իր ծրագիրն էր՝ առիթ ընծայել երեք թեմերի հոգևորականներին միասին լինել, միասին աղոթել և միասնաբար լուծումներ որոնել Հայ եկեղեցուն հուզող հարցերի համար:

Երկուշաբթի օրը, հետմիջօրեին, Ամենայն Հայոց Կաթողիկոսը նախագահեց Համագումարի հերթական նիստը: Իր խոսքում Նորին Արքունիքում շեշտեց թեմի թողած 100-ամյա ազդեցությունը Հայաստանյայց եկեղեցու կյանքում՝ հավաստիացնելով, որ մեր եկեղեցու զորությունը մեծավ մասամբ կախում ունի Հայ եկեղեցականի իր ուխտին ու կոչմանը հավաստարիմ մնալուց:

«Այս պահը հարիւրամեակի տօնակատարութեանց շղթային մէջ իւրայատուկ, ուրիշ ոեւէ մէկ պահէ անբաղդատելիօրէն տարբեր նկարագիր մը ունի: Եթէ դուք երէկ անդրադարձաք եկեղեցւոյ մէջ իմ արտասանած առաջին խօսքին վերջին պարբերութեանը, հոգեւորական իմ եղբայրներուս ուղղուած խօսքն էր, որովհետեւ Աւետարանին պատկերը աղի, լոյսի եւ խմորի, բոլորիս համար մտապատկեր է իդէալի վերածուած, եւ յարացոյց ուղղութեան նկարագիր ստացած պատկեր է: Յիսուս գործեց Սոաքեալներով: Եկեղեցին հիմնուեցաւ իբրեւ համայնք Սոաքեալներով եւ Սատուածաշունչ Մատենաի առաջին իսկ գլուխէն, մենք գիտենք ճշմարտութիւնը, թէ «մարդ է, որ գործէ վերկիր», մարդն

է պսակը տիեզերքի ստեղծագործութեան եւ ես կ'աւելցնեմ, մարդն է նաեւ լծակը տիեզերքի ստեղծագործութեան:

Ինչպէս կոյր է տիեզերքը առանց մարդուն, անիմաստ է տիեզերքի գոյութիւնը առանց մարդուն, այնպէս ալ Եկեղեցին Աստուծոյ հիմնուած այն հաստատութիւնն է, որ վստահուած է մարդոց, որպէսպիսի անոնք յառաջ տանին Քրիստոսի խորհրդական մարմինին ներգործութիւնը, շարունակական ընթացքը փրկութեան համար մեր ժողովուրդի կեանքին: Եթէ երբեք մենք ճշգրտօրէն, հաւատարմօրէն եւ անկեղծօրէն կ'ընդունինք ան աստուածաբանական ճշմարտութիւնը, թէ Եկեղեցին մարմինն է Քրիստոսի, ուրեմն այդ Եկեղեցիին սպասաւորները, ամենաբարձր աստիճանէն մինչեւ ամենէն խոնարհ աստիճանը առանց խտրութեան, Յիսուսի ձեռքերն են, Յիսուսի ոտքերն են, Յիսուսի ականջն են, Յիսուսի լեզուն են, մէկ խօսքով Յիսուսի անձին արտացոլումն են մարդկային կեանքին մէջ այս ժամանակներու ընթացքին:

Եթէ երբեք ես ինձ հետ ուզէի բերել Չեռնադրութեան Մաշտոցը, այդ Մաշտոցի ամէն մէկ բառին միջև ես կը գտնէի հայելի մը, որուն մէջ իւրաքանչիւրս այսօր ինքզինքնիս պէտք էր տեսնէիք, թէ այն ուխտը, որ կատարեցինք առաքի Աստուծոյ, խորանին վրայ ծունկի եկած եւ ձեռնադրիչ եպիսկոպոսը հարց տուաւ, թէ ունի՞ր Կիւսաւառ ուղղափառութեան, ունի՞ր Կրարս բարիս եւ մանաւանդ պարտաւոր է կամ պատրաստ է հետեւելու Քրիստոսի հետքերուն, այդ ուխտը դարձաւ Մեր կեանքի միակ եւ անշփոթելի ուղին: Ինչ են այդ հետքերը, որոնց կ'ակնարկէ Մաշտոցը. Յիսուսի տառապանքները, նեղութիւնները, դժուարութիւնները Յիսուսի հետքերն են եւ, իմ խոր համոզումով, այն եկեղեցականը, որ երբեք ինք իրեն վրայ կամաւոր զոհողութիւն չդնէ, եկեղեցական ըլլալու սահմանէն շատ հեռու կը մնայ:

Եւ ուստի ես այսօրուան մեր հաւաքոյթը կը նկատեմ բանայի հաւաքոյթ մը բոլոր այն տօնակատարութեանց, որոնք պիտի հետեւին թեմերուն մէջ այս հարիւրամեակը վերածելու համար հոգեկան վերընձիւղման, վերակենդանացման ու գործածելով գեղջկական գրականութեան մէկ բառ պիտի ըսեմ - ջրտուքի, մեր ժողովուրդի կեանքին: Եւ ամէն անգամ, երբ գտնուած եմ այս տեսակ հոգեւոր հաւաքոյթներու մէջ, այն, ինչ որ անգլերէն լեզուով spiritual retreat կը կոչուի, ես միշտ յիշած եմ աւետարանական այն պատկերը, երբ Յիսուս առաւ Իր Առաքեալներէն երեքը Իր հետը՝ Պետրոսը, Յակոբոսը եւ Յովհաննէսը եւ բարձրացաւ լեռը եւ այնտեղ տեղի ունեցաւ պայծառակերպութիւնը:

Այսպիսի հաւաքոյթ մը ինձ համար առիթ մըն է, որ մեզմէ իւրաքանչիւրը ինքզինքը դիտէ Աստուծոյ հայելիին մէջ եւ այդ հայելիին առաքին անունն է Աւետարան: Այդ հայելիին անունն է Մաշտոց Չեռնադրութեան: Այդ հայելիին երրորդ անունն է մեր խիղճը: Չորրորդ անունն է մեր ժողովուրդի կեանքը եւ կարիքը, որուն համաձայն պիտի դիտենք ու պիտի դատենք մեր անձը եւ վերջապէս հայելիներուն հայելին՝ Աստուած Ինք է, որ այսօր մեզ կը դիտէ, երբ մենք Իրեն կը նայինք այս հոգեւոր մթնոլորտին մէջ:


Երկրորդ ներածական խօսքը այս ընդհանուր նկատողություններն էտքը այն է, որ հոգեւորականաց այս համագումարը եռօրեայ այս խոկումի, ուսումնասիրութեան, ինքնատեսութեան, ինքնաքննարկութեան այս պահը կարեւորագոյն պահ է ինքնաքիւրեղացման տեսակետէն: Նախ ինքնատեսութեան, ինքնաճանաչման եւ ինքնաքիւրեղացման իմաստով: Ամէն անգամ, երբ բեմ կը բարձրանանք եւ խորանի բեմէն կը քարոզենք, երբ կ'ըսենք ժողովուրդին, որ պէտք է ապաշխարէք, մենք արդեօք այդ ապաշխարանքը մեր կեանքին մէջ կ'ապրի՞նք. ի՞նչ է ապաշխարանքը մեր անձնական փորձառութեանը մէջ: Ինքնատեսութիւն է Աստուծոյ հայելիին մէջ:

Ամէն մէկս, Կաթողիկոսէն մինչեւ սարկաւազը, մինչեւ դպիրը, մինչեւ ուրարակիրը, ամէն մէկս պէտք ունինք այդ վերաթարմացման: Ձեռնադրութեան արարողութեան մէջ ամէնասիրուած պահն այն է, երբ խորանին վրայ կը դառնանք, աշխարհէն հրաժարման խորհրդանշական արարքը կը կատարենք, մինչ կ'երգուի «Աստուածային եւ Երկնաւոր շնորհ, որ միշտ լնու պէտտ կարեաց եկեղեցւոյ» շարականը: Այդ պահուն կարծէք թէ վերստին կը ձեռնադրուիմ ես, ինքզինքս կը թարմացնեմ ճիշտ այն պահին պէս, երբ քսան տարեկանիս սոռաքին անգամ այդ ուխտը կատարեցի: Այսօր ալ այդ ինքնատեսութիւնը հոգեշարժ ոյժ եւ զաղափար ունի իր մէջ: Մենք յաճախ կ'ըսենք ժողովուրդին, պէտք է փոխուինք, պէտք է փոխուինք: Այստեղ կը մէջբերեմ խօսք մը, որ թերեւս ուրիշ տեղ կրկնած ըլլամ, ներողամիտ կրկնաք - "Everyone thinks of changing of the world; no one thinks of changing himself. There is no change of the human world without change of the human person" (Յուրաքանչյուրը մտածում է աշխարհի փոխելու մասին, ոչ ոք չի մտածում ինքն իրեն փոխելու մասին: Մարդկային աշխարհը չի կարող փոխվել առանց մարդկային անձի փոփոխության):


Այս էր հիմնական խօսքս, բայց չմոռնանք, երբ 9 ապրիլին, տարօրինակ զուգահիշապօթեամբ մը իմ Կաթողիկոսական երրորդ տարեդարձին, ճիշտ 9 ապրիլին, մեր Հայաստանի Հանրապետութեան նորընտիր նախագահի՝ պարոն Ռոպերտ Քոչարեանի երդման արարողութեան հանդիսաւոր առիթով արտասանեցի իբրեւ Կաթողիկոս Ամենայն Հայոց, ըսելով. «Ոչ դրամը եւ ոչ ալ պէնքը պիտի փրկէ Հայաստանը, դրամն ալ, պէնքն ալ ստեղծումն են, արտադրութիւնն են մարդուն» եւ եթէ պէնքը տաս մարդու մը ձեռքը, այդ մարդը կարող է այդ նոյն պէնքը առնել եւ երթալ ու ոճրագործ դառնալ: Նոյն պէնքը տուր ուրիշ մարդուն, այդ մարդը կ'առնէ այդ պէնքը եւ կը դառնայ Հայրենիքի պաշտպան:

Ուրեմն նիւթը, նիւթեղէնը, գործիքը, կառույցները, այս բոլորը իմաստ ունին, եթէ կենսաւորուին մարդով, մարդկայինով: Իր կեանքի գերագոյն վերջին դասն էր, որ տուաւ մեզի, Շահան Պերպերեան երբ նոյն ամառ ինքը գնաց Ֆրանսա, այնտեղ մահացաւ. վերջին դասն էր հոգին: Երբ ամպիոնէն դուրս եկաւ, կարծէք թէ բոլորս ալ այնպէս լեցուած էինք, որ մենք զմեզ ըլլալուն մէջ յանցաւոր կը զգայինք: Չէինք այն բարձրութեան վրայ, որով այս մարդը կը պատկերացնէր հոգիի մարդը: Հետաքրքրա-

היכל האו"ם, ניו יורק, 1954. צילום: רייצ'רד ביינר



ԻՎԱՆ ԲԱՐՍԵՂՅԱՆԻ ՄԱՍԻՆ ԵՐԵՎԱՆԻ ԵՊԱՐԽԻԱՆՈՍ ԵՎ ԵՐԵՎԱՆԻ ԵՊԱՐԽԻԱՆՈՍ ԵՎ ԵՐԵՎԱՆԻ ԵՊԱՐԽԻԱՆՈՍ



կան է, մենք արեւելահայերէնի մէջ առհասարակ եկեղեցական բառը չենք գործածէր, այլ՝ հոգեւորական: Եկեղեցականը պաշտօնեայի իմաստը կուտայ, բայց հոգեւորականը հոգիի՝ մարդու կերպարն է, որ կ'արտացոլացնէ: Մենք պարտաւոր ենք եւ պատրաստ պէտք է ըլլանք ինքնափոխութեան դէպի հարապատացումը մեր ինքնութեան բուն տիպին՝ հոգեւորական մարդու:

Այս երկու ընդհանուր մտածումներով բանալէ ետք իմ խօսքը, հիմա կուգամ բուն մեր նիւթին.- Հայոց Եկեղեցին Ամերիկայի մէջ ահաւահիկ հարիւր տարիներ ջարունակ եղաւ թարգմանը Աստուծոյ, հայ ժողովուրդի հարապատ քրիստոնէական աւանդութեան համաձայն այս երկրի չորս տարածքին վրայ ապրող մեր ժողովուրդին համար: Այսօր առհասարակ քրիստոնէական Եկեղեցին եւ Ամերիկայի մէջ մասնաւորաբար, ուր եւ ապրած ըլլալու առաւելութիւնը ունեցած եմ կամ գործած ըլլալու փորձը, տազնապի մը մէջէն կ'անցնի: Եկեղեցին ընդհանրապէս շեշտուած կեանքի տարածք մը ունի ընկերային կեանքի (social) երեւոյթի շրջագծի մէջ, աւելի ճիշտ խօսքով Եկեղեցին Աստուծոյ եւ մարդուն միջեւ ուղղահայեաց (vertical) կապը ըլլալէն աւելի մարդէ մարդ հորիզոնական (horizontal) կապ մըն է կարծես:

Ժամանակին այս երկրին մէջ ընկերային Աւետարան - the social Gospel - կոչուած աստուածաբանական ուղղութիւնը կը տիրէր ամէն կողմ: Սակայն այդ ուղղութեան ոչ բաւարարութիւնը մերտեղ եկաւ այն իրողութեանը մէջ, որ ընդհանրապէս մոռացուեցաւ - spiritual dimension-ը (հոգևոր տարածք).- մարդ - Աստուած յարաբերութեան այդ ուղղահայեաց գիծը՝ եկեղեցին վերածուեցաւ մարդ-մարդ հասարակայնութեան մը երեւոյթի: Ես կը յիշեմ Օրթոտոքս Եկեղեցիէն George Florovski, John Meyendorf եւ Father Weigel, որ կաթոլիկ հոգեւորական մըն էր եւ Վատիկանի ժողովին մէջ ներկայացուցիչ մըն էր, կը հակապդէին այդ պուտ ընկերային շրջագծի մէջ եկեղեցին ըմբռնելու հայեցողութեան, կ'ուզէին որ այդ եկեղեցին դառնար Աստուծով ներշնչուած եւ երկինքը երկրի հետ խառնած շարժում մը եւ ոչ թէ ընկերային հաւաքական ձեւով ապրելու մէկ սովորական ընթացք մը, որ այսօր գրեթէ իր իմաստն ալ կորսնցուցած է, որովհետեւ շատ ընկերային երեւոյթներ ի յայտ եկած են: Քրիստոնէական հոգեւոր կեանքը տեղատուութեան մէջ է: Քրիստոնէութիւնը մակերեսայնօրէն կը դիտուի, ձեւական, սովորութեանական տունալներով կ'արժեւորուի: Առանց յատուկ ճիգի քրիստոնէայ են շատերը: "It is being taken for granted" (ինքնաբերաբար), ինչպէս կ'ըսէն սովորաբար:

Եւ այսօր եւ կ'ուզէի անդրադառնալ որ մեր Հայոց Եկեղեցին եթէ այս հարիւր ամեակի ընթացքին իրագործեց այնպիսի աշխատանք մը, որ պահեց մեր ժողովուրդի հաւատքը կենդանի, ատիկա եղաւ խորհրդագործական կեանքը այն ամբողջ ժխական հոգեւոր արարողութեանց ներգործութեամբը, որ մեր տրամաբանական, տրամախոհական մտածելու եղանակներէն վեր կը գործէ ժողովուրդին կեանքին:

Եւ այսօր եւ կ'ուզէի իմ խօսքիս երկրորդ բաժնի մէջ հետեւեալ երեք բառերուն անդրադառնալ, որոնց մէջ եւ կը տեսնեմ եկեղեցւոյ

ամբողջականությունը, հարապատությունը եւ վաւերականությունը: The authenticity of the church consists in bringing together these three constitutive elements of christian life taken in its integrity (Եկեղեցու վաւերականությունը կախված է քրիստոնեական կյանքի այս երեք բաղկացուցիչ տարրերի միացումից՝ իր ամբողջության մէջ) - ինչպէս կ'ըսեն, ներդաշնակութեան մէջ պահելու համար հետեւեալ երեք տարածքները Եկեղեցիի գոյութեան. հաղորդութիւն, քարոզութիւն եւ ծառայութիւն: Այս երեքին ներդաշնակութիւնն է Եկեղեցին: Աղօթք, պաշտամունք, հաղորդութիւն ընդ Աստուծոյ, Կոմունիա բառով յատկանշուող:

Սա եթէ չըլլայ՝ մեր հաւատքի աղբիւրը կը ցամաքի: Մեր հաղորդութիւնը առ միմեանս պէտք է ըլլայ ճառագայթումը մեր առ Աստուած հաղորդութեան: Հակառակ այն իրողութեան, որ բողոքական շարժումը բարեկարգութեան օրէն ասդին, Լութերի շարժումէն ասդին, կարեւոր չափով անտեսեց հաղորդութեան (κοινωνία-ի) այս տարածքը եւ ուշադրութիւնը կեդրոնացուց քարոզութեան (kerigma) եւ ծառայութեան (diakonia) վրայ, այսօր կը գտնուի տագնապի մը մէջ: Որովհետեւ հոգեւոր սնուցումը, այն ատեն հաւատացէք գործունէութիւնը կը դառնայ մարդկային չափանիշներով զուտ ընկերային, գործունէութեան ռեւէ մէկ եղանակ:

Միացեալ Ազգերու (UN) մէջ կամ Non Governmental Organization-ներու (Ոչ-եկեղեցական կազմակերպություն) մէջ գործող մէկը եթէ երթայ երրորդ աշխարհ՝ Աֆրիկեան, Ասիական, Հարաւ Ամերիկեան, Միջին Արեւելեան կամ ուրիշ տեղ եւ օգնութիւն տայ ժողովուրդին, երթայ եւ ծառայէ ժողովուրդին, ի՞նչ տարբերութիւն ունի քրիստոնեայ միսիոնարէն: Ուր է որակային տարբերութիւնը երկու ծառայութեանց միջեւ: Ես անոր մէջ կը տեսնեմ այդ տարբերութիւնը, որ մէկը վայն կ'ընէ Աստուծոյ, Քրիստոսի ներկայութիւնը ժողովրդի մէջ տարածելու համար ինքը ներթափանցուած ըլլալով այդ ներկայութեամբ: Միւսը վայն կ'ընէ զուտ մարդկային հաշիւներով, նույնիսկ երբեմն շահակցական նկատումներով: Մարդիկ կան, որոնք առանց խօսելու կը ճառագայթեն:

Այստեղ փոքրիկ դրուագ մը պիտի պատմեմ ձեզի Մայր Թերեզայի մասին: Էջմիածին էի եւ այն ատեն Կիլիկիոյ Կաթողիկոս էի եւ երկրաշարժէն անմիջապէս ետք գացած էի Սմենայն Հայոց Կաթողիկոսին կողքին գտնուելու և յայտնելու համար Մեր աջակցութիւնը: Վազգեն Կաթողիկոսի հետ նստեր էի իր գրասենեակի մէջ, երբ եկան ըսին, որ Մայր Թերեզան եկած է եւ կ'ուզէ Վեհափառին հանդիպիլ: Այս պնդումահոգի տիկինը ներս մտաւ երեք-չորս հնդիկ մայրապետներ հետը միասին, նստաւ եւ ըսաւ "Your Holiness I don't have any gold in my hand neither silver in my bag, what I have brought with me, are these sisters. I have them here in Armenia, please tell them what they should do, they are at your command" (Չերդ Սրբություն, ես իմ ձեռքին ոսկի չունեմ, ոչ էլ արծաթ՝ իմ պայուսակում, իմ բերածն այս քույրերն են: Ես նրանց բերել եմ Հայաստան, խնդրեմ, ասեք նրանց, թե ինչ պիտի անեն. նրանք ձեր հրամանի տակ են):

Ոգեկան, ներշնչողական բան մը կար իր խօսքին մէջ, որ յուզեց մեզ՝

բոլոր ներկաներին: Մինչեւ այսօր այդ քոյրերը Սպիտակի մէջ կը ծառայէն եւ ոչ մէկ հայու կաթոլիկ կը դարձնեն: Իմ անձնական բարեկամներէս մէկը եկած էր եւ զացեր տեսեր էր անոնց գործը եւ սրտաբուխ նուիրատուութիւն էր կատարեր, որպէսզի այդ քոյրերը կարենան առաւել եւս արդիւնաւորութեամբ ծառայել այդ անխտրական քրիստոնէական սիրոյ իբրեւ ճառագայթում: Այդ կնոջ դէմքին վրայ եւ տեսայ այդ ճառագայթումը առ Սատուած հաղորդութեան:

Մնացեալները ինձի օտար թղթակից մը եկած էր: Հարցումներէն մէկն այն էր, թէ երկու կիներ այս վերջին շրջանին մեծ ազդեցութիւն գործեցին հանրային ընկերութեան վրայ, մէկը Lady Diana եւ միւսը Mother Theresa. Դուք ինչպէ՞ս կը գնահատէք այս երկուսը: Ես պատասխանեցի, որ ոչ մէկ տեսակի որակական կապ կը տեսնեմ երկուքի մէջ: Մէկը Սատուածով ներթափանցուած անձ էր. միւսը ընկերային դէմք մըն էր, որ զանազան պատճառներով այդպէս համաժողովրդական յարգանքի արժանացաւ իր մահէն ետքը երիտասարդ տարիքին, մամուլի եւ մահուան ողբերգական նկարագրին եւ ունեցած ընկերային դիրքին պատճառներով: Մի դէմք երկուքը նոյն գիծի վրայ հաւասար:

Այդ աստուածային ներկայութիւնն է, որ Եկեղեցին Եկեղեցի կ'ընէ: Այսօր եթէ երբեք Ֆրանսիայի մէջ արժէշափային վիճակագրական գնահատում ըլլայ, հաւանաբար նախագահ Ժաք Շիրակէն աւելի մեծ համբաւ կ'ունենայ Abbé Pierre այն հոգեւորական պարզ վարդապետը, որ փողոցին մէջ պառկողները կը հաւաքէր, կը խնամէր: Ես իմ արեղայութեանս շրջանին "Les Chiffonniers d'Emmaus" գիրքն էի կարդացած, իր կեանքի եւ գործի պատմութիւնը, որ իմ վրաս հետք թողած է: Ես չեմ կրցած նոյնը մնայ, նոյն ձեւով զգալ այդ գիրքը կարդալէս ետքը: Վերջերս տակաւին իր երկու գիրքերը կարդացի ու տեսէք այս մէկ խօսքը որքան խորիմաստ է, որ կը մէջբերեմ. «Երբ ձեռքդ կը դնես ուրիշի ձեռքին մէջ, ուրիշի ձեռքը չէ, որ կը զգաս, այլ՝ Աստուծոյ ձեռքը կը զգաս քու ձեռքիդ մէջ»:

Սմբերկայի կացութիւնը որոշ չափով գիտեմ, ընկերային պահանջքները շատ են հովիւներէն: Ես գիտեմ քահանայ որուն գլխաւոր գործը կարծես, եկեղեցւոյ համար անհրաժեշտ գնումները շուկայից կազմակերպելն էր, ապրանքները փոխադրել, տոմսակ ցրուել՝ սեղաններ շարել և այլն: Ստոնք աւելի տեղ կը գրաւէին իր կեանքին մէջ քան թէ միւս այն հոգեւոր, աղօթական բաժինը որ պիտի ինքը ընէր որպէսզի ժողովուրդը լեցուէր Աստուծոյ հոգիով: Եթէ կան հարցումներ թէ մեր հոգեւոր պաշտամունքային կեանքը ինչպէ՞ս կրնաք վարզացնել, ինչ որ իմ փորձառութենէս կ'ուզայ, ես ձեզի հետ կը բաժնեմ զայն: Բայց քահանայի, հոգեւորականի պարագային աղօթքը, պաշտամունքը առաջնային նշանակութիւն պէտք է ունենայ եթէ հոգեւորականը իր առաքելութիւնը ուղիղ կերպով պիտի իրագործէ ժողովուրդի կեանքին մէջ:

բ) Երկրորդը քարոզչութիւնն է (kerigma): Հաւատացէք այս իմ ամենամեծ ցաւերէս մէկն է: Երբեմն կը պատահի, որ հոգեւորականներէն մէկ կամ երկու հոգի եկեղեցւոյ բեմ կ'ելլէն եւ կը քարոզեն: Երբեմն կը պատահէր, Սատուած տայ որ քիչ պատահի կամ երբեք

չըպատահի, կը դառնայի կ'ըսէի. «Տղա՛ս, եթէ երբէք ես աշխարհական հաւատացեալ մը ըլլայի՝ քարոզը կէս կը թողնէի դուրս կ'ելլէի. բան մըն ալ չըսիր, ոչ մէկ հէտք թողուցիր ունկնդիրներուն վրայ, ապա ինչո՞ւ կը խօսիս: Ընդհանուր խօսքեր, խրատական խօսքեր ատանց վերլուծումի, ատանց ուսումնասիրութեան: Ես քու խօսքիդ մէջ քու յարգանքիդ պակասը տեսայ քարոզիկն հանդէպ: Եթէ յարգանք ունենայիր քարոզիկն հանդէպ այդպէս մակերեսայնօրէն չէիր պատրաստէր»: Հետեւաբար, ինչպէ՞ս կ'ուզէս ժողովուրդը կապուի քրիստոնէական հաւատքին եւ եկեղեցիին:

Այն գաղափարը, թէ քարոզութիւնը բողոքականին կը պատկանի, իսկ մկրտութիւն, ծէս, արարողութիւն հայոց քահանային կը պատկանի, ատիկա բոլորովին այլեւս իր ճշմարտութիւնը կորսնցուցած, հինցած գաղափար մըն է: Բայց մենք երբեմն դժբախտաբար պետք եղած ձեւով այդ քարոզութիւնը չենք արժէքնէր: Եւ պիտի տամ ձեզի օրինակներ: Արմաշի դպրոցով, Երուսաղէմի Ժառանգաւորացով, Անթիլիասի Դպրե-վանքով և յետոյ նաեւ Էքմիաժնի Հոգեւոր ձեմարանով կերպարանա-փոխուեցաւ քարոզութեան պատկերը մեր Հայ Եկեղեցիին մէջ: Օրմանեան, Դուրեան, Գուշակեան, Կիւլէսերեան, Գարեգին Յովսէփ-եան, Խաչատուրեան Պատրիարքներու եւ Կաթողիկոսներու նման դէմքեր քարոզութեան մէջ այնպիսի ճառագայթումներ ունեցան, որոնք նոր աճ եւ նոր ուժգնութիւն բերին Հայց. Եկեղեցւոյ քարոզչական առաքելութեան:

Ես անձամբ լսած ըլլալու երջանկութիւնը ունեցած եմ Գարեգին Յովսէփեանց Կաթողիկոսը: Հոգիները կ'ալեկոծէր եւ չէիր կրնար մնալ անտարբեր: Խօսքը ի՞նքն էր, մէկ խօսքով ճշմարտութիւնը իր անձին մէջէն կը բխէր: Եւ ինչպէս իմ «Հովուական Աստուածաբանութիւն» գիրքիս մէջ ըսած եմ, Ծնորհալիին այդ սքանչելի պատկերը մէջբերելով. «Խօսքը չպիտի անցնի ինչպէս ջուրը խողովակէն կանցնի, խօսքը պիտի արտաբերուի այնպէս, ինչպէս սպունգէն կը բխի»: Սպունգ, ջուրը սպունգի մէջ պէտք է իւրացուած ըլլայ որպէսզի այլեւս սպունգին եւ ջուրին միջեւ տարբերութիւն չտեսնես: Հոգեւորականին խօսքը իր մէջ պիտի նախ ապրուած ըլլայ, իւրացուած ըլլայ, խորունկ հասկացողութեամբ տրուի, որպէսզի կարենայ ժողովուրդին հասցնել ճշմարտութիւնը, ապրուած ճշմարտութիւնը:

Այսօր այն կերպարանափոխութիւնը, որ անցնող հարիւր տարիներուն ընթացքին պատահեցաւ Հայ Եկեղեցւոյ կեանքին մէջ եւ այժմ Ամերիկայի այս տարածքին վրայ, այդ կերպարանափոխութիւնը պէտք է մենք պայծառ պահենք եւ չնուազեցնենք: Եւ կարող եմ ձեզ հետեւեալը ըսել հանգիստ խղճով — այսօր մենք շատ ատելի վարձացած հոգեւորա-կաններ ունինք, քան ինչ որ հայ Կաթոլիկը ունի կամ հայ Աւետարա-նականը: Բայց մենք յաճախ չենք արժէքներ մենք զմեզ: Ինձի ըսէք ո՞ր վարդապետը կամ ո՞ր քահանան իր քարոզներուն ընթացքին որ մէկ Կաթողիկոսէն կամ մեծ մտաւորական հոգեւորականէն մէջբերում կը կատարէ: Շատ քիչ են: Բայց Կաթոլիկ եկեղեցական մը, երբ կը քարոզէ, յաճախ Սրբազան Պապը կամ կարեւոր դէմք մը կամ դէմքեր կը մէջբերէ:

Մէջբերումը մեզմէ շատերուն համար կարծէք թէ պատկերօրէն է: Ինչո՞ւ ուրիշին բառերը պիտի գործածենք, բայց մեծ գիտնականներ, պարկեշտութիւն կը նկատեն իրենցմէ առաջ ըսուած խօսք մը մէջ բերել: Օրինակի համար, իմ կեանքիս վրայ այն հոգեւորականը որ ամենէն մեծ ներգործութիւնը ըրած դէմքերէն մէկն է մտաւորական, գաղափարական գետնի վրայ Թորգոմ Գուշակեան Պատրիարքն է: Իր բոլոր գիրքերը եւ «Միոնի» 1929-1938 տարիներու թիւերուն մէջ հրատարակած յօդուածները կարդացած եմ: Ես յաճախ իրմէ կ'օգտուիմ, իրմով կը հարստանամ:

Մեր մատենագիրներէն Գեւորգ Սկեւուացիի մեկ թուղթին մէջ տող մը կայ որ շատ բան կ'ըսէ. Մեր ազգի բարիքներուն մէջ կայ «պալլս մեծացուցանել եւ պինքեանս նուաստացուցանել»: Շատ խորունկ ճշմարտութիւն մըն է:

Ես միւս տեսակետն ալ չեմ ընդունիր, թէ ամեն ինչ, որ հայկական է, պատուական է, ան ալ ուրիշ ծայրահեղութիւն է: Ինծի համար ինքնաձանաչումը լաւագոյն եղանակն է մեր առաքելութեան եւ պէտք է վերակենդանացնենք այդ քարոզութեան ուժը:

Քարոզութեան մասին պետք է մենք ունենանք այն գիտակցութիւնը, որ Աւետարանէն քաղուած ճշմարտութիւնները ժողովրդի ապրուած կացութեան, պայմաններուն համաձայն պիտի մեկնաբանենք, ո՛չ թէ տեսաբանական վերլուծումներ պիտի կատարենք: Քրիստոնէութիւնը գաղափարախօսութիւն (ideology) մը չէ: Քրիստոնէութիւնը ապրելու եղանակ մըն է: Քրիստոս չբաւ «Այս է ճշմարտութիւնը», գիրք մը չգրեց, ամպիոններէն չխօսեցաւ: Մն ըսաւ. թէ Ես եմ ճշմարտութիւնը, եւ որ «Էտես Զիս, ետես Զհայրն իմ» (ՀՈՎՀ. ԺԴ 9) եւ թէ «Ես եմ ճանապարհ, ճշմարտութիւն եւ կեանք» (ՀՈՎՀ. ԺԴ 6): Ոչ թէ հոն է ճշմարտութիւնը, ոչ թէ մտքի տրամախոհութեան եղանակներու եզրակացուած փիլիսոփայական ճշմարտութիւն մըն է, ալ մարդու կեանքի, երջանկութեան հետ կապուած հարց մըն է: Եւ քարոզները պիտի ըլլան ժողովրդի կեանքի ապրուած պայմաններուն մէջ քրիստոնէութիւնը թարգմանելու ճիգը եւ ոչ թէ ընդհանուր գիտական ինքնացուցադրութիւն:

Ինչպէս Քրիստոս իր քարոզութեանց ընթացքին միշտ ժողովուրդին կարիքն ու բարիքը ունեցաւ որպէս նպատակակէտ, այնպէս ալ մենք պէտք է շարժինք այսօր եւ միշտ: Այսպիսի քարոզութիւնը կրնայ իսկապէս մեծ յեղափոխութիւն (յեղափոխութիւն բառը դրական իմաստով կը գործածեմ), յեղաշրջում յառաջ բերել մեր ժողովուրդի կեանքին մէջ:

գ) Ծառայութիւն. վերջապէս, պէտք է աղօթքը, ծէսը, քարոզութիւնը իրար հետ ներդաշնակուին, եւ անոնք պէտք է յրացուին ընկերային ծառայութեամբ՝ կարիքաւորին, հիւանդին, սգաւորին, որբին, ծերին մատուցուած ծառայութեամբ: Եւ ասիկա մաս կը կապմէ Քրիստոսի առաքելութեան ամբողջութեան: *Diakonia* յունարէն բառով կ'արտայայտուի հոգեւորականի գործին տարածելը — ծառայութիւն:

Քրիստոս միայն չաղօթեց եւ ոչ ալ միայն քարոզեց, խօսեցաւ, ալ գործեց բարիք. հիւանդները բժշկեց: Եկեղեցին եւ անոր սպասաւորը

իրենց գործունեության մէջ անպայման տեղ պիտի տան այս կողմին: Այստեղ, Ամերիկայի մէջ, բարեբախտաբար պետական սպասարկութիւնները իրենք լանձն առած են կարիքաւոր, չքաւոր դասակարգին հոգածութիւնը: Welfare-ը շատ մեծ տեղ ունի ամերիկեան կեանքին մէջ: Վստահ եմ, սակայն, դուք այ, մեր Եկեղեցին ալ անտարբեր չեն մնար ընկերային ծառայութեան այս մարզին նկատմամբ: Յիսուսի պատկերին մէջ առանձնայատուկ տեղ ունի բարի Սամարացիի պատկերը:

Բայց այսօր ես շատ ամփոփ խօսեցայ այս մասին: Աւելին կրնամ ըսել հարցում-պատասխան բաժնին մէջ, խօսքիս աւարտին:

Ասկէ անդին միայն կ'ուզէի հետեւեալ երկու մէջբերումները կատարել եւ ձեզի փոխանցել այսօր տեսակ մը իմ առաւօտեան նուէրը: «Թէ քարոզողն լինի շիրճալ մոմ, ունելով մեռեալ հաւատս չար գործովք ոչ տայ լոյս այլ ծուխ հաճէ յինքնէն»: Քարոզողը, եթէ ինքը շիրճած մոմ ըլլայ, լոյս չի տար, այլ՝ ծուխ կուտայ, ինչպէս կը գրէ Գրիգոր Տաթեւացի «Ամարան» հատորին մէջ: Որքան խորունկ պատկեր: Եւ երկրորդ՝ Ագաթանգեղոսի սա տողը. «Սովոր իսկ են ճշմարիտ վարդապետք զանձանց առաքինութիւն կանոն աշակերտելոցն դնել, մանաւանդ յուժ առնելով զՏէրունական, զմիայնոյն զիմաստնոյն Աստուծոյ, քանզի ասէ իսկ. Սկսաւ Յիսուս առնել եւ ուսուցանել»: Ոչ թէ ուսուցանել եւ առնել: Առաքին ճշմարտութիւնը գործի, կեանքի ճշմարտութիւնն է եւ ոչ թէ խօսքի ճշմարտութիւնը: Եւ եթէ մենք ուզենք երբեք վերլուծել աստուածաբանօրէն, թէ ինչ կը նշանակէ Բանն Աստուած, Աստուծոյ խօսք, Աստուծոյ խօսքը գիրք չէ, տողը չէ, Աստուածաշունչի բնագիրը չէ, Բրիստոսի Մնձն է: Այս է Բանն Աստուծոյ:

Այս հարիւրամեակը, որուն համար կը շնորհաւորեմ ձեզ անգամ մը եւս, ինչպէս երէկ Եկեղեցիի մէջ, ննջեցեալներուն բոլորին յիշատակը օրհնելէ ետքը, կոչ ուղղեցի մեր նոր հոգեւորականութեան, այստեղ կը փակեմ խօսքս Թորգոմ Պատրիարք Գուշակեանի հետեւեալ բառերովը. «Եկեղեցականին համար գահ չկայ, Եկեղեցականին համար խաչ կայ»: Եպիսկոսն այս խաչը պատուով, եւ այդ թող ըլլայ մեր զէնքը: Չոհուելով է, որ պիտի ճառագայթենք եւ ճառագայթելով է որ պիտի յսպառինք եւ մեր Եկեղեցին պիտի ապրի»:

Վեհափառ Հոր խոսքից հետո ծավալվեց մտքերի փոխանակութիւն: Նորին Արքութիւնը Հանգամանալից պատասխաններ տվեց քահանաների կողմից առաջադրված բոլոր հարցերին, ավելի մանրամասնեց Հայ Հոգևորականի պարտականութիւններն արդի պայմաններում:

Քննարկվեցին նաև Հայաստանյայց Եկեղեցուն առնչվող հարցեր: Տ. Վաչե արքեպս. Հովսեփյանը խոսեց Հայ Եկեղեցու ծեսի, Տ. Հովնան արքեպս. Տերտերյանը՝ Հովվական առաքելության, իսկ Տ. Խաժակ արքեպս. Պարսամյանը՝ ընկերային-մշակութային կյանքի մասին:

Թուրաքանչյուր ելույթից հետո, ներկա Հոգևորականները

բաժանվում էին վեց ենթախմբերի, համատեղ քննարկում առաջադրված նյութը և ապա համագումարին ներկայացնում իրենց թելադրանքներն ու առաջարկությունները:

Հոգևորականաց համագումարն իր լրմանը հասավ մայիսի 7-ի Հինգշաբթի օրը, առավոտյան մատուցված Սուրբ և անմահ Պատարագով: Օրվա պատարագիչն ու քարոզիտոսն էր բոլորովին վերջերս ձեռնադրված արժանապատիվ Տ. Վարգան քհն. Սապունջյանը:

Վերջում ավելացնենք, որ Հոգևորականաց համագումարը մեծ խանդավառությամբ ընդունվեց ներկաների կողմից: Շատերի կարծիքով նման համաժողովները բավականին ուսանելի են և գերադասելի է ապագայում ևս, ժամանակային կանոնավոր պարբերականությամբ, այսպիսի համագումարներ կազմակերպել:

ԱՅՅԵԼՈՒԹՅՈՒՆ Ս. ՆԵՐՍԵՍ ԸՆԾԱՅԱՐԱՆ

Նույն օրը, երեկոյան, Ամենայն Հայոց Կաթողիկոսը, ուղեկցությամբ Տ. Խաժակ արքեպս. Պարսամյանի և գավազանակիր Տ. Խորեն արքեպս Հովհաննիսյանի, այցելեց Նյու Յորքի Սուրբ Ներսես Ընծայարան: Այստեղ Նորին Սրբությանը դիմավորեց համագումարի մասնակից Հոգևորականաց դասը և «Հրաշափառ»-ի ուղեկցությամբ առաջնորդեց դեպի Ընծայարանի մատուռ:

Երեկոյան ժամերգությունից հետո, Հայոց Հայրապետի օրհնաբեր այցելության ուրախ առիթով, բարիգալստյան խոսք ասաց Ընծայարանի վարիչ արժանապատիվ Տ. Առաքել քհն. Ալճալյանը: Ապա ուսումնական գծով տեսուչ ղոկտոր Աբրահամ Տերյանը ներկաներին հանգամանալից կերպով ծանոթացրեց կրթօջախի ուսումնական և ակադեմիական ծրագրերին, ներկայացրեց իրենց առաքելությունը:

Այնուհետև Նորին Սուրբ Օծությունը մասնավոր աղոթք առաքեց առ Աստված՝ Ընծայարանի Հիմնադիր Տ. Տիրան արքեպս. Ներսոյանի Հոգու խաղաղության համար, ինչպես նաև խոսեց աղոթքի ու ձեռի, ուսման ու առաջընթացի մասին՝ ընդգծելով նաև արարողությունների ճիշտ և տեղին կատարման կարևորությունը:

«Սիրելի սաներ, ուսուցիչներ աստվածաբանական այս ճեմարանին.

Սոաքին հերթին ես անգամ մը ևս պարտք կզգամ աղոթքս բարձրացնել դեպի երկինք և վերակոչել ու պանծացնել անգամ մը ևս հիշատակը այն մեծ հոգևորականին, որ իմ երիտասարդ տարիքին իմ ուսումնական կյանքում ինձ ներշնչող դեմքերեն մեկը եղած է՝

երջանկահիշատակ Տիրան արքեպիսկոպոսը: Թող Աստված երկնքին մեջ անոր հոգին երջանկացնե:

Երկրորդ՝ ես կուզեմ գնահատել մեր երեք թեմերի առաջնորդ Արքայան Հայրերը, որոնք ձեռք-ձեռքի տված, ներդաշնակաբար այս կենտրոնը կապեն այսպես կենդանի, ստեղծագործական, առաջադիմական, պարզացողական ընթացքին մեջ: Եվ քանի որ այսօր եկած եմ ոչ թե սովորական այցելությամբ, որպես հովվապետական այցելություն, այլ եկած եմ 100-ամյակի առթիվ և երբ Տեր Հայրը հիշեց պարոն Թերլյանը, կմտածեի, թե 100 տարիներ առաջ այս հաստատությունը չկար, հոգևորականներու այսպիսի բազմություն չկար, այսպիսի վարձացման մակարդակ չկար: Մեկը եկած էր Պոլիսեն, մեկը եկած էր Իսմիրեն, ուրիշ հոգևորական մը պատահաբար կուգար գալառներեն, լեզուն չէին գիտեր: Եվ ես կրսեմ այսօր փառք Քեզ Աստված, որ Հայոց Եկեղեցիին այս ծաղկումը շնորհեցիր: Ահավասիկ այսօր այնքան թվով հոգևորականներ կան, և այս հոգևորականության վարձացածության օջախը այս երկրին մեջ կմնա այս հոգևոր դպրոցը և իմ փափագն է, որ, շենքի արտաքին բարեկարգումեն ետքը, ներքին հոգեկան պրկումի, կարգավորման, խորացման ընթացքը, որուն լծված եք, ատիկա իր բարի պտուղները տա մեր ամբողջ ժողովուրդին համար Հյուսիսային Ամերիկայի այս երկրամասին մեջ:

Ես այսօր կուզեի անդրադառնալ նաև այն իրողությանը, որ մենք այսօր մեր Եկեղեցվո 1700-ամյակի տոնակատարություն ըսելով լպետք է հասկանանք միայն և միայն անցյալի վերակոչում, անցյալով պանծացում: Մեր հայրերը... Աստուծո հետ են անոնք, մեր հողագնդին մեջը չեն, մեր պարտքն է պանոնք հիշել, բայց պարտք պետք չէ սահմանենք միայն հիշելու մեջ, այլ անոնց հոգին կենդանացնելու մեջ: Եվ ըսեմ ձեզի՝ այսօր ֆրանսերեն մեկ գիրք անցավ ձեռքս Եվրոպայի այս միության մասին գրված, ուր տող մը կար, որ շատ տպավորվեցաւ: Կրսե՛մ մենք Եվրոպայի միության հայրերուն գործը կժառանգենք և ոչ մոխիրը, այլ կրակը: Մենք մեր հայրերը անուններու կվերածենք, բայց պետք է հոգիի վերածենք, ներշնչող, ինչպես կրսե բանաստեղծը: Վարդանի հոգին, Ս. Ներսես Շնորհալու բառերով ասած, ինչպես հրագունդ անշեք, կմտնե ամեն հայու հոգու մեջ: Ներսես Շնորհալիին կամ ուրիշ մեծ դեմքերուն մինչ Հովհաննես Երզնկացին, այդ սքանչելի ներբողը Գրիգոր Լուսավորչի մասին, այդ բոլորը պետք է ներգործուն ուժ դառնան, ոչ թե մնան գիրքերու մեջ: Այդ հպարտությունը ձևական հպարտություն է: Հպարտությունը արժեք կունենա, երբ պարտականության կվերածվի, ժողովուրդի տեսակ մը ըմբոշխման, ժողովուրդը կներթափանցվի հայրերու այդ բառերով, անոնց իմաստությամբ, անոնց հոգիով:

Իմ խոսքը այսօր կփակեմ հետևյալ պատգամի իմաստով, համմենլով մեր սիրելի հին ու նոր ուսուցիչներուն և նաև մեր սիրելի աշակերտներուն: Հոգևոր դպրանոց մը, ձեմարան ըլլա, ժառանգավորաց վարժարան, ինչ անուն այ որ ունենա, երեք տեսակ գործունեություններու համադրություն մըն է: Առաքին՝ աղոթք և պաշտամունք,



ՎԵՐԻՄԱՆ ԴԱՐՈՒՄԻՆԻ ԿԱՏՈՒՄԵՆԻ ՍԻՆՈԴԱԿԱՆ ԿԵՆՏՐԱԼԻ ՄԱՐԿԱՐԿՈՍ ԵՎ ՆԵՐՍԵՍ ԸՆԴՈՒՄՅԱՆԻ ՍԱՆՏԵՐԻՆ

երկրորդ՝ ուսում և կարգացում, երրորդ՝ գործնական ծառայություն: Այս երեք տարրերը եթե կարենանք պահել ներդաշնակությամբ, այն ատեն է, որ կունենանք հոգևոր պատրաստություն: Եթե երեք մեկը միայն ու միայն շարական պիտի երգե և միայն ու միայն ծես պիտի սորվի և ատով պիտի կատարյալ և ամբողջական համարե իբրև հոգևորական պատրաստությունը, այդ բավական չէ: Եվ սակայն այն անձն ալ, որ ուսումնական իր մեծությանը, իր գիտական ճոխությանը մեջ կհպարտանա առանց աղոթքի, այդ հպարտությունը մեռցնող հիվանդություն մըն է: Այդպիսի մտավորականը ինձի համար մեծ նշանակություն չունի:

Եթե մտավորականը երբեք չկարենա իր ունեցած ուսումը, հմտությունը, իմաստությունը փոխանցել ժողովուրդին, ապա ինքն իր մեջ կբանտարկվի, կմնա: Շատ-շատ երբեմն-երբեմն գիրքերու մեջ կհիշատակվի, որոնք միայն մասնագետները կկարդան: Ահավասիկ, պարոն Տերյանը իր գործերուն մասին խոսեցավ: Ես տեսած եմ գիրքերին շարքին մեջ, բայց հարց տամ ձեզի՝ քանի՞ հայ կա, որ տեղյակ են: Ո՞վ գիտի նույն ինքն ամերիկային մեջ, որ Ռոբերտ Թոմսոն անունով մի անգլիացի, որուն ուսանողությունը կճանչնամ ես Քեմբրիջի համալսարանեն, երբ ինքը ամեն շաբաթ կճամփորդեր Լոնդոն հայերեն սորվելու համար: Շատ գրքեր թարգմանած է իմ ու ձեր հայրերու գրականութենեն ու հարց կուտամ, թե քանի՞ երիտասարդ կա Ամերիկային մեջ, որ գոնե տեղյակ ըլլա այս բոլոր գործերեն:

Մենք պետք ունինք ճառագայթումի, ինչպես երեկ հոգևորականաց համագումարին կրսեի մեր սիրելի եղբայրներուն: Չուրը ավապանին մեջ պահեք կճահճանա, ջուրը պետք է հոսի, առվակվի, նոր կյանք տա ծառերուն և այդ ծառերեն բարի պտուղ կքաղինք: Ի միջի այլոց «նաստվածաբանել», շարականներուն մեջ հիշված բառ է. «Բահանայք, աստուածաբանելով ՎՏԵր խօսեցէք»: Աստվածաբանել չի նշանակե միայն գիտական պրպտում կատարել, գիտական գործերու հետևիլ, գիտական հողվածներ գրել: ՉԱստված օրհնելը աստվածաբանել է, Աստուծո մասին խոսել է. «խօսք յաղագս Աստուծոյ»: Եթե ըլլա աղոթքը, ո՞ր աստվածաբանները պիտի կարենան ըլլալ Աստուծո թարգմանները: Պիտի ըլլան իրենք իրենց մեծ հեղինակություն ընծայող, իրենց անունով հպարտացող:

Մեկ օր պատահեցավ, որ մասնակցեցա մի ժողովի: Շատ խելացի, ամենեն սուր միտք ունեցողներեն մեկը, որ իմ եղբոր նման հոգևորական էր, ելավ բեմին վրա, ըսավ. հետևյալ տասը պատճառներով ես կպատմեմ Աստուծո գոյության մասին ճշմարտությունը ըստ Ավետարանի: Եվ շատ գեղեցիկ ձևով ներկայացրեց, հետո սակայն դարձավ և ըսավ. կարող էի տասը նույնքան պատճառներով այս ճշմարտության հակառակը փաստել: Այն ատեն ատենապետը ըսավ. այդ մարդը ինձի համար մեռավ իբրև աստվածաբան: Նա ճշմարտությունը վերածել է արվեստի, ճշմարտության մասին տրամախոսելու կարողություն մը ունի և ատիկա վերածել է ինքնաբավ գործունեության մը, ոչ թե Աստուծո և ժողովուրդի մեջ կամուրջ հանդիսանալու առաքելության:

Ես այս դպրեվանքի, այս Հոգևոր Ճեմարանի մեջ կիմանամ նաև սրբապաններեն, որ դուք բացի ուսումեն, բացի աղոթքեն, կերթաք թեմերու մեջ գործ կրնէք: Ատիկա հետքն է ճշմարտության: Գացեք և գործեք: Ավետարանի հատվածները, ճշմարտությունը ո՞վ պետք է տարածի ժողովուրդի մեջ: Մենք մեր մեջ խորհելով, խորանալով անոնցմով արդյոք խոսքին նպատակը իրագործած կըլլա՞նք: Հետևաբար, ես կոչ կրնեմ սիրելի ուսանողներին ավելի շատ աղոթել: Առանց աղոթքի հոգևորական չեմ կրնա երևակայել: Հավաքական, հասարակաց աղոթք, անհատական, առանձնական աղոթք իրար հետ կապված են անքակտելիորեն: Այս մատուռը պետք է ըլլա ամենօրյա կյանքի, աղոթքի, առ Աստված հաղորդության, պորացման աղբյուր: Երկրորդ՝ գրադարանը, դասընթացը, ուսումը, ուսուցչին հետ հաղորդակցությունը, որքան կրնաք հմտանալ այդտեղ կամ Սենթ Վլադիմիր կամ ուրիշ տեղ, ըրեք: Երրորդ՝ ծավալեցեք այդ հմտությունը մեր ժողովուրդի կյանքում:

Կշնորհավորեմ ձեզ բոլորդ, շնորհակալ եմ այս ընդունելության համար և կմաղթեմ, որ բոլորդ ալ անպայման գաք Սուրբ Էջմիածին: «Անպայման» բառը կկրկնեմ, որովհետև մենք պետք է վերաթարմանանք մեր ավանդությամբ: Ես շատ օտար Եկեղեցիներ ճանաչեցի, աշխարհի շատ օտար երկրներ գացի, մեր Եկեղեցվո ավանդությունը ավելի մեծցավ աչքիս: Նացիոնալիզմ կամ շովինիզմ չեմ քարոզե, բայց երբ կտեսնեմ, որ 5-րդ դարում Փիլոն Եբրայեցիին Հայաստանի մեջ մեր հայրերը կթարգմանեն, դա ինձ համար հոգեկան պորացման աղբյուր է, թե Հայաստանի մեջ Արիստոտելեն անգամ կթարգմանվի և այսօր Հայաստանը պետք ունի նոր ջրտուքի և եկեք Մայր Աթոռ, պորացեք ձեր հայրերու արմատներեն եկած ավիշով: Այս է իմ հրավերը, և մաղթանք ու օրհնություն ձեր բոլորին: Ձեր աչքի բիբին պես պահեցեք այս հաստատությունը, Սուրբ Ներսես Հոգևոր Ճեմարանը»:

Հանդիպումն ավարտվեց մտերմիկ զրույցով: Փոխանակվեցին հուշանվերներ:

Յ ՄԱՅԻՍԻ. ԱՄԵՆԱՅՆ ՀԱՅՈՑ ՀԱՅՐԱՊԵՏԻՆ ԸՆՈՐՀԱՅՑ ՊԱՏՎԱԿՈՐ ԴՈԿՏՈՐԻ ԱՍՏԻՃԱՆ

Մայիսի 6-ի չորեքշաբթի օրը, առավոտյան, Ն.Ա.Օ.Տ.Տ. Գարեգին Ա Ամենայն Հայոց Կաթողիկոսն իր շքախմբի ուղեկցությամբ ժամանեց Նյու Յորքի Եպիսկոպոսական Եկեղեցու (Անգլիկան Եկեղեցին ԱՄՆ-ում) Ընդհանուր Աստվածաբանական Քոլեջ (General Theological Seminary), ուսումնական մի Հաստատություն, որն ամենահայտնի աստվածաբանական Հաստատություններից մեկն է Միացյալ Նահանգներում, և ուր բարձրագույն կրթություն են ստացել մեծաթիվ Հայ եկեղեցականներ:

Այստեղ Նորին Արքունիքի ղեկավարեցին Նյու Յորքի Եպիսկոպոսական Եկեղեցու Եպիսկոպոս Ռիչարդ Գրինը, Կանոնիկոս Ռոբերտ Ռայթը, Եպիսկոպոսական այլ Հոգևորականներ:

Հայոց Հայրապետը, զգեստավորվելով դպրեվանքյան կարմիր պատմունճանով, զանգերի ղողանջների ներքո, անցնելով գեղեցիկ՝ ծաղիկներով զարդարուն պարտեզների միջով, մուտք գործեց Դպրեվանքի մատուռ, ուր հավաքվել էին Հայ և Եպիսկոպոսական եկեղեցիների հոգևորականներ, Հյուսիսային և Հարավային Ամերիկաների Հայոց թեմակալ առաջնորդները:

Համապատասխան աղոթքների ընթացումներից և սաղմոսների երգեցողությունից հետո, ամփոփ կերպով ներկայացվեց Նորին Սրբություն կենսագրականը, եկեղեցանվեր ու Հայապահպան գործունեությունը:

Ապա, Եպիսկոպոսական եկեղեցու ավանդության համաձայն կատարված երեկոյան հատուկ արարողությունից հետո, ձեռամբ քոլեջի վերատեսուչ Ուորդ Էվինգի, Հանդիսավորությամբ Հայոց Հայրապետին շնորհվեց Պատվավոր Դոկտորի աստիճան՝ ի գնահատություն Նորին Սրբության աստվածաբանական, միջեկեղեցական, գրական ու դաստիարակչական գործունեության:

Փարեգին Ա Վեհափառ Հայրապետը, շնորհակալություն Հայտնելով այս բարձր գնահատության համար, իր խոսքում առանձնակի շեշտեց. «Կենանքիս ամենէն յուզիչ, ներշնչիչ եւ հոգեպէս բաւարարութիւն տուող պահերէն է այս պահը»՝ ընդգծելով Հայ և Անգլիկան եկեղեցիների սերտ բարեկամությունն ու փոխադարձ հարգանքը: Նորին Սրբությունը նշեց նաև, որ Օքսֆորդի համալսարանում ուսանած տարիներին ունեցել է Եպիսկոպոսական եկեղեցուն պատկանող շատ ուսուցիչներ: Խոսելով Հայոց աշխարհի մասին՝ ասաց. «Մենք ալլելու այն երկիրը չենք, ուրկէ գաղթականներ կու գային: Մենք մաս կը կապենք աշխարհի ազգերու ընտանիքին: Ի՜նչ փոփոխութիւն»:

Հանդիսավոր արարողությունից հետո, ի պատիվ Ամենայն Հայոց Հայրապետի, կազմակերպվեց հատուկ ընդունելություն, որի ընթացքում երկուստեք փոխանակվեցին հուշանվերներ: Քոլեջից մեկնելուց առաջ, Նորին Սրբությունը խնդրեց ղեկավարությանը, որպեսզի իր կողմից տրված Հայաստան այցելության հրավերքը վերջիններս փոխանցեն Անգլիկան եկեղեցու նախագահող եպիսկոպոս Ֆրանկ Գրիգուռտին:

Հանդիսույթին ներկա էին Եպիսկոպոսական եկեղեցու սրբազան Հայրեր, քոլեջի դասախոսներ, ուսանողներ, Հայ Առաքելական եկեղեցու ԱՄՆ-ի Արևելյան, Արևմտյան, Կանադայի, Արգենտինայի, Բրազիլիայի, Ուրուգվայի թեմերի առաջնորդները, Արարատյան Հայրապետական թեմի առաջնորդական փոխանորդը, սրբազան Հայրեր Ամերիկայի և Կանադայի թեմերից:

ՆՈՐԻՆ ՍՐԲՈՒԹՅԱՆ ԱՅՑԸ ՍՄԵՐԻԿՅԱՆ ՍՈՒՐԲ ԳՐՈՑ ԸՆԿԵՐՈՒԹՅԱՆ ԿԵՆՏՐՈՆ

Մայիսի 6-ի երեկոյան Նորին Սրբութիւնը, Հյուսիսային և Հարավային Ամերիկաների թեմակալ առաջնորդների, 100-ամյակի տոնակատարութիւններին մասնակցող եպիսկոպոսաց դասի և մեծածախի ալ Հոգեւորականների ուղեկցութեամբ, այցելեց Ամերիկայի Սուրբ Գրոց Ընկերութեան Նյու Յորքի կենտրոն, ուր կազմակերպված էր ցուցահանդես Երուսաղեմի Սուրբ Հարութիւն տաճարի գմբեթի վերանորոգման կապակցութեամբ:

Յուցադրանքում տեղ էին գտել տաճարի գմբեթի վերանորոգման աշխատանքները պատկերող լուսանկարները, ինչպես նաև Հայ, Հույն, Կաթոլիկ և Ղպտի եկեղեցիների պատմա-մշակութային կյանքը ներկայացնող արժեքավոր իրեր, որոնք համարվում են Սուրբ Հարութիւն եկեղեցու պահպանիչ մասունքները: Յուցահանդեսում ներկայացված էին նաև հայկական ձեռագրեր, մանրանկարներ, խաչեր, գավազաններ, զգեստներ, որոնք տրամադրել էր Ամերիկայի Արևելյան թեմի Առաջնորդարանը:

Յուցադրանքը դիտելուց հետո, Սուրբ Գրոց Ընկերութեան նախագահ դոկտոր Յուլիան Հիփքերը բարի գալուստ մաղթեց Ամենայն Հայոց Հայրապետին և նրա շքախմբի անդամներին: Ապա մեծածախի հրավիրյալներին ներկայացնելով Նորին Սրբութեանը, նաև հիշեցրեց, որ Սուրբ Գրոց Ընկերութիւնը Սուրբ Գրքի իր ճոխ հավաքածուներով պատվավոր երկրորդ տեղն է գրավում աշխարհում: Դոկտոր Հիփքերը չմոռացավ Հայաստանում՝ քաղաքամայր Երևանում գործող գրասենյակի մասին, իսկ վերջում Նորին Սրբութեանը նվիրեց «Գիրք Մենդոցի» մի գեղեցիկ հրատարակութիւն:

Այնուհետև ներկաներին իր ուսանելի խոսքը հղեց Ամենայն Հայոց Հայրապետը՝ ասելով, որ յուրաքանչյուր Հայ ընտանիք ունի իր Աստվածաշունչը, որի վերջին էջերի վրա արձանագրում է ընտանեկան որևէ իրադարձութիւն: Պատմելով Սուրբ Էջմիածնում հաստատված Քրիստոնեական դաստիարակութեան և քարոզչութեան կենտրոնի մասին, ավելացրեց. «Այժմ մեծ ջանասիրութեամբ կը կատարուին նոր աշխատանքներ՝ Տիրոջ Խօսքը ետ՝ տուն բերելու համար»: Շարունակելով իր խօսքը՝ Նորին Սուրբ Օծութիւնն ասաց.

«Սիրելի եղբայրներ և քույրեր,

Թույլ տվեք նախ և առաջ հայտնել, թե որքան հիացած և երաստապարտ եմ ձեզ՝ այս գեղեցիկ ցուցադրության համար, որն իմ սրտին շատ հարապատ է, քանի որ ինձ հիշեցնում է իմ առաջին հաղորդութիւնը Աստվածաշնչի հետ, երբ ես դեռևս մանուկ էի և ապրում էի մի լեռնային գյուղում: Այնտեղ մի հսկայական գիրք՝ Աստվածաշունչ

կար, որը թեև կանոնավորապես չէր ընթերցվում, սակայն մեր ընտանիքում տեղի ունեցող բոլոր իրադարձությունները գրանցվում էին Աստվածաշնչի հետևի մասում, և ես լավ գիտեմ, թե մեր հայ մարդիկ ինչպիսի խորին պատկառանք և պաշտամունք ունեն Աստվածաշնչի հանդեպ: Այսօր ես ուզում եմ իմ երախտագիտությունը հայտնել Ամերիկյան Աստվածաշնչյան ընկերությանը:

Գտնվելով Աստվածաշնչի և Աստծո խոսքի տարածման այս խոշոր կենտրոնում, ես ցանկանում եմ հղել իմ ողջույնները, արտահայտել իմ գնահատանքն ու շնորհակալությունը այն բոլոր գործերի համար, որ դուք արդեն կատարել, կատարում և դեռ շարունակելու եք կատարել ապագայում՝ մարդկանց կյանքում Աստծու խոսքի սերմանման և տարածման ուղղությամբ: Մենք ապրում ենք տեխնոլոգիական մի հասարակության մեջ, որտեղ թվերը, վիճակագրական տվյալները շատ ավելի մեծ տեղ ու դեր ունեն, քան որակը և բարոյական ու հոգևոր մեծությունները:

Հիշենք, սակայն, որ Աստծո խոսքը շարունակ ներկա է եղել մեր ամբողջ գրականության մեջ: 5-րդ դարի հայ պատմիչ Եղիշեի վկայությամբ, հայ հոգևոր դասը, պատասխանելով մազդեական պարսիկ արքայի պահանջին՝ հրաժարվել քրիստոնեական հավատքից և դառնալ պրադաշտական, հղեց մի թուղթ-պատասխան, որում ասվում էր, թե մենք մեզ հայր ենք ճանաչում Սուրբ Ավետարանը, իսկ մայր՝ Ընդհանրական Եկեղեցին Կաթողիկե: Սա ոչ թե պետք է գրվի թղթի կամ քարի վրա, այլ պետք է դառնա մեր կենսակերպը, ապրելակերպը: Այն ժողովուրդը, որն ընդունել է Աստվածաշունչը որպես իր ամենավսեմ և գերագույն գիրքը, արժեքը, իր կյանքի շարժիչ ուժը և կենսատու լույսը, այժմ ունի լիակատար ապատություն, որը մուտք է գործել թե՛ մեր ժողովրդի կյանքում և թե՛ Մայր Աթոռ Սուրբ Էջմիածնում: Մենք հիմնել ենք Քրիստոնեական դաստիարակության և քարոզչության կենտրոն, և ես կուզենայի, որ ձեր ներկայացուցիչները գային ու ականատես լինեին մեր ջանքերին՝ Աստծո խոսքը տարածելու մարդկանց, որոնք իրենց գրականության սկիզբը դրեցին Աստվածաշնչով:

Կուզենայի ձեր ուշադրությանը ներկայացնել մի դրվագ: Երբ 1935 թվականին մենք տոնում էինք Աստվածաշնչի հայերեն թարգմանության 1500-ամյակը, միջապգային հեղինակություն ունեցող բյուզանդագետ և հայագետ Նիկողայոս Ադոնցը նշեց, որ Աստվածաշնչի թարգմանությունը հայերեն շատ ավելի մեծ նշանակություն ունի, քան դրա թարգմանությունը լատիներեն, որովհետև Սուրբ Գրքի թարգմանությամբ հայերը սկսեցին օգտագործել իրենց գրերը: Մինչ Սուրբ Գրքի թարգմանությունը, հայերը չունեին իրենց գիրը, իսկ երբ Աստվածաշունչը թարգմանվեց լատիներեն, լատին լեզվով շատ ծաղկուն գրականություն արդեն գոյություն ուներ:

Այո, մենք գրի սկիզբը դրեցինք Աստծո խոսքը գրելով և առաքին գիրքը, որ թարգմանվեց և տարածվեց հայոց պատմության մեջ, Աստվածաշունչն էր: Այսօր ես այստեղ՝ Ամերիկայի Աստվածաշնչային ընկերությունում եմ, որը դուք կոչում եք Աստվածաշնչային տուն, իսկ

ըստ իս, ավելի ճիշտ կլինի կոչել Աստվածաշնչային թագավորություն։ Ուստի ես դիմում եմ ձեզ և կոչ անում է՛լ ավելի մեծ կարևորություն տալ Հայ Եկեղեցու և Աստվածաշնչային ընկերության համագործակցությանը։ Այս նոր դարու շրջանում մենք պետք է ավելի շատ ուշադրություն դարձնենք Աստծու խոսքի տարածմանը ժողովրդի կյանքում։ Ես շնորհակալություն եմ հայտնում այսպիսի հավաքների, ինչպես նաև ցուցահանդեսի համար։ Ենթահավորում եմ և բարձր գնահատում այն բոլոր մարդկանց և կապակերպություններին, որոնք իրենց մասնակցությունն են բերում այս գործին»։

«Եթե պետք լինի Աստվածաշունչ ուղարկել ձեզ Հայաստանից, - ժպտով եզրափակեց իր խոսքը Գարեգին Ա Վեհափառը, - մի՛ երկմտեք ինձնից խնդրել»։

Հանդիպման վերջում տեղի ունեցավ փոքրիկ Հյուրասիրություն և փոխանակվեցին հուշանվերներ։

ԳԱՐԵԳԻՆ Ա ԿԱԹՈՂԻԿՈՍՆ ԻՐ ՄԱՍՆԱԿՑՈՒԹՅՈՒՆԸ ԲԵՐԵՑ ԱՄՆ ԱՐԵՎԷՅԱՆ ԹԵՄԻ ՏԱՐԵԿԱՆ 96-ՐԴ ՊԱՏԳԱՄԱՎՈՐԱԿԱՆ ԺՈՂՈՎԻՆ

Մայիսի 7-ի Հինգշաբթի օրը, ժամը 12.00-ին, Սուրբ Վարդան եկեղեցում բացվեց Հայաստանյայց եկեղեցու Հյուսիսային Ամերիկայի Արևելյան թեմի 96-րդ տարեկան թեմական պատգամավորական ժողովը, որն իր աշխատանքները շարունակեց մինչև մայիսի 9-ը։

Հետմիջօրեին, ժամը 2.00-ին, իր չքախմբով, «Հրաշափառ»-ի երգեցողությամբ Մայր Տաճար մուտք գործեց Ամենայն Հայոց Գարեգին Ա Կաթողիկոսը և առաջնորդվեց դեպի Սուրբ Սեդան։ Նորին Սրբության չքախմբի մաս էին կազմում Հյուսիսային և Հարավային Ամերիկաների թեմակալ առաջնորդները, եպիսկոպոսաց դասը։

Ամերիկահայոց Արևելյան թեմի առաջնորդ գերաշնորհ Տ. Խաժակ արքեպս. Պարսամյանը, բարիգալստյան խոսքեր ուղղելով Նորին Սրբությանը, միաժամանակ հիշեց նաև Առաջնորդական թեմը հաստատող երջանկահիշատակ Խրիմյան Հայրիկի 1898 թվականի սրբատառ կոնդակի հետևյալ տողերը. «Ո՛հ, ո՛ տալր ինձ պթեւս արծուոյ, վի սլացեալ առ քեզ հասանէի եւ կենդանի բանիւ խօսէի միսիթարէի» և ապա ավելացրեց. «Այսօր մեր Կաթողիկոսը ունի թեւեր՝ մեզի հետ ըլլալու, մեզ միսիթարելու եւ մեզի հետ թեմի հարիւրամեակը տօնախմբելու»։ Խոսքի վերջում Սրբազան Հայրը հրավիրեց Նորին Սուրբ Օծուկանը՝ իր Հայրապետական պատգամը տալու ներկա պատգամավորներին, որոնք հոտնկայս և բուռն ծափահարություններով ողջունեցին Վեհափառ Հորը։

Իր հարգանքի ու երախտիքի խոսքն ուղղելով Հայ գաղթակա-

նությանը, ում սերունդներն այսօր հպարտ ու գործունյա քաղաքացիներն են դարձել այդ երկրի, Գարեգին Ա Կաթողիկոսն ասաց.

«Սիրելի Առաջնորդ Սրբապան, սիրելի Առաջնորդ Սրբապաններ, հարգարժան Ատենապետ և թանկագին անդամներ թեմական պատգամավորական ընդհանուր ժողովի: Նախ կցանկանամ, որ հոս, ձեպի խոսքս ուղղելն առաջ, դեպի երկինք բարձրացնեմ ձայնս և ըսեմ այն աղոթքը Շնորհալիին, որ տարիներն ի վեր հայ ժողովուրդի շրթներուն վրա կակղած է. հոգին պայծառացուցած է երկնային իմաստության շնորհներով. «Իմաստութիւն Հօր Յիսուս, տուր ինձ իմաստութիւն, պարիս խորհել, պարիս խոսել, պարիս գործել յամենայն ժամ, ի չար խորհրդոց, ի չար բանից, ի չար գործոց փրկեալիս եւ ողորմեա Քո արարածոց եւ ինձ բազմամեղիս»: Թող այդ իմաստությունը երկնային իջնե մեր բոլորին վրա այսօր, մանավանդ այսօր, երբ մենք պատմության մեջ էջ մը կփակենք. նոր, ավելի լուսավոր էջ մը բանալու համար: Եվ իսկապես, ես կուզեի հայտնել այն իմ պգացումը, որ եթե հրեշտակներու թները չըլլային և եթե նույնիսկ մետաղե այդ հրեշտակները՝ ինքնաթիռներն էլ չըլլային, ես եկած կլինեի, լինեք ցամաքով թե ջրով, և եթե հարկ լինեք, անգամ ոտքով՝ թեմական կյանքի այս մեծ իրադարձության ակնատեսը լինելու համար:

Հայրական ամենաքաղցր սիրով ողջունում եմ ձեզ բոլորիդ, երբ դուք այստեղ հավաքված էք այսօր պատմական դեպքի մը, մեր հայ ժողովուրդի դարավոր պատմության եւ հատկապես այս երկրում Հայ Եկեղեցու պատմության վերջին մեկ դարի ընթացքում պատմական մի իրադարձության առիթով: Ինչպես Սրբապանը ըսավ, վերջին երեք տարիներին ես հանձն եմ առել իմ Եկեղեցուն ծառայելու ծալրագույն եւ ծանրագույն պատասխանատվությունը: Ես պետք է ձեզ հաղորդեմ իմ պգացմունքներն ու մտածմունքները, երապանքներն ու սպասումները, խրախուսանքն ու գնահատանքը: Ես ինձ վեհացած եմ պզուժ և երախտապարտ եմ Աստծուն, որ այս տարի այստեղ ձեզ հետ եմ, ձեր միջև, և դիմում եմ անձամբ ձեզ: Կկամենայի այս անձնական նվերը մատուցել մեր թեմին որպես ծննդյան նվեր՝ 100-ամյա տարեդարձի եւ ԱՄՆ-ում հայ ժողովրդի ձեռք բերած նվաճումների առիթով:

Կկամենայի նշել, որ այստեղ թեմական այս ժողովը սովորական հերթական ժողով, տարեկան հավաք կամ էլ մեր եկեղեցիների ներկայացուցիչների հավաք չէ: Այս ժողովը հատուկ նշանակություն ունի:

Ամերիկա այցելությանս առաջին օրը՝ կիրակնօրյա երեկոն ես այցելեցի Աբ. Վարդան տաճար: Այնտեղ մենք անդրադարձանք մեր կյանքի որոշ պահերի. Աստծուն գոհաբանական մաղթանքի պահ, ինքնագնահատման պահ: Ու՞ր է մեր հավատը, ու՞ր ենք հասել մենք այսօր, ովքե՞ր ենք մենք այսօր որպես Եկեղեցի և ի՞նչ ենք ակնկալում ապագայից: Դուք եկել էք այստեղ ոչ թե որպես անհատներ և ձեր ցանկությամբ: Դուք Աստծո մարդիկ էք՝ պատկանող Հայ Եկեղեցուն: Դուք հոգեպես նորոգվել էք, և եթե ձեզնից որևէ մեկն այժմ մտածում է լոկ իր մասին, ապա այս հավաքն իր առաքելության տեսակետից

ճախողվել է: Այստեղ մենք պետք է որպես եկեղեցի միահամուռ հավաքական լինենք, մեր անհատականությունից, խմբավորումներից, համայնքային անջատ մտածողությունից վեր կանգնած լայնախոհություն հանդես բերենք:

Մեկը պատկանում է Նյու Յորքի եկեղեցուն /կամ՝ հաճախում է Նյու Յորքի եկեղեցի/, մյուսը՝ Ուստրի եկեղեցուն, մեկ ուրիշը՝ Ֆլորիդայի կամ էլ Ամերիկայի մեկ այլ քաղաքում գտնվող եկեղեցու: Այստեղ մենք հավաքվել ենք՝ ինքներս մեկ դիտելու մեկ բոլորիս պատկանող թեմի՝ որպես մեկ միասնական ամբողջության, պատկերի /իմիջի/ մեջ: Այսօր ես կկամենայի բաժանել իմ խոսքը երկու մասի՝ նպատակ ունենալով արտահայտել.

ա/ թեմի դերն այսօր այստեղ իմ պատկերացմամբ, և

բ/ ձեզ փոխանցել այն ներկա իրողությունը, որն այսօր առկա է մեր հայրենիքում, Մայր Աթոռ Ս. Էջմիածնում:

Թեմի պատմությանը ծանոթանալիս տեղեկանում ենք, որ մեր հայրերի, այսինքն՝ այն սերնդի, որ գաղթեց ՍՄՆ, իննսուն տոկոսը, նույնիսկ եթե ոչ ավելին, եկան այստեղ որպես ծառայողներ, աշխատավորներ և «պանդուխտ եղբայրներ», ինչպես նրանց խրիմյան Հայրիկն է նկարագրում: Բայց ի՞նչ է կատարվում մեզ հետ այսօր: Մենք ծառայողներ կամ բանվորներ չենք գործարաններում ու ֆաբրիկաներում, այլ դարձել ենք առևտրական, տեխնոլոգիական և այլ ֆիրմաների տերեր, և այս փոփոխությունը մեր հայկական մշակույթի ստեղծագործ ոգու վկայությունն է: Մի անգամ, մոտ 25-30 տարի առաջ, ես հանդիպեցի մի հայի, որն ասաց. «Ամերիկայում աշխատանքային իմ ողջ կյանքի ընթացքում ավտոմեքենաներ արտադրող մի գործարանում մեխ խփելուց պատ ես այլ բան չեմ արել: Ամեն մեկ վայրկյանը մեկ գամ»: Այժմ այս կերպարանափոխությունը մեր ստեղծարարության արդյունքն է:

Եվրոպայում իմ հրապարակային ելույթների կամ էլ աշխարհով մեկ պանապան էկումենիկ հավաքների ժամանակ ես հաճախ ասել եմ մեկ բան. մեր ժողովուրդը եկավ այս երկիրը որպես փախստական, սակայն դարձավ քաղաքացի: Դեռևս կան մարդիկ, որոնք տառնյակ տարիներ գտնվում են օտար երկրներում, օրինակ՝ Եվրոպայում, սակայն երբեք չեն դարձել եվրոպացի: Մինչդեռ հայ գաղթականներն այստեղ՝ Ամերիկայում, ուր նրանք գաղթել էին, չմնացին օտարեկրացու պատկերի /իմիջի/ շրջանակներում:

Ես կարդացել եմ, որ առաջին տասնամյակների ընթացքում նրանք դեռևս փնտրում էին իրենց երկիրը: Երկիր, ժողովուրդ, - դրամ խնայենք, ուղարկենք մեր հայրիկներին, մայրիկներին, ուղարկենք մեր կանանց: Ահա սա էր այդ պատկերը: Իսկ ինչքան մարդիկ վերադարձան՝ փրկելու Հայաստանը: Անձամբ ես գիտեմ մարդկանց, որոնք վերադարձան Ամերիկայից՝ ապատագրելու իրենց հայրենիքը Առաջին Համաշխարհային պատերազմի ավարտից անմիջապես հետո, կամ էլ մինչ պատերազմի ավարտը:

Այսօր ինչպե՞ս պետք է գանք այն գիտակցությանը, երախտագի-

տությանն առ Աստված, որ մեր ապատ, անկախ հայրենիքի երապանքն իրականացել է: Այսօր Հայաստանը դարձել է արվեստի, արդարության, իրավունքի, լույսի, ապագայի երկիր, և դուք այսօր այն բախտավոր սերունդն եք, որը կարող է տեսնել մեր պատմության այս մեծ օրը: Ուստի, եկեք էլ ավելի պատրաստակամ, գիտակից, իրապեկ և պատասխանատու լինենք այն երևույթներին, որոնց այսօր դիմագրավում ենք: Եթե մեր հայրերը առանց լեզուն իմանալու, առանց համապատասխան գիտելիքների, կարողությունների և հմտությունների կարողացան հասնել այս ամենին, ապա ինչե՞ր կարող ենք անել մենք, մեր գալիք սերունդը: Անցյալի հուշերը, հիշողությունը զուտ պատմական հետաքրքրասիրություն չեն, և ես կոչ եմ անում, որ այս երկրի մեր երիտասարդ սերունդը պետք է է՛լ ավելի կենդանի ու աշխույժ դարձնի մեր եկեղեցին:

5-րդ դարի հայ պատմիչ Եղիշեն Սվարայրի ճակատամարտը նկարագրելիս գրում է. «Ամեն մի պիսվոր ինքն իր մեջ մի եկեղեցի՝ էր»: Ահա դա է եկեղեցի լինելու որակը: Այն ժամանակ մենք չունեինք այս տաճարը, այժմ ունենք այն: Ի՞նչն է տարբերությունը. պատե՞րը, նյու՞թը, հոգևոր շու՞նչը, ոգի՞ն, կյա՞նքը եկեղեցում, այնտեղ ասված քարո՞ւյր, պատգա՞մը: Այժմ հոգևոր վերանորոգման ժամանակն է, և երբ ես տեսնում եմ մեր հոգևոր ու բարոյական մեծությունների /կամ չափանիշների/ նոր գիտակցությունը, ես հպարտանում եմ: Ահա սա է, որ կուպենայի հաղորդել այս երկրի իմ սիրեցյալ երիտասարդ սերնդին:

Ողջունում եմ ձեզ և խնդրում, որ երբ վերադառնաք ձեր ծխերը, բոլորին փոխանցեք իմ այս խոսքը, որն իմ պատգամը չէ, այլ՝ Մայր Աթոռ Սուրբ Էջմիածնինը և Մայր Հայրենիքինը՝ հղված ձեզ իմ խոնարհ անձի միջոցով: Այդ պատգամն է՝ ներգրավվեք գործի մեջ, մի մնացեք մի կողմ քաշված, թողեք ձեր կյանքը պատմության էջի կենտրոնում: Անտարբերությունը, չեզոքությունն ամենամեծ մեղքերն են, որ մենք կարող ենք գործել Աստծո հանդեպ, և այն տեղի կունենա, երբ դուք հետանաք այս տաճարից: Ծնողնե՛ր, ոչ թե ուղարկեք ձեր երեխաներին եկեղեցի, այլ բռնեք նրանց ձեռքը և եկեք նրանց հետ միասին: Մի՛ պատվիրեք նրանց անել այս կամ այն բանը, այլ արեք ինքներդ՝ նրանց հետ միասին: Մեր Տեր Զրիստոս չէր ասում, թե այստեղ է ճշմարտությունը, այս խելացի մտքի մեջ, կամ այս գրքում. «Ես եմ ճշմարտությունը», – ասում էր Նա: Ահա հենց դա է քրիստոնեական հավատքի բնույթը: Մեր հայրերը մեզ են փոխանցել այդ ըմբռնումը՝ և մենք պետք է դրան այսօր Ամերիկայում կենդանություն տանք:

Այսօր ես աշխարհին նայում եմ շատ մեծ հույսերով, որոնք այժմ կիսում եմ մեր սրբապան առաջնորդ հայրերի և արքեպիսկոպոսների հետ, որոնք այստեղ են ժամանել աշխարհի տարբեր մասերից՝ Հարավային Ամերիկայից, Կանադայից, իսկ ես ինքս էլ՝ Եվրոպայից, որտեղ այս տարի հովվապետական այցելություններ եմ տվել մեր Եկեղեցու երկու՝ Գերմանիայի և Եգիպտոսի թեմերին: Մենք տեսել և զգացել ենք շատ ավելի մեծ ներուժ մեր ազգի և մեր Եկեղեցու մեջ, քան

անցյալում երբևիցե տեսել կամ զգացել էինք: Ահա սա է մեր ներկա ըմբռնումը, որ պետք է առաջնորդի մեզ դեպ նոր, է՛լ ավելի նշանակալի նվաճումներ: Եթե իմ հայրը կարողացավ այն, ինչ նա արեց, ապա էլ ինչ արժեք և իմաստ կունենա իմ կյանքը, եթե ես էլ պետք է անեմ լույնույնը. եթե պետք է լանեմ էլ ավելի շատ բան ու էլ ավելի լավ:

Այսօր ես եկել եմ ոչ թե իմ տանից, այլ մեր տանից: Ս. Էջմիածինը միայն իմ տունը չէ: Եկել եմ մեր հոգևոր տնից, ուր ես ապրել և ապրում եմ վերջին երեք տարիներին: Ես տեսել եմ Աստծո ձեռքերը՝ մեր մարդկանց մեջ աշխատելիս: Այսօր մեզ հետ խոսելիս ես հիշում եմ Գևորգյան Հոգևոր Ճեմարանի ուսանողներին, որոնք ամեն չորեքշաբթի գալիս են իմ աշխատավայրը: Հինավուրց Գևորգյան Ճեմարանն այժմ հիմնովին վերանորոգվել է և տեղավորում է հարյուր ուսանողի: Սա է մեր հույսը, մեր հիմնական ուժի, պոռոթյան սկզբնաղբյուրը: Իմ բարեկամներից մեկն այստեղ ասաց. «Այն, ինչի կարիքը մենք զգում ենք, մարդկային ռեսուրսներն են, նյութական ռեսուրսները կախված են մարդկայինից: Եթե մենք ունենանք մարդկային ռեսուրսներ, կարող ենք գտնել նաև նյութական ռեսուրսներ»:

Ինձ համար առաջնահերթ կարևորություն ունեցող հարցը Եկեղեցու սպասավորների այնպիսի մի սերնդի կազմավորումը, ձևավորումն է, որոնք կրեն առաքյալների, առաքելության գաղափարը, և որոնք հանդիպեն մարդկանց հետ ճիշտ այնպես, ինչպես մեր Տեր Հիսուս Քրիստոսն էր հանդիպում նրանց հետ: 70 տարի շարունակ մեր Եկեղեցու գոյությունը Հայաստանում կրել է բացառապես հիմնարկապահ /ինստիտուցիոնալ/ բնույթ, շենքի, հաստատության, հիմնարկության պահպանման բնույթ: Այժմ ժամանակն է, որ այդ հաստատությունը, հիմնարկը դառնա շարժում, ներկա, գործողություն մեր ժողովրդի հասարակական, սոցիալական և ազգային կյանքում: Ինչպե՞ս կարելի է դա անել. բարձրանալո՞ւ ամբիոն Ս. Էջմիածնում և քարո՞չ ասելով, կամ հողվա՞ծ գրելով: Ո՛չ, դա կարելի է անել՝ հասկացնելով մեր նոր հոգևորականներին իրենց դերը՝ որպես առաքյալներ: Ուրեմն, ուսուցման նոր մեթոդներ պետք է կիրառվեն այնպես, որ ոգեշնչեն և դրդեն մարդկանց՝ առաջ գնալ, այլ ոչ թե միայն կառչած մնալ մեր հայրերին: Ուստի, առաջին պատկերը, որ ես փորձում եմ տեսնել իմ և մեր Մայր Աթոռ Ս. Էջմիածնում, նոր, երիտասարդ սերնդի ձևավորումն է, որը Եկեղեցում պատասխանատվություն հանձն կառնի:

Ուրեմն, մաղթում եմ մեզ, որ երբ դուք գաք Հայաստան, ոչ միայն ինձ, Վեհաբանը, մյուս մասնաշենքերը, եկեղեցիները տեսնեք, այլ նաև գնաք Քրիստոնեական Դաստիարակության եւ Քարոզչության կենտրոն, տեսնեք մարդկանց սովորեցնելիս, տեսնեք մեր երիտասարդ սերնդի ուսուցիչներին: Այժմ մարդիկ ինձ հարցնում են. «Վեհափառ, կա՞րողյոք կրոնական դաստիարակություն դպրոցում»: Ես ասում եմ. «Ոչ, բայց այն կա կրթության նախարարության պաշտոնական ուսումնական ծրագրում, սակայն կրոնական ուսուցման համար անհրաժեշտ տեղ, վայր չկա: Լինելով դեմոկրատական երկիր, մեր պետությունը չի

ապահովում որևէ տեղ, վայր՝ կրոն ուսուցանելու համար, սակայն եթե եկեղեցին կամենում է կրոն ուսուցանել, ապա ապատ է՝ վարվել ըստ իր ցանկության»։ Ունենալ կանոն՝ մեկ բան է, կիրառել այդ կանոնը՝ մեկ այլ բան։ Այս առումով դեռևս շատ աշխատանք պետք է տարվի։

Կույենայի, որ դուք հասկանաք, որ Մայր Աթոռ Ս. Էջմիածինը ոչ միայն հիշատակման, վկայակոչման վայր է, այլև Հայ Առաքելական Եկեղեցու նոր, գործուն կենտրոնն է թե՛ Հայաստանի և թե՛ աշխարհով մեկ սփռված հայ ժողովրդի համար։ Չեմ ցանկանում այստեղ զեկույց տալ, համոզված եմ, որ ձեզինք շատերը ստանում են Ս. Էջմիածնում ժամանակ առ ժամանակ հրատարակվող մեր զեկույցը։ Սակայն կկամենայի ընդգծել գործունեության այն երկու հիմնական ոլորտները, որոնց ստեղծմանը ես կցանկանայի, որ լիովին մասնակից լինեին Ամերիկայի թեմը և մեր բոլոր թեմերը։ Դրանցից մեկը մեր Եկեղեցու կյանքի հիմնովին վերակերտումն է։ Այստեղ ծխերը եկեղեցու մասն են, սակայն Հայաստանում մեր թեմերը դեռևս չունեն ծխեր։

Մենք պետք է վերակազմակերպենք եկեղեցու կյանքը մեր հայրենիքում այնպես, որ մարդիկ չընկալեն քրիստոնեությունը որպես փիլիսոփայություն կամ գաղափար, այլ՝ որպես սյուն։ Սիա դա է քրիստոնեական հավատքի բնույթը։ Մենք խոսեցինք հոգևոր դասի խորհրդակցության ընթացքում, և այս թեմի հոգևոր դասի մեջ առկա բարի կամքը այնքան զգալի էր, որ ես համոզված եմ, որ Հյուսիսային Ամերիկայի երեք թեմերի արքեպիսկոպոսները, թեմական խորհուրդների հետ միասին, ուղիներ կգտնեն՝ եկեղեցու կյանքը համայնքային հիմքի վրա վերակառուցելու գործին իրենց մասնակցությունը բերելու համար։ Մարդիկ պետք է զգան, որ եկեղեցին իրենց հասարակական կյանքի մասն է։

Որտե՞ղ եմ ես սովորել քրիստոնեություն, ինչպիսի՞ն էին իմ դպրոցները։ Ես այն սովորել եմ իմ ընտանիքում, գյուղում, համայնքում։ Սիա դրանք էին իմ հավատքի սկզբնաղբյուրները, այլ ոչ թե գրքերը։ Իմ տատիկը կարդալ չգիտեր, կրթություն չէր ստացել, քանի որ հնարավորություն չէր ունեցել հաճախել դպրոց։ Սակայն նա եղավ այն մարդը, որն ինձ ուսուցանեց ողջ Աստվածաշունչը, ոչ թե բառերը, այլ՝ Հիսուսի հետ կապված բոլոր պատմությունները։ Եվ հենց ընտանեկան, համայնքային կյանքն էր, որ նպաստեց, որպեսզի մենք մեծանանք Քրիստոնեական հավատքով։ Սիա սա է, որ պետք է արվի մեր հայրենիքում՝ որպես մեր ամենաառաքնահերթ խնդիրներից մեկը։

Այնուհետև, ես կկամենայի նշել, որ մենք փայլուն հնարավորություն ունենք։ Դա մեր մեր Եկեղեցու հիմնադրման 1700-ամյա հոբելյանն է։ Սովորաբար ասում են՝ քրիստոնեության՝ պետության կողմից որպես մեր ազգի պաշտոնական կրոն հռչակման հոբելյան։ Կարևորը ձևակերպումը չէ, մեր Եկեղեցին Առաքելական է, սակայն կարևորն այն է, որ մեր Եկեղեցու պաշտոնական կազմավորումը տեղի ունեցավ 301 թվականին։ Սիա թե ինչու մենք նախապատրաստվում ենք 2001 թվականին տոնել մեր Եկեղեցու պաշտոնական կազմավորման 1700-ամյակը։ Տվեք ինձ այլ

ապգերի անուններ, որոնք կարող են տոնել 1700-ամյա հորեյյան: Իմ սիրեցյալ եղբոր, այժմ արդեն երջանկահիշատակ, Վազգեն Ա Կաթողիկոսի հետ միասին Մոսկվայում ես ներկա գտնվեցի Ռուս Եկեղեցու 1000-ամյա հորեյյանի տոնակատարության հանդիսություններին:

Ռուս Եկեղեցին հիմնադրվել է 988 թվականին, Կիև քաղաքում: Երբ բացեք Օբսֆորդի բառարանը Քրիստոնյա Եկեղեցու մասին և նայեք Հայաստանի մասին եղած հատվածը, ապա առաջին նախադասությունը, որ դուք կկարդաք, այն է, որ հայերը եղան առաջին ապգը, որ ընդունեցին քրիստոնեությունը որպես իրենց պետական կրոն: Եթե մենք եղել ենք առաջինը և հպարտանում ենք այդ իրողությամբ, ապա ինչպե՞ս ենք մենք մեր դասագրքերում այն ողջ աշխարհի համար էլ ավելի արժեքավոր վկայություն դարձնելու, ինչպե՞ս ենք մեր հավաքություններում հիշատակելու, որ առաջինն ենք այդ քայլը կատարել: Սակայն երբ կիսում ես կյանքի փորձառությունը քրիստոնեական աշխարհի մնացած մասի հետ, ապա այն դառնում է համաշխարհային կրոնի անբաժան մասը:

Ամեն անգամ, սակայն, երբ ես այցելում եմ Հայաստանի եկեղեցիները՝ Սանահին, Հաղպատ, Գոշավանք, Հաղարծին, Հովհաննավանք, Սաղմոսավանք, կամ Բյուրական ու շատ այլ եկեղեցիներ, և տեսնում եմ, թե ինչ վիճակում է դրանք մեզ թողել մեր անցյալ վարչակարգը, սիրտս ճկվում է: Եթե մեր հայրերը 5-րդ, 7-րդ, 9-րդ, 13-րդ դարերում կարողացել են ստեղծել և մեզ թողնել այդ ճարտարապետական հուշարձանները, ապա ինչպե՞ս կարող ենք մենք այսօր դրանք այդպիսի լքյալ, ամայի, կիսավեր վիճակում թողնել: Ի՞նչ պիտի ցույց տանք աշխարհին 2001 թվականին: Եթե զան Եկեղեցիների պետեր, կապմակերպվեն ուխտագնացություններ, ի՞նչ պիտի ցույց տանք. Լքվածի՞նք միայն, Հոփսիմե՞ն: Այսքան հարստություն, այսքան հոգևոր զանձ և, ինչպես ասում էր Գարեգին Հովսեփյանց Կաթողիկոսը, «Հայաստանյայց Եկեղեցին ամենամեծ հարստությունն է հայ ժողովրդի» և կամ «Հայ Եկեղեցին հայ ժողովրդի ամենաթանկարժեք զանձն է»: Սակայն ու՞ր է այժմ այն իմ, ձեր երկրում՝ մեր Հայրենիքում:

Եկեղեցին նորից պետք է կյանքի կոչվի, այն մեր պատիվն է և չենք կարող այդպես թողնել: Սկսած սկի, ինձ հետ է Գարեգին Սրբազանը, որ Արարատյան թեմի առաջնորդն է: Սուրբ Սարգիս եկեղեցին ունենք միայն և ուրիշ մի քանի փոքրիկ եկեղեցիներ, ինչպես, օրինակ, Սուրբ Չորավոր, Սուրբ Հովհաննես եկեղեցիները, կամ, ինչպես հիմա կառուցում ենք, ուրիշ փոքրիկ եկեղեցիներ: Մեկ հատիկ եկեղեցի չունենք իմ ու ձեր Հայրենիքի մեջ, որ երկու հարյուր հոգուց ավելի մարդ կարողանա տանել: Եվ փառք Աստուծո, իմ երջանկահիշատակ նախորդի տեսիլքն էր, երազն էր Մայր եկեղեցի շինել, հիմա արդեն դրված են հիմքերը: Հաջորդ երկու-երեք տարիների ընթացքին պիտի բարձրանան պատերն ու գմբեթները և Սուրբ Գրիգոր Լուսավորիչ Մայր եկեղեցին պիտի ունենանք որպես վկայություն մեր նոր հավատքի, մեր չինացող հավատքի, և սա ճառ չէ, հռետորություն չէ: Եթե ուզում ենք

ապրել ճշմարիտ հավատքով, ապա պետք է մեր հայրենիքի մայրաքաղաքի ճիշտ կենտրոնում վեր խոյացնենք այդ եկեղեցին, որը խորհրդանշելու է 1700-ամյա հորելյանը:

Նաև ցուցահանդեսները, գիտաժողովները պետք է կազմակերպվեն և հրատարակությունները պետք է լինեն այնպես, որ մեր երիտասարդ սերունդը գիտակցի, թե ովքե՞ր և ինչպիսի՞ն են եղել իրենց հայրերն ու պապերը և թե ովքե՞ր և ինչպիսի՞ն պետք է այսօր լինեն իրենք, դեպի ու՞ր են իրենք գնում և ինչպիսի՞ սերունդ են դառնալու:

Կույզենայի հասկանաք, որ մենք այժմ շրջադարձային փուլում ենք: Այո, մենք ունենք շատ թերություններ և պակասություններ, բոլորս էլ մարդ արարածներ /կամ մարդկային էակներ/ ենք: Ո՞րն է այն մարդ արարածը, ո՞րն է այն մարդկային հասարակությունը, ո՞րն է այն եկեղեցին կամ պետությունը, որը չունի և որտեղ չկան թերություններ, պակասություններ: Դրանք մեր մարդկային բնույթի մասն են: Սակայն կյանքը լույսի ու խավարի խառնուրդ է, և մենք կոչված ենք տարածել լույսը և ցրել խավարը: Ուրեմն, եկեք գիտակցենք մեր պարտականությունը դեպի դրական գործողությունը: Եկեք թեմը դարձնենք ավելի ու ավելի ուժեղ: Թող մեր երիտասարդները ոչ միայն Հայաստան գան, այլև մասնակցեն ուսանողական շարժմանը: Ինչպե՞ս պատահեց, որ անցյալ ամռանը, օգոստոսին, Հոռոմի Կաթոլիկ եկեղեցու հավատացյալ շուրջ մեկ միլիոն երկու հարյուր հազար մարդիկ՝ երիտասարդներ և աղջիկներ, կարողացան հավաքվել միասին Փարիզում: Ինչպե՞ս եղավ, որ 45 հազար երիտասարդներ անցյալ տարի հավաքվեցին Գերմանիայում՝ Մյունխենում: Ինչպե՞ս անցյալ տարի հուլիսին, երբ էս Ավստրիայում՝ Գրացում մասնակցում էի էկումենիկ հավաքի, այնտեղ հավաքվեցին 10 հազար մարդ, մեծամասամբ երիտասարդներ: Ինչու՞ այս բոլոր հավաքները կարող են տեղի ունենալ աշխարհում, իսկ մենք չենք կարող այդպիսի կազմակերպել:

Արթնցե՛ք, եկեք վերդառնանք մեր բուն պարտականություններին: Մի պատվիրեք երիտասարդությանն անել այս կամ այն բանը, դա ձեր պարտականությունն է, կատարեք այն ինքներդ: Կույզենայի, որ դուք գալիք տարիներին մասնակցեք համաշխարհային շարժմանը: Ինքս անձամբ մասնակից և ակնատես լինելով աշխարհում հոգևոր վերածննդի նոր ոգու դրսևորումներին, ինձ հարստացած, քաջալերված և զորացած եմ զգացել: Եվ սա ճշմարիտ է՝ առնչվի դա քրիստոնեությանը թե՛ իսլամին, բուդդայականությանը թե՛ որևէ այլ կրոնի: Ինչ աղվոր խոսք է ասել իրիմյան Հայրիկը: Մի օր Գևորգյան ձեմարանի ուսանողներն ապստամբել էին: Կհարցնեք, թե՛ ինչու՞: Որովհետև նրանց պահքի օրերի ընթացքում միս չէին տվել: Իրիմյան Հայրիկը հարցրեց, թե ինչու՞ էին նրանք բողոքում: Ասացին՝ միս չենք ուտեր, Հայրիկ: Իրիմյան Հայրիկը դարձավ տնտեսվարներին և ասաց. «Առտու նախաճաշին, կեսօրը ճաշին, իրիկունը ընթրիքին միս տուեք»: Եվ դառնալով սաներին, ասաց. «Ուշածներդ չափ միս կերեք, բայց իրարու միս մի՛ ուտեք»:

Խնդիրն այն է, թե ինչպես կարող ենք մենք կառուցել այնպիսի մի հասարակություն, որտեղ նորից ծաղկեն բարոյական, հոգևոր արժեքները և որոնք այնտեղ կլինեն մեր հարստությունն ու պոռությունը: Ուրեմն, դիմում եմ, կոչ եմ անում ձեզ բոլորիդ, որ մասնակցում եք այս հավաքին, առաք նայեք և տարածեք իմ այս պատգամը բոլորին: Այս հարյուրամյակը մի նոր դարաշրջան է լինելու, Ամերիկայում Հայ Եկեղեցու մի նոր տուն է բացվելու և նրա պատմության մեջ մի նոր էջ է գրվելու: Եվ մինչ դուք կշարունակեք ձեր հավաքը, ես նորից կվերադառնամ իմ գործերին: Ես միայն մեկ անձնական խնդրանք ունեմ՝ հիշեցեք ինձ ձեր աղոթքներում: Թող Աստված օրհնի ձեզ»:

ԱՄԵՐԻԿԱՅԻ ՀԱՅՈՑ ԱՐԵՎԵԼՅԱՆ ԹԵՄԻ ԱՌԱՋՆՈՐԴԻ ԸՆՏՐՈՒԹՅՈՒՆԸ

Թեմական պատգամավորական ժողովի Բ նիստի ընթացքում տեղի ունեցավ Արևելյան Թեմի առաջնորդի ընտրությունը: Ներկաների բացարձակ մեծամասնության քվեով երրորդ քառամյա շրջանի Համար առաջնորդ վերընտրվեց գերաշնորհ Տ. Խաժակ արքեպս. Պարսամյանը:

Քվեարկության արդյունքները Հայտարարելուց հետո, Հոգևորականաց Թափորը «Ուրախ լեր» շարականի երգեցողությամբ, Մայր Տաճար առաջնորդեց վերընտրված առաջնորդին: Թափորի մաս էին կազմում Կանադահայոց Թեմի առաջնորդ Տ. Հովնան արքեպս. Տերտերյանը, Բրազիլահայոց Թեմի առաջնորդ Տ. Գիսակ արքեպս. Մուրադյանը, Ուրուգվայի Թեմի առաջնորդ Տ. Հակոբ եպս. Գրյունճյանը, Տ. Արիս եպս. Շիրվանյանը Կալիֆոռնիայից, բարձրաստիճան այլ Հոգևորականներ: Այստեղ Սրբազան Հայրը Հայերեն և անգլերեն լեզուներով շնորհակալություն հայտնեց ներկա պատգամավորներին՝ իր Հանդես դրսևորած վստահության Համար, և խոստացավ իր ուժերն ու կարողություններն առավել նվիրումով ի սպաս դնել Թեմի առաջընթացին ու բարգավաճմանը: Ապա խոսեց մեր Տիրոջ՝ Հիսուս Քրիստոսի ծննդյան 2000-ամյակի և քրիստոնեությունը Հայաստանում պետական կրոն հռչակման 1700-ամյա Հոբելյաններին նախապատրաստվելու մասին:

Ներկա պատգամավորների անունից Թեմական ժողովի ատենապետ դոկտոր Կարո Կարիբյանը նամակ հղեց Ամենայն Հայոց Կաթողիկոսին՝ տեղեկացնելով Տ. Խաժակ արքեպս. Պարսամյանի վերընտրության մասին, խնդրելով, որ նորին Սրբությունը վավերացնի այն:

Մայիսի 15-ին Ամենայն Հայոց Հայրապետը, ի պատասխան 96-րդ տարեկան Թեմական Պատգամավորական ժողովի ատենապետ դոկտոր Կարո Կարիբյանի 1998 թ. մայիսի 8-ի թվակիր նամակի, ատենապետին և Հարգարժան ժողովականներին ուղղեց Խաժակ Սրբազանի վերընտրությունը վավերացնող Հետևյալ գրությունը.

**Ն.Ս.Օ.Տ.Տ. ԳԱՐԵԳԻՆ Ս ՍՄԵՆԱՅՆ ՀԱՅՈՑ
ԿԱԹՈՂԻԿՈՍԻ ՆԱՄԱԿԸ ՆՅՈՒ ՅՈՐԺԻ
ՀԱՅՈՑ ԹԵՄԻ ԱՌԱՋՆՈՐԴ ԳԵՐԱԵՆՈՐՀ
Տ. ԽԱԺԱԿ ԱՐԺԵՊՍ. ՊԱՐՍՍՄՅԱՆԻ
ՎԵՐԸՆՏՐՈՒԹՅԱՆ ԱՌԻԹՈՎ**

15 Մայիս 1998

Մեծայարգ

Տոքթ. Կարո Կարիպեան

Ատենապետ Թեմական Պատգամաւորական Ժողովի

Ամերիկահայոց Արեւելեան Թեմի

Նիւ Եորք.

Սիրելի Տոքթ. Կարիպեան եւ յարգարժան ժողովականք,

Սրտի խոր գոհունակութեամբ ստացանք Ձեր 8 Մայիս 1998 թուակիր նամակը, որով կը յայտնէք Մեզի, որ Ամերիկահայոց Արեւելեան Թեմի Տարեկան Թեմական Պատգամաւորական Ժողովը (գումարուած Նիւ Եորքի մէջ 7-9 օրերուն) իր երկրորդ նիստին, Մայիս 8-ին՝ երրորդ քառամեայ շրջանի մը համար Թեմակալ Առաջնորդ Վերընտրեց Գերաշնորհ Տ. Խաժակ Արքեպիսկոպոս Պարսամեանը:

Հայրապետական այսու գիրով հաճոյքն ունինք հաստատելու եւ վաւերացնելու կատարուած ընտրութիւնը:

Զերմօրէն կը շնորհաւորենք Պատգամաւորական Ժողովոյդ յարգարժան անդամները, որ իմաստութիւնը ունեցած են իրենց վստահութիւնը անգամ մը եւս արտայայտել հոգեւորականի մը նկատմամբ, որ իր ամբողջ եկեղեցական կեանքի եւ գործունէութեան ընթացքին ցուցաբերած է ամբողջական եւ չոհաբերական անձնուիրութիւն, յարատեւ ու տքնաշան աշխատանք եւ Արեւելեան Թեմիդ բերած է իսկական առաջնորդութիւն՝ անցնող ութամեակի ընթացքին:

Այս առիթով անգամ մը եւս կը շնորհաւորեմ Գերաշնորհ Տ. Խաժակ Արքեպիսկոպոս Պարսամեանը իր խոր հաւատքին եւ սրտեռանդն աշխատանքին համար: Բաջ գիտենք իր աստուածատուր շնորհները, զորս ինք գիտցաւ յիառատ կերպով մշակել, ծաղկեցնել եւ Աստուծոյ ու իր Եկեղեցիին եւ ազգին ընծայել: Վստահ ենք, որ երրորդ վերընտրութիւնը նոր խթան, մղիչ ոյժ եւ ներշնչող զօրութիւն պիտի դառնայ, որպէսզի ութնամեայ իր բեղուն վաստակը աւելի եւս ճոխանայ ի բարին եւ ի վայելումն Ամերիկահայոց Արեւելեան Թեմի համայն հաւատացեալ ժողովուրդին:

Այս առիթով կոչ կ'ուղղենք Թեմի հոգեւորականաց դասուն, Թեմական Ժողովիդ, Թեմական վարչութեան եւ Առաջնորդարանին կապուած բոլոր կազմակերպութեանց եւ ծխական համայնքային խորհուրդներուն՝ բոլորուիլ վերընտրեալ Առաջնորդ Արքեպիսկոպոսին շուրջ եւ անոր վերին հսկողութեան ներքեւ յառաջ տանել Թեմիդ բոլոր հոգեւոր, կրթական, մշակութային, ազգային, ընկերային, վարչական,

կապմակերպչական գործունեությունները՝ միշտ բարձր պահելով մեր Առաքելական Սուրբ Եկեղեցւոյ եւ անոր հոգեւոր վերին կեդրոնի՝ Մայր Աթոռ Ս. Էջմիածնի, Ամենայն Հայոց Կաթողիկոսութեան անունն ու պատիւը յայս մեր հարապատ ապագայնոց եւ օտար Եկեղեցիներու եւ Ամերիկայի Միացեալ Նահանգներու պետական իշխանութեանց եւ ժողովուրդին:

Ողջ լերուք ի Տէր, պօրացեալ շնորհօք Ս. Հոգւոյն, եւ յաւէտ օրհնեալ ի Մէնք. Ամէն:

ԳԱՐԵԳԻՆ Ա

ԿԱԹՈՂԻԿՈՍ ՍՄԵՆԱՅՆ ՀԱՅՈՅ

ՆՈՐԻՆ ՍՈՒՐԲ ՕԾՈՒԹՅՈՒՆԸ ՆԱԽԱԳԱՀԵՅ

ՄԱՅԻՍԻ 7-Ի ԳԵՂԱՐՎԵՍՏԱԿԱՆ ՀԱՎԱՔՈՒՅԹԸ

Ամերիկայի Հայոց Թեմի Հաստատման 100-ամյակին էր նվիրված այն մեծապես տպավորիչ գեղարվեստական միջոցառումը, որը տեղի ունեցավ Նյու-Յորքի Թաուն Հոլում, Հինգլաբթի օրվա երեկոյան: Հարյուրամյա Հոբելյանին նվիրված ներկայացումը, որ կրում էր «Պատված ծղոտից՝ ոսկի» խորագիրը, Հեղինակել էր «Մետրոպոլիտեն» արվեստի Թանգարանի երաժշտական գործիքների բաժնի վարիչ Լուսբենս Լիբինը: Հանդեսը նախագահում էր Ամենայն Հայոց Գարեգին Ա Կաթողիկոսը:

Ամերիկյան Հասարակայնությանը ծանոթ տաղանդավոր Հայ արվեստագետների շնորհիվ գեղարվեստական այս Հայտագիրն ունեցավ բացառիկ հաջողություն և մեծ արձագանքներ:

Օրվա հանդիսավարը Սի Բի Հս հեռուստաընկերության աշխատակից Արմեն Բեթեյանն էր:

Վերջում, երբ բոլոր մասնակիցները բեմ հրավիրվեցին, Համերգասրահում գտնվող արվեստասերները հոտնկայս ծափողջույններով դիմավորեցին ամենքին:

Ապա, Հյուսիսային և Հարավային Ամերիկաների Թեմակալ առաջնորդների ուղեկցությամբ, բեմ բարձրացավ Նորին Սուրբ Օծությունը: Դիմելով Թե՛ Հայտագրի մասնակիցներին և Թե՛ ներկա արվեստասեր Հասարակայնությանը՝ Հայոց Հայրապետն ասաց. «Այսօր ես ուրախ եմ, որ Թեմական հարիւրամեակը կը նշուի մշակութային այս ձեռնարկով եւս: Երկու հազար տարիներէ ի վեր մշակութիւնը կարգացուցած եւ պայծառացուցած է Հայ Եկեղեցին»:

Խուռն ուղղելով արվեստագետներին, Գարեգին Ա Կաթողիկոսն ավելացրեց. «Դուք այսօր կամրջեցիք անցեալը ներկային, եւ ձեր գեղարուեստական նպաստը պիտի շարունակուի ապագային եւս: Ձեր ոգին կ'անդրանցնի ժամանակն ու անջրպետը»: Եվ ապա շարունակեց.

«Մշակութային կյանքի այսպիսի երեկոները, այսպիսի հոգևոր բարձրացումները խոսքի կարիք չունեն: Այսօր ես անհունորեն ուրախ եմ, որ ամերիկյան հողի վրա Հայ Սոսթեյական Եկեղեցու որպես առանձին թեմ հաստատման հարյուրամյակը նշվում է նաև այս մշակութային ձեռնարկով:

Վերջին երկու հապարամյակների ընթացքում հայ մշակութային կյանքը եղել է հայ եկեղեցական կյանքի էությունը, ուղն ու ծուծը, պարգացել Հայ Եկեղեցու սրտի և հոգու խորքում: Ուստի շնորհավորում եմ հայկական տոնակատարության հոբելյանի բոլոր մասնակիցներին, ովքեր այսօր այնքան գործունե կերպով են մասնակցում այս միջոցառմանը: Խորապես ապրվեցի, տեսնելով դեպի առաջ՝ դեպի ապագայինը նայող և ոչ միայն անցյալը հիշող նոր, երիտասարդ սերնդին:

Այստեղ ես լսեցի 8-րդ դարի եկեղեցական մի հիմն՝ գրված մի սրբուհու՝ Խոսրովիդուխտի կողմից: Այն հավերժացնում է հիշատակը Վահան Գողթնացի անունով մի նահատակի: Վահան Գողթնացին կոտորածների, ջարդերի ընթացքում գերեվարվում է և մանուկ հասակում մահմեդական դարձվում: Սակայն հետո հասկանալով, որ ինքը ծագումով հայ է, հրաժարվում է մահմեդականությունից, վերադառնում հայրենի երկիր և նորից ապրում ճշմարիտ քրիստոնյայի կյանքով: Իսկ երբ նրան բռնում են, քաղում տանջանքներ կրելով, իր կյանքը պսակում է նահատակությամբ:

Այսօր դուք հիրավի կամրջել, կապել եք անցյալը ներկայի հետ, և այդ կամուրջը ձգվում է դեպի ապագան: Դուք կամրջեցիք 8-րդ դարը և ներկա դարը: Եվ այդ կամուրջն այն վեհ խորհրդանիշն-արտահայտությունն է, թե մեր տունն այնտեղ է, մեր արմատներն են այնտեղ, և ես էլ գալիս եմ այնտեղից՝ մեր Մայր Հայրենիքից և Մայր Աթոռ Սուրբ Էջմիածնից: Եվ դատարկ ձեռքերով չեմ եկել: Կցանկանալի ձեպ նվիրել ահա այս խայր՝ բերված Սուրբ Էջմիածնից, ձեր, որպես քրիստոնյա ազգի, ծննդավայրից, մեր հայկական Բեթլեհեմից:

Թող մեր թեմը ծաղկի և, կապելով անցյալը ներկայի հետ, առաջ նայի դեպի ապագան, որովհետև մշակութային ու հոգևոր կյանքում գոյություն չունեն, չկան ժամանակային և աշխարհագրական սահմանափակումներ: Ոգին թափանցում է ժամանակի և տարածության մեջ ու տարածվում երկրե-երկիր, Հայաստանից Ամերիկա»:

Իր խոսքի վերջում, աջահամբույրի եկող յուրաքանչյուր արվեստագետի նորին Սրբությունը Հանձնեց մեկական Հուշանվեր:

**ՎԵՀԱՓԱՌ ՀԱՅՐԱՊԵՏԸ ՄԱՅԻՍԻ Թ-ԻՆ ՆԱԽԱԳԱՀԵՅ
ՀԱՅԿԱԿԱՆ ԴՊՐՈՑՆԵՐԻ «ԵՆՈՐՀԱՎՈՐ ՏԱՐԵԴԱՐԶ»
ԽՈՐԱԳԻՐԸ ԿՐՈՂ ԲԵՄԱԿԱՆԱՅՎԱԾ ՀԱՆԴԻՍՈՒԹՅԱՆԸ**

Մայիսի 9-ի շաբաթ օրը, Առաջնորդարանի Հայկ և Ալիս Գավուքչյան Հանդիսասրահում, Նյու Յորքի և Նյու Ջերսիի

Հայկական դպրոցների շնորհալի երեխաների մասնակցությամբ, ցուցադրվեց «Շնորհավոր տարեդարձ» խորագրով թատերգությունը, որը կազմակերպել էր Հայկական դպրոցների ուսումնական և մշակութային կենտրոնը: Հանդիսությի՞ր նախագահելու պատիվը վերապահված էր Ամենայն Հայոց Հայրապետին:

Թատերգությունը ներառում էր Ամերիկայի Հայոց Առաջնորդական թեմի Հարյուրամյա պատմությունը: Ներկայացման նյութը պատրաստել էր ուսումնական ու մշակութային կենտրոնի տնօրեն Սիլվա Տեր-Ստեփանյանը, իսկ այն թատերգության էր վերածել բեմավար և դերուսույց Վարդան Հովհաննիսյանը:

Ավելի քան 1000 աշակերտներ, ծնողներ, բարերարներ և հյուրեր էին Հավաքվել Հանդիսասրահում:

Ժիշտ ժամը 11.00-ին Նորին Սուրբ Օծությունն իր շքախմբով մուտք գործեց Հանդիսասրահ, և, մինչ աշակերտական երգչախումբը, Հոգեշնորհ Տ. Մամիկոն արեղա Քիլեճյանի ղեկավարությամբ, երգում էր «Հրաշափառ»-ը, Հայոց Հայրապետն անցավ աշակերտների կողմից ծաղիկներով կազմած կամարի տակով:

Նախ Գարեգին Ա Վեհափառին, իր օրհնաբեր այցելության ուրախ առիթով, բարի գալուստ մաղթեց Առաջնորդարանի ինքիմյան շեմարանի շրջանավարտ Թամար Պարսամյանը, որից հետո սկսվեց ներկայացումը:

«Շնորհավոր տարեդարձ» թատերգությանը մասնակցում էին 100 աշակերտներ՝ խորհրդանշելով թեմի անցած 100-ամյա ուղին: Հանդիսության ընթացքում կարդացվեցին բանաստեղծություններ, հնչեցին խմբերգեր, կատարվեցին Հոգեգմայլ մեղեդիներ, Հայկական պարեր: Ելույթները բարձր գնահատվեցին ներկաների կողմից:


Վերջում Հայկական դպրոցների անունից Ամենայն Հայոց Կաթողիկոսին գեղեցիկ հուշանվեր հանձնեցին թեմի երկու ամենահին դպրոցների՝ Յուսիկոն Սիթիի Նյու Ջերսիի, որ Հարյուր տարիներ ի վեր Հայեցի կրթություն և դաստիարակություն է ջանքում Հայ մանուկներին և Ֆեոլոն Նյու Ջերսիի, որ իննսուներորդ տարիներ ի վեր նույն գործն է կատարում, ներկայացուցիչ աշակերտները:

Այնուհետև թեմի առաջնորդ Տ. Խաթակ արքեպս. Պարսամյանը գնահատանքի իր խոսքն ուղղեց Ամենայն Հայոց Հայրապետին և հրավիրեց իր Հայրապետական պատգամն ու Հայրական օրհնանքը բաշխելու ներկաներին:

Հուզված Վեհափառ Հայրապետը նախ բարձրորեն գնահատեց մասնակից դպրոցականներին, աշակերտությանն ընդհանրապես, տնօրինությանն ու ծնողներին: Խոսելով Հայկական դպրոցների կարևորության մասին՝ Նորին Սրբությունը ոտքի կանգնեցրեց ներկա ողջ աշակերտությանը՝ երգվեցնելով նրանց, որ վերջիններս



...הוא מביא את הקינוח



«הקמת הסטודיו לתיאטרון»
הקמת הסטודיו לתיאטרון



ԱՐԽԱՆԿԱՆՈՒՄ

Հավատարիմ կմնան Հայոց լեզվին, Սուրբ Մեսրոպ Մաշտոցին, Մայր Հայրենիքին և Հայ ժողովրդի հոգևոր կենտրոն Մայր Աթոռ Սուրբ Էջմիածնին.

«Սիրելի և վերընտիր առաջնորդ Ամերիկայի հայոց Արևելյան թեմի, սիրելի հոգևոր եղբայրներ և ծնողներ ու թանկագին, ամենասիրելի փոքրիկներ, դպրոցականներ.

Այս բոլոր մարդիկ և տիկիները, որ նստած են այս սրահին մեջը, բոլորն ալ մե՛ծ հանցանք մը գործեցին: Գիտե՞ք ո՞րն է այդ հանցանքը: Նախանձեցան ձեզի, նախանձեցան ձեզի, որ այսպես կայտառ նալվածքներով, բաց ճակատով, մատղաշ հոգիով դուք վերակենդանացուցիք այդ ամերիկյան հողի վրա դարավոր, ավելի քան 2780 տարիներ եղող Երևան քաղաքի, 1700-ամյա հոգևոր կենտրոն Սուրբ Էջմիածնի հավատքը, սերը, ոգին և ապագային ավելի մեծ ըլլալու տեսիլքը, կամքը և, մասնավորաբար, վճռականությունը: Սպրե՛ք երեխաներ, հազար ապրե՛ք: Այս առտու ես մասնավոր շնորհակալություն պիտի հայտնեմ ձեզի՝ դպրոցներու աշակերտներուդ: Այս մեծ-մեծ, խոշոր-խոշոր մարդիկը որ կան ձեր շուրջը, գալեն ասդին այսպես խեղդած էին ինձի՝ վեհապառ, հոս գնա, վեհապառ, հոն եկուր: Մեկ խոսքով, օր մը ճաշ, օր մը Պատարագ, օր մը քարոզ: Ըսի ե՞րբ պիտի տեսնեմ մեր պարտեպի նոր ծիւերը: Սեպտեմբեր, այս առտու տեսա, ապառքեցա իրենցմե, եկա ձեզի մոտ: Հա, ուրա՞խ եք, թե՛ ոչ: Այ, հիմա լսեցի, որ ուրախ եք: Երկրորդ գաղտնիք մը ըսեմ ձեզի՝ պատկերներուդ, մեծերը չլսեն: Դուք չկարծեք, որ ես ծերացած եմ: Այդ ճերմակ մորուքս չկա՞, ամեն առտու կեղնեմ, ճերմակ կներկեմ: Մնոր համար, որ այդ խոշոր մարդիկը եթե ճերմակ մորուքով Կաթողիկոս չտեսնեն, անոր խոսքը մտիկ չեն ընեն:

Այսօր մեր հարյուրամյա ամերիկահայության թեմը նոր շունչ մը առավ, այն մի նոր, թարմ շունչ բերեց մեր համայնքի կյանքից ներս: Դուք պարտեպի մեջ եղա՞ծ եք, եղա՞ծ եք, պատկերներ, հա: Եթե ջուր տաս խոտին, խոտը կանաչ կըլլա, չէ՞, եթե ջուր տաս ծառին, ծառը կմեծնա, չէ՞: Դուք ալ նոր ջուր տվիք մեր հարյուրամյա հայոց թեմին ձեր երգերովը, ձեր թատերական ներկայացումովը, նվագով, մեկ խոսքով, ասեմ ձեզի, արև բերիք մեր հայոց թեմի մեջ այս առավոտ: Այսօր պատուհանից նայեցա, երկնքի վրա արև չկար: Ով Տեր Աստված, ըսի, առանց արևի ինչպե՞ս պիտի ապրինք: Հոգ մի ըներ, ըսավ: Այս առավոտ արևը Ինձի համար, քեզի համար պիտի ծագի այս փոքրիկներուն աչքերուն մեջեն: Այո՞: Եվ երբ որ դուք այսպես հայոց լեզուն, հայոց շարականները, հայոց երգերը, հայոց պարերը, հայոց նվագները կենդանացնեք, հավատացեք, արևը միշտ պայծառ կըլլա Արարատի գագաթեն, Սուրբ Էջմիածնի գմբեթեն մինչև Ամերիկայի չորս ծագերը՝ Ուստրեն, Բոստոնեն մինչև Նյու-Յորք և մինչև նորակալմ մյուս ծուխերը, համայնքները Ամերիկային տարածքի վրա, մինչև Կանադա և մինչև Հարավային Ամերիկա, մինչև Բրազիլ, մինչև Արգենտինա և մինչև Ուրուգվայ և գիտե՛ք մինչև ուր, մինչև Հնդկաստան, մինչև Ավստրալիա, Ինդոնեզիա, Նոր Զելանդիա: Ես հոն հայեր տեսած եմ, և նույն արևն է,

նույն բառերն են, նույն հոգևոր շարականներն են, որոնք մեզ կպահեն մեկ ապգ. մեկ Եկեղեցի:

Եվ հետևաբար, այսօր մենք, հարգանք ընծայելով այն բոլոր մեծ դեմքերուն, ովքեր մեզի կտակեցին այս թեմը, դուք՝ երեխաներ, ուղի ելեք բոլորդ, դպրոցականներ, ելեք, նայեմ: Հա, ելեք: Հա՛, ապրի՛ք, ապրի՛ք, տեսնեմ ձեզի: Այսպես, երեխաներ, բարձրացուցեք ձեր ձեռքերը ձիշտ ինձի պես: Եվ ինչ որ ըսեմ հիմա, դուք ալ բառ առ բառ պիտի ըսեք: Կխոստանա՞ք ինձի: Կուխտեմ հավատարիմ մնալ Հայաստանյայց Առաքելական Սուրբ Եկեղեցիին, կուխտեմ հավատարիմ մնալ Մայր Հայրենիք Հայաստանին, կուխտեմ հավատարիմ մնալ Միացյալ Նահանգներու այս սքանչելի երկրին, կուխտեմ հավատարիմ մնալ Մայր Աթոռ Սուրբ Էջմիածնին, կուխտեմ հավատարիմ մնալ Սուրբ Մեսրոպ Մաշտոցի ժանգ չվերցնող գիրին և հայոց լեզվին, կուխտեմ հավատարիմ մնալ քաջն Վարդանի սուրին:

Ապրի՛ք, և Աստված օրհնե ձեզ, ու երբ որ վերադառնամ Մայր Աթոռ Սուրբ Էջմիածին, այնտեղ գերեզման մը կա՝ խրիմյան Հայրիկի գերեզմանը: Պիտի երթամ, ծունկի պիտի գամ ձեր բոլորի անունով և պիտի ըսեմ՝ խրիմյան Հայրիկ, Ելի՛ր: Եվ պիտի ըսե ինձի՝ ես արդեն երկինքն եմ և կդիտեմ ձեզի, թե ես դիտեցի ձեզի, ես դիտեցի ձեզի 9 մայիսին, երբ հայոց նոր սերունդը՝ այս երեխաները, Նյու Յորք քաղաքին մեջ իրենց հավատարմության ուխտը կատարեցին և պիտի օրհնեմ ձեզի երկինքեն: Մնիկա չէ մեռած: Մահացած է, այո՛, ֆիզիկականորեն: Բայց կապրի և կապրի ձեր մեջեն:

Հիմա, դուք ինձի խոստում մը պիտի տաք, եթե չտա՞ք, վայ եկեր է ձեզի, հա՛: Ես այսպես անուշ-անուշ չեմ խոսիք միշտ: Երբեմն նաև կպատժեմ: Խոստումը այս է. երբ որ դուք վերադառնաք, այս օրեն ետքը, դասընկերներ ունեք, բարեկամներ ունեք, ընկերներ, ընկերուհիներ ունեք, դրացիներ ունեք, պիտի շատցնեք թիվը այս հայկական գովեստներուն: Կխոստանա՞ք: Պիտի ըսեք՝ Հովհաննես, Թորոս, Մարալ, Թային, ով որ կճանչնաք ձեր դասընկերներուն մեջ, հայդե, քայեք նայինք, քանի՞ հայերեն տառեր կան, քանի՞ հայերեն երգ գիտեք: Եթե դուք երգեք, եթե դուք խոսիք, անոնք կնախանձեն և կուգան: Ուրեմն, աշակերտ ըլլալ հայոց դպրոցին, չի բավեր, ուրիշներն ալ աշակերտ ընելը ձեր պարտականությունն է: Մխիոնար պիտի երթաք: Մխիոնար գիտեք ի՞նչ կնշանակե: Պիտի երթաք և պիտի տարածեք ձերը հայոց դպրոցին: Ապրե՛ք երեխաներ և հարյուրամյակը թող ըլլա նոր հարյուրամյակի մը բացված դուռը, դուք ըլլաք այդ դուռը բացողները և 21-րդ դարը երբ մտնենք մենք երկու տարիեն, այս 21-րդ դարին մեջ հայոց լեզուն միշտ կենդանի հնչե ամերիկյան այս հողին վրա:

Իմ խոսքը կփակեմ՝ շնորհավորելով մեր առաջնորդ Արքայանը, շնորհավորելով հայ դպրոցի բոլոր պատասխանատուները, բոլոր այն անձերը, որոնք այս երեխաներուն այսօրվան շքեղ այս ներկայացումին մեջեն իրենց հայկական սերը արտահայտեցին, բոլորն էլ՝ կապմա-կերպողներ, ուսուցիչներ, ուսուցչուհիներ և դուք՝ ծնողներ: Այսպես ապրեցեք, այս է հայուն ճամփան դեպի պայծառ ապագան:

Դպրոցական երեխաներ, ես ձեզի փոքրիկ նվերներ բերած եմ: Այս նվերները չառած, չերթաք»:

Հանդիսություն վերջում դպրոցականները Ամենայն Հայոց Հայրիկին ու իր չքամբին ճանապարհեցին Հայրապետական մաղթերգի երգեցողությամբ:

ՇԱԲԱԹ, 9 ՄԱՅԻՍԻ. ՈՒՆՏԱԳՆԱՅՈՒԹՅՈՒՆ ԴԵՊԻ ԷԼԻՍ ԱՅԼԸՆԴ

Հակառակ խիստ աննպաստ եղանակին և անդադար տեղացող հորդառատ անձրևին, ապելի քան 3000 հավատավոր հայորդիներ մասնակցեցին էլիս Այլընդում կազմակերպված պատվո հանդիսությանը՝ նվիրված բոլոր նրանց, ովքեր 100 տարի առաջ Ամերիկա էին մուտք գործել էլիս Այլընդի ճանապարհով: Կղզին, որ այսօր վերածվել է թանգարանի, դարձավ նաև բազմահազար հայ գաղթականների անդրանիկ հանգրվանը Միացյալ Նահանգներում:

Օրվա երկրորդ կեսին Ամենայն Հայոց Կաթողիկոսը, Տ. Խաժակ արքեպս. Պարսամյանի, Միացյալ Նահանգներում ՀՀ արտակարգ և լիազոր դեսպան Ռուբեն Շուգարյանի, ՄԱԿ-ում ՀՀ մշտական ներկայացուցիչ Մովսես Աբելյանի, գերաշնորհ, հոգեշնորհ և արժանապատիվ հայրերի ուղեկցությամբ, այցելեց էլիս Այլընդ կղզի:

Պատվավոր հյուրերի շարքում էին սենատոր Ալֆոնս Դ'Ամաթոն, Նյու Յորքի քաղաքապետ Ռուդոլֆ Զուլիանին, Նյու Յորքի Քաղաքապետական խորհրդի խոսնակ Փիթեր Վալոն, Նյու Յորքի Նահանգի կառավարիչ Զորջ Փաթաքիի ներկայացուցիչ կոնգրեսմեն Փափասը, Ազգային Տոհմիկ Կազմակերպության ատենապետ Ուիլյամ Յուկելյզին: Ասենք նաև, որ վերջինիս Նորին Սուրբ Օծնությունը պարգևատրեց մեդալով՝ երկար տարիներ ի վեր ամերիկահայությանը ցուցաբերած օժանդակության համար:

Գրական-գեղարվեստական միջոցառումն սկսվեց վրանների տակ: Հայտագիրը բացվեց «Մետրոպոլիտեն» օպերայի հանրածանոթ աստղ Լուսին Ամարայի կատարմամբ հնչած Միացյալ Նահանգների և Հայաստանի Հանրապետության հիմներգերով: Օրվա հանդիսավարն էր Համատեղ քաղաքի նախկին վերահսկիչ Գրեգրի Փիթերսոնը:

Էլիս Այլնգի հանձնախմբի ատենապետ Արմեն Ավետիսյանի բացման խոսքից հետո, ներկաներին բարի գալուստ մաղթեց քաղաքապետ Զուլիանին՝ նշելով, որ Ամերիկայի Հայ Եկեղեցին և Նյու Յորք քաղաքը միասին են աճել, հասակ առել ու զարգացել: Այնուհետև անձամբ կարդաց իր պաշտոնական հայտարարությունը, համաձայն որի մայիսի 9-ը Նյու Յորք քաղաքում հայտարարվում էր որպես «Հայ Եկեղեցու 100-ամյակի օր»:

Սենատոր Ալֆոնս Դ'Ամաթոն իր խոսքում առանձնակի շեշտեց. «Մենք պիտի չարտոնենք, որ քարյուղին հետամուտ լինելը ուղիղապես արդարությունը: Թուրքական շրջափակումը պետք է վերջ գտնի, և այլևս օգնություն չպետք է տրվի այն ապգերին, որոնք ճնշում են ժողովուրդներին: Մենք հալ ժողովրդի կողքին ենք»: Վերջում ծերակուտականը ողջագուրվեց Ամենայն Հայոց Կաթողիկոսի և առաջնորդ Սրբազան Հոր հետ:

Նյու Յորք քաղաքի խոսնակ Փիթեր Վալոն ներկայացվեց որպես Պետրոս Վալոնյան՝ հայ ընտանիքի զավակ, ում ջանքերի շնորհիվ կազմակերպվեց էլիս Այլնդի հայկական ցուցահանդեսը: Իր հարսին՝ Աննա Մերի Վալոնին ներկայացնելուց հետո, խոսնակն անդրադարձավ կղզու հայկական ցուցահանդեսին և ապա ասաց. «Ո՛ր ազգը այնքան չարչարուած է ապատութեան համար»: Վերջում նա ներկաներին ընթերցեց քաղաքային խորհրդի հայտարարությունը, որում խոսվում էր ԱՄՆ-ի Հայոց թեմի կազմավորման հարյուրամյակի և Հայերի՝ որպես քրիստոնեությունը պետականորեն առաջինն ընդունած ժողովրդի մասին:

Այնուհետև ներկայացվեցին այն անձինք, ովքեր Միացյալ Նահանգներ էին մուտք գործել էլիս Այլնդի ճանապարհով: Ամենայն Հայոց Կաթողիկոսն իր օրհնությունը բաշխեց նրանց, ինչպես նաև հանձնեց պատվո վկայագրեր:

Հանդիսությունը ընթացքում ելույթներ ունեցան երեք մանկական երգչախմբեր. Ուոթերթաուն Մասսաչուսեցի Սուրբ Հակոբ եկեղեցու երգչախումբը՝ Արթուր Վերանյանի ղեկավարությամբ, Փրովիդենս Ռոթ Այլնդի Սուրբ Սահակ և Սուրբ Մեսրոպ եկեղեցու երգչախումբը՝ Կոստանդին Պետրոսյանի ղեկավարությամբ, և Նյու Յորքի ու Նյու Ջերսիի ամենօրյա վարժարանների միացյալ երգչախումբը՝ Խորեն Մեյխանեջյանի ղեկավարությամբ:

«Շուշի» պարի համույթի կատարմամբ (պարուսույց՝ Սեդա Գանթարճյան) ներկաները ականատես եղան Հայոց պարերի նազանքին ու անկրկնելիությանը:

Հանդես գալով շնորհակալության ու երախտիքի խոսքով՝ թեմի բարեխնամ առաջնորդ Տ. Խաժակ արքեպս. Պարսամյանն առանձնակի նշեց. «Մեր Հարիրամեակի հանդիսութեանց ամենէն տպաւորիչ պահն է այս պահը. հակառակ աննպաստ օդին եւ տխուր երկինքին՝ մեր գաղութի անդամներու հոգիներէն բխող ջերմութեան ու սիրոյ ճառագայթումները իրապէս խանդավառիչ եւ ներշնչիչ են»:

Ավարտելով ասելիքը, Սրբազան Հայրը հրավիրեց Ամենայն Հայոց Կաթողիկոսին՝ իր հայրապետական պատգամը տալու ներկաներին:

Նորին Սուրբ Օծությունը բեմահարթակ բարձրացավ ներկաների

բուռն ծափահարությունների ներքո: Ամենայն Հայոց Հայրապետը, դիմելով ներկաներին, նախ հորդորեց չմոռանալ անցյալը և ապա առաջ ընթանալ հույսով, ներշնչումով ու հավատքով: «Մեր հայրերը, որոնք անցան Էլիս Այլընտէն, կորանցուցած էին իրենց անկախությունը, սակայն այստեղ գտան իրենց ապատությունը»: Գարեգին Ա Կաթողիկոսն առաջարկեց հոտնկայս պատվել բոլոր նրանց հիշատակը, ովքեր եկան այդտեղ ու գնացին երկինք: Ներկաները ոտքի կանգնեցին և, Հայոց Հայրապետի հետ մեկտեղ, աղոթեցին հանգուցյալների հոգիների խաղաղության համար:

Արցունքոտ աչքերով շարունակելով իր խոսքը, Նորին Սուրբ Օծությունը հորդորեց պահել ու պահպանել և զորացնել մեր ազատ ու անկախ Հայաստանը, քանզի մեր պարտքն է անկախության յոթ տարիները բազմապատկել յոթանասուն, յոթ հարյուր և նույնիսկ յոթ հազար տարիներով: Մենք անկախությունը ձեռք ենք բերել վեց հարյուր տարիների գերությունից հետո և եթե հանկարծ որեէ բան պատահի Հայաստանին, մեղավորը մենք կլինենք:

«Սիրելի առաջնորդ Սրբապան Հայր, սիրելի հոգևոր եղբայրներ, Հայաստանի Հանրապետության հարգարժան դեսպաններ Միացյալ Նահանգներում և ՄՍԿ-ում, հարապատ եղբայրներ և քույրեր.

Այս պահն այնպես, ինչպես էս եմ պզում, մեր բոլորի, առանց խտրության՝ հոգևորականի թե աշխարհականի, մեծի թե փոքրի, այր մարդու թե կին մարդու, մեր բոլորի գիտակցության մեջ պիտի մնա անքնելի և նաև ներշնչող ուժ ունեցող պահ: Ով կմոռանա այս պահը, մոռացած կլինի ինք պինքը: 100 տարի այս երկրում ապրելուց հետո, մեր հայրերի վաստակը և այս մեծ երկրի առջև մեր հայության պատիվը բարձր պահելուց հետո, այսօր մենք բոլորս ներքին կերպարանափոխության կարիք ունենք: Այս պահը չպետք է լինի սովորական օրերից մեկը: Այն պետք է դառնա մի հատուկ օր՝ խմորիչ, կապուրիչ, ներշնչող ուժ, խթան գալիք օրերի և տարիների համար: Ուշույն եմ, որ բոլորդ ոտքի կանգնեք և հիշեք նրանց, ովքեր այս երկրից անցան և երկինք գնացին: Չմոռանանք մեր հայրերին և մայրերին: Եվ հիշենք նրանց հավաքականորեն մի հոգվոց ասելով:

Մեր մեծագույն քանաստեղծներից մեկի՝ Պարույր Սևակի բառերով եմ ցանկանում բացել իմ խոսքը՝ ներածական մի քանի տողերից հետո.

-Ողբամ մեռելոց, կոչեմ ապրողաց...

Հարգանք մեռելներին, պատիվ և պարտք ապրողներին: Այսօր, այս պահին ուշույն եմ, որ բոլորս էլ անդրադառնանք այն իրողությանը, որ մեր հայրերը, երբ ոտք դրեցին այս կղզին, անցան այստեղով, նրանք իրենց Մայր Հայրենիքում չէին: Մի զգացմունք, մի հասկացություն, որ մարդու կյանքում ամենաարժեքավորն է՝ մարդկային կյանքից հետո: Այստեղ՝ ՄՄՆ-ում նրանք սակայն ապատություն գտան: Ապատության արձանը, որը մեր կյանքում նաև մեր Հայրենիքի խորհրդանիշն էր,

ներանց հիշեցնում էր ազատության գաղափարը: Գաղափար, որ դարձավ շարժում և իրականություն մեր Մայր Հայրենիքում:

Այն ժամանակ, երբ իմ երջանկահիշատակ նախորդներից անմոռանալի խրիվյան Հայրիկը գրեց և ստորագրեց այն կոնդակը, որով հիմնում էր Հայ Առաքելական եկեղեցու Ամերիկյան թեմը, նա գործում էր մի երկրում, որը գտնվում էր ցարական Ռուսաստանի իշխանության տակ: Հայոց Հայրիկին հաջորդած Հայրապետները և իմ անմիջական նախորդ վապզեն Ա Կաթողիկոսը նույնպես, երբ եկավ այս երկիրը, գալիս էր մի երկրից, որը գտնվում էր խորհրդային Միության տիրապետության տակ: Սակայն այսօր ես գալիս եմ ձեզ մոտ Հայաստանի ազատ և անկախ Հանրապետությունից:

Եղբայրներ, ազատությունը մարդկային բնության, էության, խառնվածքի և գոյության անքակտելի մասն է՝ տրված Աստծու կողմից: Եվ նրանք, ովքեր խլեցին մեզանից մեր ազատությունը, որքա՜ն ամոթահար պիտի լինեն այսօր՝ տեսնելով, թե մենք որքան վեհ գործեր ենք կատարել և որ ազատության արևը նորից ծագել է մեր երկրի վրա: Մենք բախտավոր սերունդ ենք: Իմ հայրը չտեսավ այդ օրը: Ձեր մեջ շատերի հայրերն ու մայրերը չտեսան այդ օրը աչքերը փակելուց առաջ:

Սիրելի եղբայրներ, մեզանից ո՞վ իմ տարիքին եղողներից չի հիշում Միքայել Նալբանդյանի բառերով գրված այն երգը, որ մեր մայրերը մեզ սովորեցրին.

Ազատն Աստված այն օրից,
Երբ հաճեցավ շունչ փչել...
«-Ազատություն՜, գոչեցի,-
Թող որոտա իմ գլխին
Փայլակ, կայծակ, հուր, երկաթ,
Թող դավ դնե թշնամին...»:

Եվ այսօր, այս պահին մանավանդ, երբ այս կղզու վրա ենք և ճաշակել ենք ազատությունը, որ մեզ տրված է, պետք է այն պահենք, գուրգուրենք, արժեքը գիտնանք: Ամրացնենք, պորացնենք, վարպացնենք մեր Մայր Հայաստանը, մեր ազատ ու անկախ Հանրապետությունը: Այսօրը նման չէ ուրիշ օրերի: 1918 թվականին մենք անկախություն ունեցանք, բայց ժամանակաշրջանի դեպքերն այնպես դասավորվեցին, որ կորցրեցինք այդ անկախությունը երկու տարի հետո: Փառք Զեյ, Աստված, փառք Զեյ, որ յոթ տարի առաջ վերստին ծնվեց ազատ ու անկախ հայությունը, Հայաստանը, և այսօր մեր պարտականությունն է յոթը վերածել 70-ի, 70-ը վերածել 700-ի, 700-ը վերածել հազարավանդների: Ձգացական չլինենք միայն, խորհրդածենք: Սա պետք է մեզ համար լինի գիտակցության պահ. ովքե՜ր ենք մենք այսօր: Պետք է գիտակցենք, որ 600 տարվա գերությունից հետո, կրկին ազատ ու անկախ ազգ ենք դարձել: Ինչպե՞ս ենք այսօր ինքներս մեզ պահելու, դրսևորելու:

Եթե ժամանակին որևէ բան պատահեր մեր Հայաստանին, կասեինք, մենք չենք հանցավորը, այլ՝ օսմանյան կայսրությունն է, հետո էլ թե՛

ցարական Ռուսաստանն է, Մոսկվան է: Իսկ այսօր, եթե Հայաստանին մի քան պատահի, ո՞վ է հանցավորը: Մենք ենք մեր երկրի տերը, պատասխանատուն:

Կյանքիս 63 երկար տարիներին օտար, ամայի ճամփեքի վրա ապրելուց հետո, ես այս վերջին երեք տարիներին Աստծո կամքով և մեր ժողովրդի պահանջով կամ ընտրությամբ եկա Հայաստան և այլևս ինչքան որ Աստված ինձ կյանք է տվել, Մայր Աթոռ Սուրբ Էջմիածնին պիտի ընծայեմ: Այսօր մենք պետք է ունենանք արժեքներու դասավորում՝ առաջնահերթություն, երկրորդահերթություն, երրորդահերթություն, չորրորդահերթություն և այլն: Առաջինն է մեր այսօրվա ունեցած ազատ և անկախ Հանրապետությունն ամեն բանից վեր նկատելը, որովհետև առանց այդ Հայրենիքի, մենք կդառնանք հացի կտորտանքներ՝ աշխարհի չորս կողմերում թափթփված և երկրորդ՝ մեր Մայր Աթոռ Սուրբ Էջմիածինը մեր Հայոց Առաքելական Եկեղեցին, որ մեր ինքնության հետ է շաղախված:

Այստեղ պարոն Ավետիսյանը սքանչելի կերպով ասաց. «Հայ Առաքելական Եկեղեցին եղել է հայկական մշակույթի ավանդապահը»: Ես այդ խոսքերին կավելացնեի՝ «Ավելին քան ավանդապահը, Հայ Եկեղեցին հայկական մշակույթի կերտման ակունքը, աղբյուրն է»: Եվ ուրեմն, եկեք այսօր ձեռք-ձեռքի տանք, Ամերիկայի, Եվրոպայի բոլոր եղբայրական ազգերին և մանավանդ մեր թշնամիներին ցույց տանք, որ մենք արժանի ենք, տերն ենք մեր ազատության: Մեր բարեկամների ուրախությունը և մեր թշնամիների տխրությունը մեկ բանից՝ մեր միությունից, կախում ունի, երբ տեսնեն մեզ միացած՝ թշնամիները կկոտրվեն, բարեկամները կհրճվեն: Ինչպես 18-րդ դարում ասել է Կոստանդնուպոլսի մեր իմաստնագույն Պատրիարքներից Հակոբ Նալյան Պատրիարքը, անմիաբանությամբ մեծերը կփոքրանան և միաբանությամբ փոքրերը կմեծանան: Մենք պիտի մեծանանք այդ կերպ: Մեր հոգևոր տունը և մեր հայրենի աշխարհը պիտի գործակցեն:

Հույսով, լույսով, հավատքով նայենք ապագային: Մեր Եկեղեցին Ամերիկայում թող դառնա մի այնպիսի գործող ուժ, որ պայծառակերպի իր ժողովրդին իր արժանի Հայրենիքի համար և այդ Հայրենիքի ու պատմության մեջ մեր ճակատը բարձր պահելու համար և հպարտորեն ասելու. «Աստված մեզ հայ ստեղծեց, և այլևս մենք չենք կարող մեռնել իբրև հայ, այլ որոշել ենք ապրել՝ իբրև հայ»:

Այսօր կամենում եմ հիշեցնել, որ այս օրը Շուշիի ազատագրության օրն է:

Նորին Սրբութունը Հիշեցրեց նաև, որ նախորդ օրը քաղաքապետ Ջուլիանիի Հետ Հանդիպման ընթացքում վստահեցրել է նրան, թե արևն ամպերի տակից անպայման դուրս պիտի գա, երբ ինքը էլիս Այլընդ մեկնի, ապա շարունակեց. «Այսօր հարցուցի քաղաքապետ Ջուլիանիի, թե արելը տեսա՞ւ. ան «ոչ» պատասխանեց: Այն ատեն ըսի, որ ուշադրութեամբ նայի ներկայ հայ պատանիներու եւ հայ ժողովուրդին աչքերուն մէջ, եւ այն ատեն արելը պիտի տեսնէ»:

էլիս Այլընդուժ կազմակերպված գրական-գեղարվեստական հայտագիրն ավարտվեց «Հայր մերի» երգեցողությամբ և Վեհափառ Հոր «Պաշտօնի»-ով:

ՀԱՐՅՈՒՐԱՄՅԱԿ ՊԱՇՏՈՆԱԿԱՆ ԺԱՄ ՈՒՈՒՂՈՐՖ ԱՍԹՈՐԻԱ ՊԱՆԴՈԿՈՒՄ

Արեւելյան թեմի տարբեր շրջաններից ավելի քան 700 հայորդիներ էին ժամանել Նյու Յորք՝ մասնակցելու Ուոլդորֆ Ասթորիա պանդոկում կազմակերպված հարյուրամյակի ճաշկերույթին, որը նախագահում էր Գարեգին Ա Ամենայն Հայոց Կաթողիկոսը:

Պատվավոր հյուրերի թվում էին թեմակալ առաջնորդներ, բարձրաստիճան հոգեւորականներ, ԱՄՆ-ում ՀՀ արտակարգ և լիազոր դեսպան Ռուբեն Շուգարյանը, ՄԱԿ-ում ՀՀ մշտական ներկայացուցիչ Մովսես Արեւելյանը, կոնգրեսմեն Ֆրանկ Փալոն, «Carnegie Corporation»-ի նախագահ գոլտոր Վարդան Կրեկորյանը, բարձրաստիճան այլ այրեր, քույր Եկեղեցիների ներկայացուցիչներ:

Ճաշկերույթը բացվեց Միացյալ Նահանգների և Հայաստանի Հանրապետության մաղթերգերով, որ կատարեցին Անուշ Պարգլին և Վաղարշակ Օսկանյանը:

Իր խոսքում ՀՀ արտակարգ և լիազոր դեսպան Ռուբեն Շուգարյանն ասաց. «Ես հպարտ եմ, որ պատկանում եմ գերաշնորհ Տ. Խաժակ արքեպս. Պարսամյանի կողմից ղեկավարվող զաղութին»: Ապա խոսելով Հայաստանի մասին, ավելացրեց. «Հայաստանը որպես մարմին Էջմիածնի կարիքն ունի՝ որպես իր հոգու»:

Այնուհետև, ներկաների ծափողջույնների ուղեկցությամբ, թեմական խորհրդի ատենապետ Հայկ Տատուրյանը «Հայ Եկեղեցու տարվա անդամի» մրցանակը հանձնեց ազգային բարերար, ՀԲԸՄ փոխնախագահ ու գանձապահ, Նյու Ջերսիի Սուրբ Թովմաս եկեղեցու բարերար, Սուրբ Ներսես Ընծայարանի Կենտրոնական վարչության անդամ Նազար Նազարյանին:

Շնորհակալություն հայտնելով նման բարձր պատվի արժանանալու համար, տիար Նազարյանը նաև ասաց, որ ինքը խորապես տպավորված է այն ազգայիններից, ովքեր շատ դժվարին պայմաններում ամեն ջանք ի գործ դրեցին՝ ի շահ Հայ եկեղեցու պայծառության ու բարգավաճման, և որ ինքը վստահ է, թե իրենց զավակները պիտի շարունակեն այս գեղեցիկ ավանդույթը:

Ապա Ամենայն Հայոց Հայրապետը Հայաստանյայց եկեղեցու բարձրագույն պարգևով՝ «Սուրբ Գրիգոր Լուսավորիչ» շքանշանով պարգևատրեց ազգային բարերար Նազար Նազարյանին, ինչպես նաև

Ճիլադելֆիայի բնակիչ Սարգիս Հակոբյանին՝ ի դնահատություն «Հայրությունյակի Հիմնադրամին» վերջինիս կատարած մեծագույն նվիրատվության:

«Հայերի բարեկամ» մրցանակին արժանացավ կոնգրեսմեն Ֆրանկ Փալոն Կրտսերը, որ, ի նպաստ Հայության, մեծ աշխատանք է կատարել և շարունակաբար պայքարել է, որպեսզի Հայոց ցեղասպանությունը ճանաչման արժանանա Ամերիկայի Միացյալ Նահանգների կողմից:

Իր հերթին խորին շնորհակալության խոսքեր ուղղելով ներկաներին, կոնգրեսմեն Ֆրանկ Փալոնն ասաց, որ ինքն այս մրցանակն ընդունում է ոչ թե անցյալում իր արածների, այլ ապագայում անելիքների համար, որոնք ծրագրում է այժմ: «Գիտեմ, թե որքան մեծ կարևորություն ունի Եկեղեցին հայ ժողովրդի համար, - ասաց նա: - Լաչինի շրջան կատարած իմ առաջին այցելության ընթացքում եկեղեցի չկար, իսկ վերջին այցելությանս ժամանակ արդեն տեսա նորակառույց մի եկեղեցի»:

Խոսելով Հայ Եկեղեցու անցած պատմական ուղու մասին, դոկտոր Վարդան Գրիգորյանն ասաց. «Որոշենք ըլլալ մէկ ազգ, ներառեալ բոլոր եկեղեցիներն ու քաղաքական կուսակցութիւնները: Մէկ մարմին, մէկ Եկեղեցի՝ առանց վարչական բաժանումի...»:

Հրնթացս արարողության, Սուրբ Վարդան եկեղեցու դպրաց դասը, Խորեն Մեյխանեջյանի ղեկավարությամբ, ներկայացրեց մի շարք երգեր:

Ներկաներին սրտի խոսք ասաց նաև թեմի առաջնորդ դերաշնորհ Տ. Խաժակ արքեպս. Պարսամյանը և, հավարտ իր խոսքի, հրավիրեց Ամենայն Հայոց Կաթողիկոսին՝ իր հայրապետական պատգամը տալու ճաշկերույթի մասնակիցներին:

Նորին Սուրբ Օծությունը, խոսելով Առաջնորդական թեմի հայրությունյակի, ինչպես նաև Հայ ժողովրդի հոգևոր, կրթական ու նյութական հարստությունները լավագույնս օգտագործելու կարելիության մասին, դարձյալ կոչ ուղղեց երիտասարդությանը, որպեսզի վերջիններս գործուն դեր ստանձնեն համայնքային կյանքում՝ մեր ապագան ապահով ուղու մեջ գնելու համար: Իրեն հատուկ պերճախոսությամբ Հայոց Հայրապետը, միտքը շարադրելով թե՛ Հայերեն և թե՛ անգլերեն լեզուներով, հյուրասիրությունն անվանեց «մեր նախահայրերի 100 տարվա վկայության և ծառայության բացառիկ շնորհակալական ճաշ: Մենք արակերպված, այսինքն պայծառակերպված ազգ ենք», - ընդգծեց նա, նշելով, որ ինքն Ամենայն Հայոց առաջին Կաթողիկոսն է, որ գալիս է ազատ և անկախ Հայաստանից:

«Սակայն ո՞վ ենք մենք և որտե՞ղ ենք մենք»,- Հարցն ուղղելով ներկաներին, Նորին Սրբությունն այն միտքը հայտնեց, թե «Մենք երբեք չենք ունեցել հոգևոր, կրթական և նյութական հարստության նման ներուժ: Ինչպե՞ս ենք մենք համակարգում այս ներուժը և մեր երկիրը դարձնում ուժեղ: Ապատությունն առանց պատասխանատվության ապատություն չէ»:

Անդրադառնալով Միացյալ Նահանգներում եկեղեցու դերին, Վեհափառ Տերը շեշտեց, որ ազգի առաքելությունը «ոչ միայն իր հետաքրքրությունները բավարարելն է, այլև իր արժեքների խլախուսելը: Ապագայի մարտահրավերները կարող են լինել բարոյական, այլ ոչ թե նյութական, ինչպես Ամերիկան Վորեդ է իր սկզբունքների շնորհիվ»:

Կրկին անգամ ընդգծելով ապագային հայացքը հառելու կարևորությունը և ոչ թե միայն անցյալին կառչելու, Հայոց Հայրապետը կոչ արեց երիտասարդ սերնդին՝ ծառայել եկեղեցուն, իսկ ներկա առաջնորդներին՝ «խրախուսել նրանց այդ գործում: Քաղաքակրթությունը ճամփորդություն է և ոչ թե ապաստարան», - ասաց Նորին Սրբությունը՝ իր խոսքն հաստատելով պատմաբան Արնոլդ Թոյնբրից արած մեջբերումով: Խոսքը շարունակելով անգլերենով՝ Հայոց Հայրապետն ասաց.

«Սիրելի՛ եղբայրներ և քույրեր».

Այս երեկոյան հավաքույթը յուրահատուկ, առանձնահատուկ նկարագիր ունի և չի նմանվում որևէ ուրիշ հավաքույթի, որ մենք կարող ենք կապմակերպել, կապմակերպել ենք և դեռ կապմակերպելու ենք սրանից հետո: Ես կուզենայի անվանել այս ճաշկերույթը գոհաբանական մաղթանքի ճաշկերույթ: Սա մեկ համար մի առիթ է՝ շնորհակալություն հայտնելու և փառք տալու մեր Երկնավոր Հորը վերջին 100 տարիների ընթացքում մեր կյանքի, վկայության և ծառայության համար, որ մենք իրագործել ենք ամերիկյան այս հզոր երկրում: Մենք եկանք այստեղ հինավուրց մի երկրից՝ Հայաստանից, որը տարածվում է Արարատ լեռան չորս բլուրը: Ըստ Աստվածաշնչյան վկայության և ըստ պատմության, Արարատն այն լեռնագագաթն է, որտեղ փրկություն գտավ մարդկությունը: Այսօր մենք հարգանքի տուրք ենք մատուցում մեր հայրերի հիշատակին, ովքեր 100 տարի առաջ Էլիս կոչում ուր դրեցին այս երկիր:

Այսօր ինչքա՞ն հուսատու էր օրը սկսել մեր պառջնորդ Սրբապանի և թեմական խորհրդի կողմից կապմակերպված բեմադրությամբ՝ փոքրիկների մասնակցությամբ: Ես խիստ հուզվեցի՝ տեսնելով այդ փոքրիկներին, նրանց պայծառ աչքերի նման՝ լի ապագայի երապանքներով, այլ ոչ թե մեր նախատատերի և նախապապերի աչքերի նման, ովքեր այստեղ եկան մի թշվառ երկրից, որը պատկերվում էր որպես ողբի, դժբախտության և մահվան հովիտ: Սիս ինչպիսին էր նրանց երկրի վիճակը, երբ նրանք եկան այստեղ: Մենք եկանք որպես փախստականներ՝ փնտրելով ապատություն և գտանք այդ ապատությունն այստեղ:

ԱՄՆ-ում մենք տուն, օթևան գտանք այն ժամանակ, երբ մեր Հայրենիք Հայաստանում չէինք կարող ապրել պատշաճ կերպով: Գոհություն Աստծուն, որ այսօր մեր երազանքները, որոնց հույսն էինք փայփայում, իրականություն դարձան: 100 տարի առաջ այստեղ եկող բոլոր հայերն այն հույսն ունեին, որ օրերից մի օր կտեսնեն Հայաստանը՝ դարձած ապատ ու անկախ երկիր:

Փառք Աստուծո, որ նրանց երազանքն իրականացավ: Նրանք եկան այս երկիրը՝ մշտապես խոսելով, երգելով, գրելով իրենց երկրի մասին: Նրանցից շատերը չտեսան իրենց հայրենիքն ապատ ու անկախ: Ելիս կղզում մենք բոլորս միասին գոհություն տվեցինք Աստծուն և հոգեհանգստյան արարողության ժամանակ օրհնեցինք նրանց և խնդրեցինք Աստծուն՝ իր օրհնությունը տալ մեր նախահայրերին, ովքեր հաստատուն մնացին իրենց ինքնության և արժանապատվության ըմբռնման մեջ: Ես ձեզ կպատմեմ մի պատմություն, որը լսել եմ Բոստոնում, մի տիկնոջից՝ Լիրա Կարազոյլյանից: Մի անգամ, շատ տարիներ առաջ, հայերը հավաքվել էին այսպիսի մի ճաշկերույթի առիթով: Հրավիրյալների թվում էր նաև քաղաքի ոստիկանության պետը, որն ասաց հավաքվածներին. «Մինչև հիմա ես չգիտեի, թե այստեղ այսքան շատ հայեր են ապրում, որովհետև ոստիկանության արձանագրությունների մեջ կամ հանցագործների ցուցակներում ես դեռ չեմ հանդիպել - յան վերջավորությամբ ապգամվան»:

Ինձ պատմել են, որ երբ մեր հայրերը ոտք դրեցին Ելիս կղզուց, ամերիկյան առաջին քաղաքներից մեկը, ես կարծում եմ, Նյու Յորք, նրանք հարցնում էին. «Ինչպե՞ս Ամերիկա երթանք»: Երբ նրանց պատասխանեցին, որ իրենք արդեն Ամերիկայում են, նրանք ասացին, որ իրենք Ուստրն էին ուղևոր: Այդ մարդիկ Ամերիկայի մասին Ուստրից բացի ուրիշ ոչինչ չգիտեին, որովհետև այնտեղից էին նրանք ստանում նամակներ, չեկեր և որոշակի օգնություն:

Այսօր այդ սերնդին փոխարինել է մի նոր սերունդ, որը դուրս եկավ փախստականի կարգավիճակից: Հայերը դարձան այս երկրի արժանապատիվ քաղաքացիները: Ուր էլ որ ես եղել եմ այս երկրում, ոչ միայն այս այցելությանս ժամանակ, այլ շատ ուրիշ առիթներով, ամենուրեք հանդիպել եմ հայկական ծագում ունեցող և աչքի ընկնող ամերիկյան քաղաքացիների, այդ թվում՝ քաղաքապետերի, նահանգապետերի և բարձր պատասխանատվություն ստանձնած ականավոր անձանց: Մենք այդ կերպարանափոխության միջով անցանք: Այսօր ես եկել եմ շնորհավորելու ձեր 100-ամյակը և եկել եմ ապատ ու անկախ երկրից: Այս գոհաբանական մաղթանքի ճաշկերույթի ժամանակ ես կուզենայի ձեզ առաջարկել մի ճաշատեսակ, որն այստեղ շատ ավելի պատշաճ կլիներ: Ամեն տարի, նոյեմբերի վերջին հինգշաբթի օրը, Ամերիկայում նշվում է որպես Աստծուն գոհաբանական մաղթանքի օրը, և մարդիկ ճաշակում են հնդկահավով պատրաստված մի ճաշատեսակ: Այսօր կուզենայի, որ մենք ճաշակեինք հարիսա՝ արտահայտելու մեր երախտագիտությունն առ Աստված: Գոհաբանական մաղթանքի պահն այն պահն է, երբ մենք պիտի խորհենք հետևյալ երեք հարցերի շուրջ.


1. Ովքե՞ր էինք մենք և որտեղի՞ց եկանք:
2. Ովքե՞ր ենք մենք այսօր, որ ապրում ենք այստեղ, և
3. Ովքե՞ր ենք լինելու և դառնալու ապագայում:

Ահա այս երեք հարցերը պիտի մենք տանք ինքներս մեզ այսօր և դրանցից առաջինին էր, որ ես փորձում էի պատասխանել քիչ առաջ: Ովքե՞ր ենք մենք այսօր այստեղ՝ Ամերիկայում: Եկեք փորձենք գնահատել ինքներս մեզ: Իմ գնահատմամբ և ելնելով մեր պատմական նախադրյալներից, հայ ժողովրդի ներկայիս կյանքին ծանոթ լինելով թե՛ Հայաստանում, թե՛ Սփյուռքում, ես գտնում եմ, որ մենք չենք ունեցել այնպիսի ժողովուրդ, այնպիսի իրավիճակ և այնպիսի ազգային ներուժ, ինչի դա մտավոր, հոգևոր թե նյութական, ինչպիսին որ մենք ունենք այժմ: Ծառ տարիններ առաջ, ավելի քան 25 տարի առաջ, ես տեսա Ամերիկայում հրատարակված մի գիրք, որում կար Ամերիկյան տարբեր համալսարանների 1500 հայազգի պրոֆեսորների ցուցակ: Այսօր մենք ունենք է՛լ ավելի հզոր ներուժ, քան շարունակ շատ ու շատ դարեր: Այսօր, իմ կարծիքով, խնդիրն այն է, թե ինչպես ենք համակարգելու այն ամբողջ ներուժը, որ առկա է Ամերիկայում, Եվրոպայում կամ էլ Միջին Արևելքում, ինչպես ենք կիրառելու այդ ներուժը:

Իմ սիրելի բարեկամ ու նախկին ուսանող Վարդան Գրիգորյանը խոսեց Հայ Առաքելական Եկեղեցու մասին: Թերթեցեք մեր պատմության տարեգրությունը: Եկեղեցին միշտ եղել է ստեղծագործության աղբյուր: Ի՞նչ կունենանք, եթե մեր պատմությունից դուրս թողնենք մեր Եկեղեցին: Ասացեք խնդրեմ, ո՞ր են մեր հզոր բարեկամները կամ խոշոր հաղթանակները, նվաճումները, կամ էլ քաղաքական տիրապետությունները, ո՞ր դարում են եղել դրանք, բացի Տիգրան Մեծի գահակալության շրջանից: Ե՛րբ ենք մենք ունեցել հզոր տնտեսական ներուժ: Մենք շատ հաճախ ենք ենթարկվել օտարերկրյա ներխուժումների: Խրիմյան Հայրիկ կաթողիկոսը, որ գրեց և ստորագրեց այն պատմական կոնդակը, որով էլ հիմնեց ամերիկահայ թեմը, ապրում էր ցարական Ռուսաստանի տիրապետության տակ, երբ փակվում էին հայկական դպրոցները, բռնազրավվում հայերի կալվածքները, ունեցվածքը, իսկ կաթողիկոսի հոտի մի մասն ապրում էր Արևմտյան Հայաստանում:

Այսօր մեր երկիրը պետք է վերադառնա այն գիտակցության, որ հանդիսանում է ազգերի համաշխարհային ընտանիքի անդամ և ունի իր տեղը ՄԱԿ-ի կենտրոնակայանում: Կերպարանափոխությունը ստիպեց մեզ է՛լ ավելի պատրաստակամ դառնալ և նպաստել, որ մեր ներուժը զարկ տա մեր ազգի վարգաճմանն ապագայում: Ահա սա է, իմ ընթոնմամբ, մեր ժողովրդի այսօրվա խնդիրն այստեղ՝ Ամերիկայում: Վերջերս, 3-4 շաբաթ առաջ, ես կարդում էի «Թայմս» հանդեսը, որի խմբագիրը նկարագրում է այս երկրորդ հապարամյակի վերջը, 20-րդ դարի վերջը և նշում, որ 20-րդ դարը եղել է, ես մեջքերում եմ կատարում, «ապատության, կապիտալիզմի, էլեկտրոնիկայի, շուկայական հարաբերությունների, կոտորածների, Ամերիկայի դար, գլոբալ դար»: «Կոտորածների դար» խորագրի տակ նա թվարկում է Ստալինի համատարած

84607070E פותח למעורבות גבוהה יותר בפרויקט «תאגיד מים»



կոլեկտիվացումը, Հիտլերի սպանողը, Մառ Զպե Դուռի մշակութային հեղափոխությունը, բայց ոչ մի խոսք չի ասում հայոց ցեղասպանության մասին:

Որտե՞ղ ենք մենք այժմ՝ այսպիսի մտավոր ներուժ, այդքան բազմաթիվ գիտնականներ, մտավորականներ, արվեստագետներ, գրողներ, գործարարներ ունենալով հանդերձ: Ինչպե՞ս մենք պիտի զգացնել տանք մեր ներկայությունը, գոյությունը աշխարհում: Սիա սա է Ամերիկայում մեր Եկեղեցու մեկդարյա պատմության առաքելությունը և ուղերձը: Եթե մենք չենք կարող մեր գնալուց հետո մեր տեղը զգացնել տալ, ապա մենք դավաճանած կլինենք մեր հայրերի ժառանգությանը:

Այսօր, սիրելի՜ բարեկամներ, երբ ես տեսնում և հասկանում եմ մեր ժամանակվա խորհրդանիշները, երբ մայրամուտին է մոտենում 20-րդ դարը, և մենք թնակդիում ենք 21-րդ դար, երրորդ հազարամյակը, ես խորհում եմ, թե ինչպիսի՞ն կլինի մեր ազգը, մեր երկիրը և ինչի՞ կհասնեն մեր Եկեղեցին ու մշակույթը ապագայում:

Սա մեզ համար գիտակցության գալու պահ է, հայության պարզացման և կյանքի առաջընթացի պահ ոչ միայն այս երկրում՝ Ամերիկայում, այլև մեր Հայրենիքում՝ Հայաստանում, հատկապես վերջին յոթ տարիների ընթացքում, երբ մենք անկախություն ենք ձեռք բերել: Մենք դարասկզբին ունեցանք անկախություն, երկու տարի տնեց այդ անկախությունը, և մենք կորցրեցինք այն՝ մեզ շրջապատող տարածաշրջանում տեղի ունեցող իրադարձությունների պատճառով: Այսօր մենք այս նոր գիտակցությանն ենք եկել, և դուք՝ ամերիկահայերդ, շատ ավելի լավ եք հասկանում ազատության նշանակությունը, քան որևէ այլ ազգ: Մի խորիմաստ ասույթ կա, որ ինձ խորապես հույզել է և մեծ դեր կատարել իմ կյանքում: Դա հետևյալն է. «Ազատությունն առանց պատասխանատվության ազատություն չէ»: Այժմ, երբ մենք ձեռք ենք բերել ազատություն, բոլորս էլ պիտի պատասխանատու լինենք մեր պատմության այս նոր դարաշրջանի, առաջադիմության և պարզացման համար: Ուզում եմ ավարտել իմ ելույթի այս առաջին մասը, մեքբերելով Կ. Պոլսի 18-րդ դարի մեր Պատրիարքներից մեկի խոսքը. «Անմիաբանությամբ մեծ ազգերը փոքրանում են, միաբանությամբ՝ մեծանում»: Որքա՞ն խորիմաստ խոսքեր են:

Ուզում եմ եզրափակել ելույթս՝ հարց տալով, թե ո՞րն է Եկեղեցու դերը: Մենք տոնում ենք Ամերիկայում մեր Հայ Եկեղեցու կազմակերպված կյանքի 100-ամյակը: Վերջերս ես շատ եմ կարդում այն մասին, թե ինչպիսին է աշխարհի իրավիճակը մեծ մտածողների, փիլիսոփաների, սոցիոլոգների և այլ նշանավոր անձանց կարծիքով, գնահատմամբ, և վերը հիշված նույն հոդվածում ես մի միտք ընթերցեցի, որն խորապես հույզեց: Դրանում ասվում է. «Ամերիկայի առաքելությունն է զարկ տալ ոչ միայն իր շահերին, այլ նաև արժեքներին»: Իմ կարծիքով, այս խոսքերը հեզնական հնչերանգ ունեն: Ես կփոխեի այդ նախադասությունը հետևյալ կերպ. «Ամերիկայի առաքելությունն է զարկ տալ իր արժեքներին՝ առանց անտեսելու շահերը»: Արժեքն է ավելի կարևոր, և ես տեսնում եմ, որ հաջորդ դարում մարդկության

մարտահրավերները կլինեն ոչ թե գիտական բնույթի, այլ՝ բարոյական: Այն, ինչի կարիքն այսօր աշխարհն պզուժ է, հենց հոգևոր և բարոյական հիմքերն են:

Մենք միայն դրամով ու գենքով չենք կարող ապրել, հոգեկան աշխարհով է, որ մենք պիտի տիրապետենք. ինչպես մեր հայրերը տիրապետեցին: Այսօր ի՞նչն է մեր հպարտության ակունքը: Իհարկե, Աստվածաշնչի հոգևոր արժեքներն են, մի գիրք, որը մենք հայերեն թարգմանեցինք 5-րդ դարում: Եթե ձեր հայապգի եղբայրներից և քույրերից որևէ մեկն Սմերիկայում խնդրի ձեզ տալ մի քանի ականավոր հայերի անուններ, ո՞ւմ անուններն ենք թվարկելու: Մնշուշտ, Սուրբ Գրիգոր Լուսավորչի, Սուրբ Մեսրոպ Մաշտոցի, Սուրբ Գրիգոր Նարեկացու և այլոց անունները, որոնք կերտեցին մեր պատմությունը, ովքեր լուսավորեցին և ուսուցանեցին մեր ժողովրդին՝ տալով նրան հավատի հզոր ու անպարտելի ուժը, հոգևոր և բարոյական արժեքները:

Թե՛ Եվրոպայում և թե՛ աշխարհի այլ մասերում ես տեսնում եմ կրոնական, հոգևոր արժեքների վերաթնության նշանները: Կրոնը ներշնչանքի, շարժառիթների, խաղաղության, արդարության, միաբանության և համերաշխության աղբյուր է: Սիա թե ինչպիսին պիտի լինի Եկեղեցին այսօր: Մեր Եկեղեցին, մեր Մայր Աթոռ Սուրբ Էջմիածինը երբեք չպետք է համարվի մեր փառավոր անցյալի վերապրուկ, մնացուկ: Ո՛չ: Այն սրբազան է, նրա ամեն մի քարն ինքնին մի գիրք է, սակայն այսօր մենք ինքներս պիտի գրենք մեր սեփական գիրքը և ոչ թե սոսկ բավարարվենք մեր հայրերի ստեղծածով: Իսկ ի՞նչ ենք մենք գրելու, ինչի՞ն ենք մենք հավատարու: Ուրեմն, ես ձեզ եմ դիմում՝ կոչելով թևակոխել այս նոր դարաշրջանը, որը ես կկոչեի պարտականության, կառուցմանը մասնակցության, մեր Եկեղեցու և մեր ազգի վերանորոգման դարաշրջան: Մենք կարիք ունենք մարդկանց նոր սերնդի, որը ծառայի մեր ժողովրդին, սակայն նրանց պիտի աջակցել այդ գործում: Միայն կամքը, ցանկությունը չէ, որ դեր են խաղում, այլև մեր հոգածությանը հանձնված ժողովրդի կարիքներին և ձգտումներին, տենչերին արձագանքելու, դրանք կիսելու վճռականությունը: Ուստի, ես նայում եմ դեպի առաջ և ոչ միայն դեպի հետ՝ անցյալը:

Մենք հարուստ պատմություն ենք ունեցել, բայց մեր ազգը չպիտի սահմանափակվի պատմությամբ: Մենք միայն թանգարաններ ունեցող ազգ չենք, այլ՝ առաջ, դեպի ապագան ընթացող ազգ: Եվ որքա՞ն խորիմաստ ու ճշմարիտ են մեծ պատմաբանի և փիլիսոփայի հետևյալ խոսքերը. «Քաղաքակրթությունը ճամփորդություն է և ոչ թե նավահանգիստ»: Մեր պատմությունը նավահանգիստ չէ, այլ՝ շարժում, առաջ դեպի ապագան: Հետևաբար, եկեք միասնաբար, ձեռք-ձեռքի տալով և օգտվելով այս հարյուրամյակի տոնակատարության հնարավորությունից, ինքներս մեզ նախապատրաստենք մեր 1700-ամյա ժառանգության համար: Մեր 1700-ամյա քրիստոնեական վկայությունը պիտի հայտնի դառնա ողջ աշխարհին և ներշնչող ուժ, շարժում հանդիսանա մեր երիտասարդ սերնդի համար: Այն միայն հիշողություն չէ մեզ համար, այլ մարտահրավեր այսօրվան: Եթե մենք կարողացել ենք այդ

հավատքով ապրել շուրջ 17 հարյուրամյակ, ապա ինչպե՞ս ենք այսօր համաքալ ընթանալու կյանքի նոր ուղու հետ, որը շատ ավելի հզոր և ուժեղ է, քան այն, ինչ մեր հայրերն են մեզ թողել: Դա հենց այն մարտահրավերն է, որը ես կանվանեի վերանորոգման մարտահրավեր, այսինքն՝ լիակատար հոգևոր, բարոյական, մշակութային, ազգային, քաղաքական, տնտեսական, սոցիալական կերպարանափոխություն: Սա է այս հարյուրամյակի առաքելությունը, և այն իր արձագանքը կգտնի, երբ մենք միավորվենք որպես մեկ Եկեղեցի և տոնենք քրիստոնեական լույսի և վկայության 17-րդ հարյուրամյակը:

Սա մի հրաշք է, մի մեծ իրագործում է, սրան համապատասխան մեր կյանքը պիտի դասավորենք: Մենք պիտի փոխենք մեր գործելակերպը, ապրելակերպը, կենցաղը համապատասխան այդ նվաճման, որը նման է մագնիսական ուժի՝ հայկական բոլոր համայնքների համար, ոչ միայն Հայաստանում կամ էլ Լեռնային Ղարաբաղում, այլև ամբողջ Սփյուռքում: Դա այն մագնիսական ուժն է, որը ձգում է մեզ: Յուր քաջ որդոց սուրբ արյունով պիտի լինի ազատված մեր երկիրը, յուր քաջ որդոց սուրբ քրտինքով պիտի շինվի Հայրենիքը: Այստեղ մեր ուսանողները երգեցին, բառերը Թումանյանից էին. «Ողբի հայրենիք, որբի հայրենիք»: Հետո ասացին սակայն. «Լույսի հայրենիք, հույսի հայրենիք»:

Այս կերպարանափոխությունը ողբից, որբից դեպի լույսը, հույսը, նոր սերնդի համար պիտի տեղի ունենա: Երբ այս առաքելության տեսափորձիկներին եկեղեցում, ի՞նչ սքանչելի տեսարան էր: Եվ ես մտածեցի Հայաստանում, Հայաստանի դպրոցներում գտնվող հարյուր հազարավոր մանուկների մասին: Նրանց մեջ նկատելի է իրենց ազգային էության, ինքնության, արժանապատվության գիտակցությունը: Նրանք այլևս սերունդը չեն իրենց հայրերի, որոնք մեծացան մարտնչող աթեիզմի ճնշող, դժնդակ իշխանության օրոք: Նրանք ազատ, անկախ սերունդ են: Ո՞վ է նրանց ուսուցանելու, հաղորդակից դարձնելու այն ամենին, ինչ մենք ժառանգել ենք Քրիստոսից, Սուրբ Առաքյալներից, Ս. Գրիգորից, Ս. Մաշտոցից ավելի քան 17 դարերի ընթացքում: Մենք պիտի պորացնենք մեր Եկեղեցին:

Եկեղեցին մեր էությունը, մեր ուղն ու ծուծն է: Ես այս միտքն արտահայտել եմ ամենուրեք, Բոստոնում, Նյու Յորքում: Եթե հանք մեր հայ ժողովրդի պատմությունից մեր Եկեղեցին, ասացեք տեսնեմ, ի՞նչ կմնա մեր պատմությունից: Իր խոսքում Կառնեգի հիմնադրամի ներկայիս տնօրեն և նախագահ, իմ նախկին ուսանող պարոն Վարդան Գրիգորյանը նշեց, որ կապվել է Հայ Եկեղեցու նվաճումների ցանկը, առանց որոնց մենք այժմ պարզերես չէինք կանգնի այլ ազգերին դեմ հանդիման, չէինք հպարտանա ինքներս մեզանով: Դուրս թողեք մեր պատմությունից այն փաստը, որ մենք եղել ենք առաջին ազգը, որը պաշտոնապես ընդունել է Քրիստոնեությունը որպես իր կրոն: Կամ էլ այն փաստը, որ հենց Եկեղեցին էր, որ ստեղծեց հայոց այբուբենը: Այբուբենը մեր կերպարանքն է, մեր ինքնության խորհրդանիշը: Կամ էլ այն փաստը, որ առաջին նախադասությունը, որ գրվել է հայերեն լեզվով, եղել է Աստվածաշունչը՝ 5-րդ դարում:

Հանքեր մեր պատմությունից այն փաստը, որ ամբողջ մեր գրականությունը ներշնչվել է քրիստոնեական ապրելակերպից, մտածելակերպից: Հանքեր պատմությունից Հայաստանում տարբեր դարերում կառուցված եկեղեցիները՝ Էջմիածինը, Վարազավանքը, Գեղարդավանքը, Սանահինը, Հաղպատը, Մարմաշենը, Հադիձավանքը, Տաթևը, Հոփսիսիմեն, Գայանեն և տակավին ուրիշ բազմաթիվ վանքեր: Ի՞նչ կմնա մեր մշակույթից: Կամ էլ վերցրեք մեր ճարտարապետությունը, կատարվող մեր պատարագը, ձեռագրերը, մանրանկարները, խաչքարերը, և ասացեք տեսնեմ, թե ի՞նչ կունենանք՝ ներկայացնելու աշխարհին: Մեր բանականե՞րը, նվաճումնե՞րը, հաղթանակները՞, ե՞րբ և որտե՞ղ են եղել դրանք, տնտեսական ո՞ւժը:

Մեր փոքրիկ երկիրը լեռնային երկիր է, քարն ավելի շատ է, քան հողը: Եթե չլինեք քրիստոնեական հավատքը, որ դրել է իր դրոշմը մեր կյանքի վրա և դարձրել մեզ այն, ինչ մենք այսօր ներկայացնում ենք մեզանից, ապա ինչը՞ կդառնար մեր պատկերն աշխարհում: Ուստի, այսօր մենք կարիք ունենք վերականգնացնել, վերածնել մեր եկեղեցին: Ահա այստեղ է, որ ես լիովին համամիտ եմ մեր սիրելի Սրբազանի հետ, թե՛ այսպիսի տոնակատարությունները կկորցնեն իրենց նշանակությունը մեզ համար: Դրանք կմնան մեր հիշողության մեջ, եթե դառնան այնպիսի մի ուժ, որը լիցքավորում է մեզ ապագայի համար:

100-ամյա հոբելյանը տոնելու լավագույն ձևը մնալուն եկամտաբեր մի հիմնադրամի ստեղծումը, հիմնումը, քաջալերումը և մեծացումն է, որը կկոչվի «հարյուրամյակի հիմնադրամ»: Չկարծեք, որ ես չեմ հասկանում տնտեսական հարցերը: Երբ ես առաջին անգամ եկա այս երկիրը, ես տնտեսական հարցերի շուրջ այնքան անտեղյակ էի, որ չգիտեի անգամ ընթացիկ և հաշվարկային հաշիվների միջև եղած տարբերությունը: Սակայն այժմ ես գիտեմ նույնիսկ, թե ի՞նչ է դիվիդենդը: Ուզում եմ ասել, որ մենք պետք է ուղիներ և միջոցներ գտնենք՝ բարելավելու մեր կյանքը Հայաստանում, մասնավորապես եկեղեցու դերը կրթության, դաստիարակության ասպարեզում: Հետևաբար, ես բարձր եմ գնահատում մեր բարերարներին և շնորհել եմ նրանց Մայր Աթոռ Ս. Էջմիածնի բարձրագույն պարգևներ՝ «Ս. Գրիգոր Լուսավորիչ» շքանշաններ, որոնք պատշաճ կերպով և եկեղեցական արարողությամբ կհանձնվեն իրենց:

Սակայն շատ կարևոր է այն հանգամանքը, որ մենք չպետք է ակնկալենք մեծ գումարներ: Ես ռեալիստ եմ: Յուրաքանչյուր ոք պետք է ինչ-որ ձևով մասնակցի այդ հիմնադրամին: Դա կնպաստի, որ եկեղեցին, ես ինքս և իմ գործակիցներն ու օգնականները Ս. Էջմիածնում ամեն օր չմտահոգվենք բյուջեի մասին: Մենք պետք է մեր կյանքը, էներգիան, եռանդը, կորովը, գիտելիքներն ուղղենք մշակութային, հոգևոր, կրոնական, բարոյական գործունեությանը, այլ ոչ թե տարվենք առօրյա հոգսերով, ֆինանսական խնդիրներով: Մայր Աթոռ Ս. Էջմիածինն այժմ չունի պարզացման հիմնադրամ: Այն ամենը, ինչ ունեցել է Ս. Էջմիածինը, բռնագրավվել է խորհրդային իշխանության կողմից. թե՛ կառույցները, շենքերը և թե՛ կալվածքները:

Այժմ, երբ ներկա կառավարությունը հետ է վերադարձնում Եկեղեցուն հինավուրց հուշարձանները, Եկեղեցին ժառանգում է այդ եկեղեցիների և կալվածքների վերանորոգման հոգսը: Մարդիկ են ապրում այդ կալվածքներում, և Եկեղեցու համար բարոյապես անընդունելի է մարդկանց դուրս մղելն այդ տարածքներից և դրանք որպես ֆինանսական աղբյուրներ օգտագործելը: Ո՛չ, մենք դա չենք կարող անել: Մենք պետք է գտնենք այլ աղբյուրներ: Համաշխարհային համրավ վայելող մեծ գրող, դրամատուրգ Ուիլյամ Շեքսպիրն ասել է. «Երբ կա կամք, ցանկություն, կա միջոց, ուղի»: Ես դրանք կավելացնեմ իմ խոսքերը. «Երբ կա սեր, կան կյանքի հարյուրավոր ուղիներ»: Ուստի, կոչ եմ անում՝ դարձնել այս հարյուրավայր շարժում, որով մենք կնայենք ապագային, մեր Եկեղեցու 17-րդ հարյուրամյակին և Ամերիկայի թեմին խոստումնալից, հույսեր տվող հայացքով:

Եկեղեցին և մշակույթն այն միջոցներն են, որ այսօր խթանելու են հոգևոր կյանքը Հայաստանում: Այդ քայլը բացարձակ անհրաժեշտություն է, պետք է նշեմ, որ մեր ազգի և մեր պետության հրատապ խնդիրն է: Ապրիլի 9-ին, մեր նորընտիր նախագահի երդման արարողության օրը, ես խոսք ասացի և օրհնությունս տվեցի նախագահին: Ես ներկայացրեցի նրան Հայաստանի այսօրվա կարիքները. նոր մարդիկ՝ նոր մտապատկերով, նոր երազանքներով, նոր անուրջներով: Եթե Հայաստանում տեղի է ունենալու այն, ինչ տեղի էր ունենում խորհրդային մտայնության օրոք, մենք նվաճումներ չենք ունենա: Մենք քաղաքացիական, դպրոցական, կրոնական դաստիարակության կարիքն ունենք, քանի որ մարդկային ռեսուրսներն ամենահպոտն են, և հենց մարդիկ են, որ իմաստավորում են աշխարհի ստեղծումը: Աշխարհն առանց մարդ արարածի զուտ կույր կյանք, գոյություն է: Եվ ինչպես կարդում ենք Աստվածաշնչում՝ մարդն է, որ Աստծո Արարչագործության հիմքն է:

Հետևաբար, եկեք բոլորս այս առիթով այն գեղեցիկ մտածումով առաջնորդվենք, որ գալիք հարյուրամյակի համար անենք մեր զոհողությունը: Մեր առաջ կա մի գեղեցիկ շրջան, մենք նոր ժողովուրդ ենք՝ նոր հոգեբանությամբ, և մենք տալով ենք մեծանում, մեր Եկեղեցին զորացնելով ենք զորանում:

Միևեթի բարեկամներ, ես թողնում եմ բեմը՝ շնորհակալություն հայտնելով բոլոր նրանց, ովքեր նպաստեցին թեմի վարգազման հիմնադրամի ստեղծմանը: Այն կդառնա խրախուսման, քաջալերման աղբյուր՝ Մայր Աթոռ Սուրբ Էջմիածնի և Ամերիկայում մեր Եկեղեցու կրթական, հոգևոր ու մշակութային վերանորոգման աղբյուր: Այսպիսի հավատքով էլ ես ձեզ համար պիտի արտասանեմ այն բանաստեղծության մի քանի տողը, որ Թումանյանն է գրել.

Ով անմեղ է, լիքը սիրով
Ու հավատով անսասան,
Ով նայում է վառ հույսերով
Դեպի հայոց ապագան,-

Նա կրտեսնի էն մըշտավառ
 Ջահր կախված երկրնքից,
 Ասես Աստծո աչքը պայծառ
 Հըսկում է ցած երկրնքից:

Լուսավորչի աստղը՝ պայծառ լույսի պես: Թող կյանքս յուղ լինի այդ յուղի մեջ: Լուսավորչի անմար կանթեղն անմար չի մնա, եթե յուղ չլցնենք: Մենք ենք յուղը Լուսավորչի կանթեղի մեջ, թող վառ մնա, անմար մնա, պայծառ մնա այդ կանթեղը ողջ հայ ժողովրդի վրա ի Հայաստան և ի սփյուռս աշխարհի:

Մեր առջև ծառացած է հոգևոր, բարոյական, հասարակական, քաղաքական և տնտեսական վերածննդի խնդիրը: Բարոյական արժեքներն են, որ մեզ պիտի մեծացնեն, դրանով ենք մենք մեծ եղել, ոչ մեր տնտեսությամբ և ոչ էլ մեր քաղաքական թագավորություններով ենք իշխել: Ինչ որ եղել ենք, մեր հոգեկան արժեքներով, մեր մշակույթով ենք եղել: Եկեղեցին միշտ եղել է մեր ազգի հոգին խնամող, մեծացնող, ցորացնող եւ կյանքում հաղթանակի առաջնորդող ուժ: Այս բառերը ես քաղեցի իմ ու ձեր հավատքն ունեցող, իմ ու ձեր արյունը կրող և վարդանանց պատմությունը գրող 5-րդ դարի աստվածաբան, պատմաբան Եղիշեից:

Խոսելով Եկեղեցու մասին և պաշտպան կանգնելով քրիստոնեական հավատքին՝ ընդդեմ այն ժամանակվա մազդեական պարսիկների, Եղիշեն մեջբերում է կատարում Հապկերտին ուղղված այն պատասխան թղթից, որը մեր հայրերը՝ այն ժամանակների մեր մեծ հոգևորականները մեր բանակի ղեկավարի հետ միասին հրապարակեցին, և որը Հայաստանի համար մի նոր էջ բացեց: Ես ընթերցում եմ այդ հատվածը. «Այս հավատից մեզ ոչ ոք չի կարող խախտել, ո՛չ հրեշտակները և ո՛չ մարդիկ, ո՛չ սուրը և ո՛չ հուրը, ո՛չ ջուրը և ո՛չ էլ որևէ այլ դառն հարված»: Եղիշեն այսպես է ասում, քանզի Եկեղեցին մարդու արարչությունը, ստեղծագործությունը չէ, ոչ էլ արքաների ընծան է, կամ էլ կարող, հմուտ վարպետների գյուտարարությունը կամ իմաստունների հայտնագործությունն է: Այն ամենակարող ու հզոր Աստծո պարզեն ու շնորհն է ոչ թե որոշ անհատների, այլ՝ բոլոր բանական մարդկանց: Վերևից կամ ներքևից ուժերը չեն կարող թուլացնել կամ խաբխիւել մեր հավատքը»:

Ի՞նչ խորհուրդ կա այդտեղ: Եկեղեցին Աստծո ներկայությունն է մեր մեջ, Հայոց Եկեղեցին Աստծո թարգմանությունն է հայի կյանքում: Եթե այս գիտակցությունը տկարանա մեր մեջ, հավատացե՛ք, արյունը կգնա մեր մարմնից: Հավատքը հոգու համար այն է, ինչ որ արյունը՝ մարմնի համար: Եկեղեցին Աստծո ձեռքի ներկայությունը, գործունեությունն է մեր կյանքում: Այս երկրում՝ Մմերիկայի Միացյալ Նահանգներում, Եկեղեցին եղավ այն ուժը, որն անսասան պահեց մեզ մեր հավատքի մեջ, հավատարիմ՝ մեր ինքնությանը, պահպանեց մեր քրիստոնեական արժանապատվությունը: Ուստի, եկեք մի անգամ ևս գիտակցենք, որ այսօր մենք չենք կարող հրաժարվել մեր հոգևոր և բարոյական չափանիշներից և դառնալ ցոհերն այնպիսի մի հասարակության, որտեղ

սպառողական ոգին դառնում է երկրորդ կուռք, պաշտամունք կամ երկրորդ Աստված:

Արթնացե՛ք, մեր ուժը հոգու մեջ է, մարդն է, որ ստեղծում է ն' նյութական, ն' մշակութային բարիքները, մարդն է կարևորը, և Եկեղեցին է այդ մարդուն հոգեկան սնունդ տվողը: Կառչած մնացեք այդ Եկեղեցուն:

Ձերդ Սրբապնություն, ես խիստ ապրվեցի՝ լսելով մեր պատմածը, ես կուզենայի մի քանի խոսք ասել, որպեսզի դուք կարողանաք պատկերացում կազմել Հայաստանի մասին մինչև մեր գալը և այցելելը մեր երկիր:

Խնդրում եմ ընդունեք իմ խոսքերը որպես պաշտոնական հրավերի արտահայտություն: Այս բառերը քաղված են Մնգլիացի մեծ բանաստեղծներից մեկից՝ Ս. Թ. Էդմոնից, և կարծեք ճիշտ Հայաստանի համար գրված լինեն. «Ուր էլ որ ապրած լինի որևէ սուրբ, ուր էլ որ որևէ նահատակ իր արյունը տված լինի Քրիստոսի համար, այդ տեղերը սրբավայրեր, սուրբ տեղեր են, և դրանց սրբությունը չի անցնում»: Քրիստոնեության պատմության վերջին 17 դարերի և դրանից էլ ավելի երկար ժամանակահատվածի ընթացքում ոչ մի երկիր հազեցած չի եղել այդքան շատ սերունդների սուրբ կյանքով: Ուրեմն, եկեք ճանաչենք ինքներս մեզ, հասկանանք, թե ով ենք մենք թե՛ Հայաստանում, թե՛ ամենուրեք՝ աշխարհում:

Կուզենայի ավարտել ելույթս մի քանի բառերով՝ ուղղված ապագային: Մենք այլևս այն ազգը կամ այն Եկեղեցին չենք, որը լոկ միխթարվի, սփոփվի իր անցյալ պատմությամբ: Մեր առջև աշխարհում մի նոր հորիզոն է բացվում, նախապատրաստվում ենք դիմավորել 2001 թվականը, երբ բոլոր հայերն անխտիր Հայաստանի մայրաքաղաք Երևանում, և մեր Եկեղեցու հոգևոր մայրաքաղաք, կենտրոն Ս. Էջմիածնում, ամբողջ աշխարհի քրիստոնյա մեր հոգևոր եղբայրների ներկայացուցիչների հետ միասին կտոնեն մեր ազգի 1700-ամյա բացառիկ հոբելյանը: Այդ առավելությունը, առանձնաշնորհը Աստված է տվել մեզ. այն շնորհը, որ մենք եղել ենք առաջին ազգը, որը 301 թվականին ընդունել է քրիստոնեությունը որպես իր ազգային կրոն:

Ինչպե՞ս ենք մենք նալում ապագային: Մենք պետք է վեր կանգնենք երկրորդական նշանակություն ունեցող չնչին նկատառումներից: Աշխարհը մեր մասին կիմանա, եթե մենք հանդես գանք որպես մեկ Եկեղեցի և մեկ ազգ: Հավատացած եմ, որ այսօր սա է Աստծո պատգամը, պատվիրանը մեզ: Այդ առումով ես կուզենայի ասել, որ Ս. Էջմիածինը բոլոր հայերի ծննդավայրն է, իմ ու մեր, մեր հայրերի ծննդավայրն է ու կլինի նաև գալիք սերունդներին: Ուստի, եկեք տեսնենք, թե ինչ են արել մեր հայրերը և թե ինչ ենք արել մենք մինչև այժմ: Եթե վաղն ավելի լավ չի լինելու, քան այսօրը, ապա ի՞նչ նկատի ունեն մեր Տերը, որ մեզ ասաց. «Նայեցեք առաջ, նայեցեք դեպի վեր և Աստված անկասկած ձեզ նշան կանի»: Արդյո՞ք մենք պատրաստ ենք նայել առաջ և դեպի վեր:

Միրելի եղբայրներ և քույրեր, ես դեռ ձեզ հետ խոսելու ուրիշ առիթներ պիտի ունենամ, բայց ուզում եմ, որ այս առաջին վայրկյանից բոլորդ էլ պզաք, որ գտնվում եք պատմական, շրջադարձային նշանակություն ունեցող ժամանակաշրջանում:

Ես ձեզ մեջբերեցի 5-րդ դարում գրված, իսկ ի՞նչ պիտի մեջբերեն գալիք սերունդները մեր արածների մասին: Մտածեք, թե մենք ի՞նչ պիտի անենք այսօր, որ վաղվա սերունդներն այնպես գրեն, որ մեզ էլ մի օր մեջբերեն շնորհակալության, երախտագիտության պատգուով, ինչպես որ մենք ենք այսօր մեջբերում մեր սուրբ հայրերից: Ուստի, եկեք Ամերիկայում մեր թեմի այս հարյուրամյակը դարձնենք հոգևոր վերանորոգման պահ: Անցյալը միայն մեր գովեստի համար չէ: Անցյալն անցյալ է, որ պատկանում է Աստծուն: Մենք կոչված ենք ապացուցելու, վկայելու Աստծուն, պատմությանը և մարդկությանը, որ այսօր թե՛ մեր Մայր Հայրենիք Հայաստանում, թե՛ ամբողջ Սփյուռքում և այս հարյուրամյա հոբելյանի միջոցով, թե՛ այստեղ՝ Ամերիկայի Միացյալ Նահանգներում, մեր ազգի նկարագիրը ճիշտ այնպիսին է, ինչպիսի դրոշմ որ դրել է նրա վրա քրիստոնյա հայի 1700-ամյա պատմությունը:

Թող Աստված պորացնի մեզ բոլորիս, և մենք կարողանանք այս պատգուների մեջ տեսնել, որ վաղվա տեսիլքը պիտի ավելի պայծառ լինի: Թող արև շողա ինչպես մեր Մայր Հայրենիքի վրա, այնպես էլ այս մեր սիրեցյալ ամբողջ ամերիկահայության վրա, բոլոր հայկական համայնքների վրա՝ առանց որևէ կարգի՝ իրավաբանական, քաղաքական կամ սոցիալական խտրության, որովհետև Աստծո աչքում որևէ տարբերակում, խտրություն չկա: Հյուսիսում թե հարավում, արեւելքում թե արեւմուտքում՝ թող ամբողջ ամերիկահայությունը գալիք դարում էլ ավելի հպորանա, քան եղել է մինչև այս առաջին հարյուրամյակի վերջը:

Միրելի հոգևոր եղբայրներ, մենք վաղը կսկսենք այս տոնակատարությունը հոգևոր մթնոլորտում և պիտի այնպես անենք, որ դառնանք այս ժողովրդի համար այն, ինչ որ Տեքն ասաց մեզ՝ աղ, լույս և հույս:

1700-ամյակը մեր բոլորի համար պիտի դառնա նշանաբան, որպեսզի աշխարհում կարողանանք հաղթել և ապացուցել, որ մենք ոչ միայն առաջինն ենք եղել պատմության մեջ, այլ առաջիններից ենք նաև այսօր և պիտի լինենք նաև վաղը՝ Աստծո կամքի համաձայն, Աստծո փառքի համար և մեր ժողովրդի պատվի համար:

Եկեք ձեռք-ձեռքի տանք և պատրաստվենք 1700-ամյակի տոնակատարությանը որպես ՄԵԿ ԵԿԵՂԵՑԻ: Եվ թող Սուրբ Գրիգորի կանթեղը շողա ձեզ վրա, հովանի, պահապան լինի, դառնա նոր իրազործումների մղիչ ուժ դեպի Աստծու կամքը և մեր ազգի պատիվը այժմ և միշտ և հավիտյանս հավիտենից. ամեն», - եզրափակեց իր խոսքը Հայոց Հայրապետը:

Պաշտոնական ճաշկերույթն ավարտվեց Վեհափառ Հայրապետի «Պաշպանիչ»-ով և ներկաների կողմից երգված «Հայր մեր»-ով:

ԵՊԻՄԿՈՊՈՍԱԿԱՆ Ս. ՊԱՏԱՐԱԳ Ս. ՎԱՐԴԱՆ ՄԱՅՐ ԵԿԵՂԵՑՈՒՄ

Մայիսի 10-ի կիրակի օրը, վաղ առավոտյան, մոտ 2000 Հավատավոր Հայորդիներ էին ի մի եկել Նյու Յորքի Սուրբ Վարդան Մայր եկեղեցում՝ ներկա գտնվելու եպիսկոպոսական Սուրբ Պատարագին և մխիթարվելու Ամենայն Հայոց Կաթողիկոսի «Բանին կենաց» քարոզով:

Օրվա պատարագին էր Արարատյան Հայրապետական թեմի առաջնորդական փոխանորդ գերաշնորհ Տ. Գարեգին արքեպս. Ներսիսյանը:

Սուրբ և անմահ Պատարագին ներկա էին Հյուսիսային և Հարավային Ամերիկաների թեմակալ առաջնորդները, բարձրաստիճան պաշտոնյաներ, քույր եկեղեցիների ներկայացուցիչներ, ինչպես նաև Նյու Յորքի, Նյու Ջերսիի և Քենեթեքեթի Հոգևոր Հովիվները:

Առաջնորդ Տ. Խաժակ արքեպս. Պարսամյանի թելադրանքով, նույն օրը Ս. Պատարագ չմատուցվեց վերոհիշյալ շրջանների եկեղեցիներում, որպեսզի թե՛ Հոգևոր Հովիվները և թե՛ Հավատացյալները կարողանան մասնակցել Ս. Վարդան Մայր եկեղեցում մատուցվելիք Ս. Պատարագին:

Ս. Պատարագի երգեցողությունը կատարեց միացյալ դպրաց դասը՝ Խորեն Մելիսանեյանի ղեկավարությամբ:

Հընթացս Ս. Պատարագի, «Հայր մեր»-ից առաջ, առաջնորդ Սրբազան Հոր Հրավերով, Խորան բարձրացավ Ամենայն Հայոց Կաթողիկոսը՝ ներկաներին բաշխելու իր Հայրապետական պատգամը:

«Սիրեցյալ և հավատացյալ ժողովուրդ Աստուծո և չավակներ ազգիս հայոց:

Այսօրվան համար ես իմ խոսքին որպես հատուկ բնաբան, ինչպես կրեսն մեր հայերեն լեզվով, ընտրեցի շարականն այն տողերը, որոնք մենք հաճախ կրնաքեցնք և կհնչեցնենք այս տաճարին մեք կամ Հայաստանյայց Եկեղեցվո բոլոր տաճարներին մեք՝ Հայաստանն մինչև Սփյուռքի բոլոր ծագերը՝ «Էջ Միածինն ի Հօրէ» շարականն: «Եկայք, շինեսցուք սուրբ վիտորանն լուսոյ, քանի ի սմա ծագեաց մեզ լոյս ի Հայաստան աշխարհի»: Եկեք շինենք, կառուցենք լուսի Սուրբ Խորանը, որովհետև այդ խորանին մեք մեզի հայտնվեցավ լույսը:

Ահավասիկ, հավատացյալ եղբայրներ և քույրեր, շաբաթներ ի վեր մենք բոլորս այս թեմի սահմաններուն մեք կգտնվինք հարյուրամյակի դպրոցին մեք: Ի՞նչ ստրվեցանք հարյուրամյա այս ուսուցումն, այս դպրոցն: Ի՞նչ տեղ ունեցավ հարյուր տարվա քարոզչությունը մեր Եկեղեցվո այս հողին վրա և անոր ներկայությունը ապրված ըլլալու այն պայծառ երևույթին, որ կպանծացնենք այսօր հարյուրամյակի տոնակատարություններով: Ես այս դպրոցի աշակերտներն մեկն եմ այսօր, ինչպես այդ դպրոցի առաջին աշակերտը եղավ հարյուր

տարիներ առաջ իմ երջանկահիշատակ նախորդներեն խրիմյան Հայրիկը, երբ դրեց առաջին քարը այս հարյուրամյակի և իր հոշակավոր կոնսրակովը հաստատեց այն 1898 թվականին: Այս դպրոցի ուսուցիչները եղան բոլոր այն առաջնորդները, որոնցից շատերն այսօր երկնքին մեջն են Մովսես Նախկոպտսեն սկսյալ մինչև այսօրվան մեր թորգոմաշունչ, եռանդագին աշխատանքով լծված իր գործին առաջնորդ հաժակ արքեպիսկոպոս Պարսամյանը:

Այս դպրոցի ուսուցիչները եղան բոլոր այն հոգևորականները՝ եպոսկոպոսները, վարդապետները, քահանաները, սարկավագները, երգչախմբի անդամները, որոնք քրիստոնեության և հայ հոգիին թարգմանները եղան այս դպրոցի բեմեն հարյուր տարիներու ընթացքին՝ նոր աշխարհի լեզվով: Այս դպրոցի ուսուցիչները եղան այն պարզ անձերը աշխարհական, որոնք իրենց քրիստոնեական հավատքը և ազգային ինքնությունը, ազգային արժանապատվությունը ներդաշնակելով, իբրև հարապատ անդամներ թեմական ժողովի մակարդակեն սկսյալ, պատգամավորական ժողովեն, իբրև թեմական խորհուրդ մինչև բազմաթիվ խորհուրդներ, իրենց ժամանակը, կարողությունը, սերը, նվիրումը ընծայեցին: Այս դպրոցի ուսուցիչները եղան նաև մեր այն բարերարները, որոնք իրենց նյութական աշխատանքի վաստակեն բաժին հանել գիտցան, քաջությունը ունեցան իրենց ունեցածը ազգեն ներս արժևորելու: Այս վաստակին մեջ իրենց դերը ունեցան բոլորը: Ի՞նչ սորվեցանք այս ամբողջ հարյուրամյա դպրոցեն: Ի՞նչ կքաղենք այսօր այս Պատարագեն մանավանդ, որ պաշտոնական ձեռնարկներեն վերջինն է Նյու Յորքի շրջանին մեջ:

Սիւս թե ինչպես ես կմեկնաբանեմ մեր սորված դասը: Հետևյալ հիմնական գաղափարներու մեջ կդասավորեմ այն: Առաջին՝ Եկեղեցին պահել կենտրոնը մեր ազգին կյանքին Սփյուռքի այս տարածքին: Եկեղեցին ընդունել որպես Աստծու և հայուն հանդիպման վայր և անկե ավելի գեղեցիկ, անկե ավելի խորիմաստ խորհուրդ և ներքրիստոնեական ուժ չի կրնար ըլլալ: Եկեղեցին ծննդավայրն է մեր հոգվոյն և ծննդավայրը մարդուն ամենեն քաղցր վայրն է իր կյանքին մեջ: Եկեղեցին ընկերային կյանքի հատուկ երևույթ մը չէ: Եկեղեցին հաղորդության տուն է: Այստեղ, այս խորանին վրա և Հայ Եկեղեցվո բոլոր խորաններեն կբարբառեն, մշտնջենական անլուելի զանգակատան պես կողողանջեն մեր Եկեղեցվո հայրերը, մեր սուրբերը, որոնք հասել են հոգեկան անմահության իրենց ապրումներով: Մենք պետք է զորանանք, Աստուծո անմահական ուժը զգանք մեր մեջ: Ի՞նչ է քրիստոնեությունը՝ ամբողջ աշխարհի մեջ, եթե ոչ Աստուծո ներկայությունը մարդու կյանքին մեջ, Աստուծո ճշմարտության գործնականացումը մեր կյանքի երջանկության համար:

Հայոց Եկեղեցին ամեն բանեն առաջ և ամեն բանե վեր Աստուծո և հայության հանդիպումն է, հանդիպումը երկնքին և երկրին՝ հայերիս կյանքին մեջ: Եկեղեցին նաև մեր ազգայինն է, որովհետև այդ քրիստոնեական հավատքը ամեն մեկ ազգ աշխարհին մեջ իրեն ընկալելու եղանակովն է ինքը ազգ: Հոռմայեցին տարբեր ձևով է

Իս-«ՄԱՌՈՂՈՍԷ» ՁԵՍԱՆ





מנהל המערכת
המנהל הכללי
המנהל הכללי
המנהל הכללי

ընդունած, հույն տարբեր ձևով է ընդունած, ասորին տարբեր, արևելքցին՝ տարբեր, արևմուտքցին՝ տարբեր: Այսպանություն և մոպայիկ մըն է քրիստոնեությունը միջազգային աշխարհին մեջ: Լույսը ինքը մեկ է, բայց մարդկության մեջ երբ կճառագայթե, տարբեր գույներ կզգենու, և մեր գույնը հայկական գույնն է: Ատոր համար մեր Եկեղեցին մեր ազգային ինքնության հոգևոր արտահայտությունն է, որ ավելի քան 1700 տարիներեն ի վեր մեր ազգին ներշնչարանը եղած է, որովհետև քրիստոնեությունը ազգերու, ինչպես մեր ազգի, նաև ուրիշ ազգերու պորության աղբյուրն է եղած:

Երբեմն ես կլսեմ և կկարդամ մակերեսային հոդվածներ, անպատասխանատու խոսքեր, ըստ որոնց Եկեղեցին տկարացրած է մեր ազգը: Նույնիսկ կարդացի վերջերս հոդված մը, որուն մեջ կըսվեր, թե քրիստոնեությունը սեր քարոզելով, տկարացուց մեր ժողովուրդը: Ասկե ավելի սխալ մեկնաբանություն չի կրնար ըլլալ քրիստոնեության համար: Մերը քաջություն կծնցնե, ոչ թե տկարություն, սերը խաչով կարտահայտվի: Ո՞վ էր հապա, եթե ոչ Եկեղեցին, որ Ավարայրի ճակատամարտը դրկեց մեր քաջ նախարարները և Վարդանանց զորավարներն ու զինվորները, ո՞վ կանգնեց հերոս սպարապետ Մուշեղ Մամիկոնյանի կողքին, եթե ոչ Ներսես Պարթև Հայրապետը, ո՞վ էր կանգնած Վահան Մամիկոնյանի կողքին, եթե ոչ Հովհան Մանդակունի Կաթողիկոսը: Եվ եթե երբեք երկարեմ շարքը մինչև այսօր, մինչև Սարդարապատ, դուք կտեսնեք Եկեղեցին ներշնչման աղբյուր, այլ ոչ թե հուսահատության, հուսալքումի, տկարության աղբյուր, ինչը և երբեմն մարդիկ կփորձեն մեկնաբանել ածան և մակերեսային կերպով:

Մեր Եկեղեցին ներշնչարանն է մեր հայոց մշակույթին: Մշակույթը, քաղաքակրթությունն այն է, որ մարդուն արտահայտությունն է իր գերագույն գեղեցիկ ճանապարհին վրա: Քաղաքակրթությունը մարդուն սահմանումին մեջ կիյնա: Մարդը բանավոր էակ է, ոչ թե անբան կենդանի: Մարդը պարզացում ունի: Քաղաքակրթությունը շարունակական ընթացքն է դեպի հոգեկան ճառագայթում: Եկեղեցին նաև մեր մշակույթի աղբյուրն է, որից բխեց այբուբենը: Հոգեկան ճիգը, առաջին ճիգը, որ հայությունը կարտահայտի հայերեն լեզվով՝ Աստուծո Մատյանն է, Աստվածաշունչը, Աստուծմե ներշնչված ու մեզի փոխանցված այդ գիրքը, որուն համար ըսեցին մեր հայերը՝ մի մոռնաք այդ մեծ խոսքերը, որոնք քարերու պես կփայլին. «Քանզի հայր մեր պսուրբ Աւետարանը գիտեմք եւ մայր ՎՈճաքելական Եկեղեցին Կաթողիկէ»: Այս նշանաբանն էր մեր հայրերու նշանաբանը և մեր Եկեղեցին ամերիկյան հողին վրա այս ճշմարտության թարգմանը հանդիսացավ իր 100-ամյա պատմության ընթացքին: Եկեղեցին է, որ հաստատուն է: Երբ մենք լույսի խորան ենք կառուցում, այդ մենք ենք, որ կառուցվում ենք:

Ի՞նչ սորվեցուց մեզ Եկեղեցին հայոց անցնող 100 տարիներու ընթացքին: Բանաստեղծին բառերով ըսած՝ հարդը գնում է, ցորենն է մնում: Մեր հարյուրամյա պատմությունը եթե կարդաք, այնտեղ պիտի տեսնեք լույսի ու խավարի խաղը, պիտի տեսնեք դրական

իրագործումներ: Եղան ստվերոտ կողմեր, եղան լուսավոր կողմեր: Ի՞նչ ստրվեցանք այս 100 տարվա ընթացքին: Ինչ որ ճղճիմ-ճղճիմ հարցեր են, կերթան հարդի պես, ինչ որ կմնա, այս տաճարներն են, այս փոքրիկներն են, այս շարականներն են, հոգին է կենդանարար: Եթե մենք չկարենանք ընդհանրական շահը, հավիտենական, անանց արժեքները գերադասել, մենք կդատապարտվենք կորստյան: Մնացավորը անցավորին հետ կերթա, մնայունը կմնա: Ինչպես մեծ բանաստեղծ, արևմտյան մեր գրականության անմահանուն վահան թեքելանն ըսել է. «Ի՞նչ մնաց, կյանքն ինձի ինչ մնաց, ինչ որ տվի ուրիշի, տաքորինակ, այդ մնաց»: Իրը կերթա, հոգին է արժեքավոր: Այսօր մենք հարյուրամյա հեռվից կտոնենք այն, ինչ որ գոյություն ունի, այսինքն մեր հավերժական արժեքները: Եվ այսօր ատորով է, որ մենք կապարտանանք: Ուրեմն գիտնանք, եղբայրներ և քույրեր, հարյուրամյակի այս դասը ստրվի, թե մեր նվիրումը եկեղեցիին, մեր մասնակցությունը եկեղեցիին, այս եկեղեցին չէ, որ մեզնով պետք է հարստանա, մենք է, որ պիտի եկեղեցիով հարստանանք:

Երկու տարի ետքը մենք պիտի մտնենք երրորդ հապարամյակը մարդկային պատմության: Հարյուրամյակի տարբերությունը գիտեք, հապարամյակինը ևս: Հարյուրամյակը հաջորդ տարի ի՞նչ տարբերություն պիտի ունենա մեզի համար: Եթե ես, ձեր Առաջնորդ Սրբապանը, մյուս Առաջնորդ Սրբապանները, հոգևորականները և աշխարհականները պիտի մնանք այն, ինչ որ էինք երեկ, ի՞նչ խորհուրդ ունի հարյուրամյակը: Այսօր մենք պետք ունենք հոգեկան նայվածքով և պատմությունը կարդալու մեր եղանակով տեսնելու, որ գալիք ժամանակները աշխարհի մեջ կրոնական վերապարթունք պիտի արձանագրեն:

Մտիկ ըրեք ինձի, եղբայրներ և քույրեր, աշխարհի ամբողջ քրիստոնեության և բոլոր ժողովուրդներուն կիստևիմ, բոլոր եկեղեցական թեմերը կտեսնեմ, օտար եկեղեցիներու ժողովներուն կերթամ, վերլուծական գիրքեր և հոդվածներ կկարդամ, աշխարհը պիտի ստրվի հոգևոր և բարոյական վերապարթունքը պզալ հառաչիկա հապարամյակին: Ես կհավատամ, որ մենք ամեն բան պիտի ընենք, այս հոգեկան վերապարթունքը ապրելու և մեր ազգը նորովի արժեցնելու ամբողջ աշխարհի մեջ, որովհետև աշխարհի մեջ հայո ներկայությամբ մենք կծաղկեցնենք Մայր Հայրենիքը, Հայաստան աշխարհը ապատության լույսով: Եվ այն ատեն մենք արժանի կլլանք մեր այդ կյանքը արժեցնելու: Եվ եթե մենք այդ ժամանակին հոգեկանորեն չնորոգվինք, մեր ազգը կաղքատանա:

Ես իմ այսօրվա խոսքը կեպրափակեմ այս խոսքով. եկեք շինենք Սուրբ Խորանը լույսի, որովհետև այստեղ ծագեցավ մեզ համար Աստուծո լույսը: Եկեք միասնաբար այնպես ընենք, որ հարյուրամյակը ըլլա մեզի համար դպրոց մը, որուն դասերովը երկրորդ հապարամյակին պայծառացնենք կյանքը մեր երեխաներուն և թող ասիկա ըլլա, սիրելի Սրբապան, ձեր առաջնորդության օրով և, հարգելի սրբապան եղբայրներ, ձեր թեմերուն մեջ նախապատրաստություն մը այն մեծ տոնակատարության, համահայկական, ամբողջ Հայ եկեղեցիին համար հայ

ժողովուրդի 1700-ամյակի տոնակատարության նախաբան ըլլա, որպեսզի մենք աշխարհին ներկայանանք Աստծո մեր վրա դրած կնիքովը և հայ քրիստոնյայի կնիքը արժեցնենք և փառավորենք Աստծու անունը հավիտյանս հավիտենից. ամեն»:

Հավարտ Ս. Պատրազի, կատարվեց Հոգեհանգստյան կարգ՝ մահացած բոլոր առաջնորդների և պատգամավորների Հոգիների խաղաղության համար:

Մինչ Հոգեհանգստյան արարողությունը, կիրակնօրյա վարժարանների սաները Համբուրեցիին Նորին Սրբության աջը և ապա վառեցին իրենց մոմերը:

Վերջում տեղի ունեցավ մատաղի օրհնություն և բաժանվեց ներկա Հավատացյալ ժողովրդին:

ՊԱՇՏՈՆԱԿԱՆ ՃԱՇ

«ՅՈՒՆԻՈՆ ԼԻՔ ՔԼԱՔ»-ՈՒՄ

Նույն օրը, հետմիջօրեին, «Յունիոն Լիք Քլաք»-ում կազմակերպվեց պաշտոնական ճաշկերույթ՝ ի պատիվ բոլոր նրանց, ովքեր իրենց Հայրենանվեր մասնակցությունն էին բերել «Հարյուրամյակի Հիմնադրամին»:

Պաշտոնական ճաշկերույթին ներկա էին տեղական իշխանությունները և քույր եկեղեցիների ներկայացուցիչներ, թեմակալ առաջնորդներ, բարձրաստիճան հոգևորականներ, ազգային բարերարներ, մեծաթիվ Հավատացյալ Հայորդիներ: Այն նախագահում էր Նորին Սուրբ Օծություն Տ.Տ. Գարեգին Ա Ամենայն Հայոց Կաթողիկոսը:

Ճաշկերույթի ընթացքում Հնչեցին շնորհակալության ու երախտիքի ջերմ խոսքեր: Իր ելույթում ևս Ամենայն Հայոց Հայրապետը նախ շնորհակալություն հայտնեց բոլորին՝ Հայապահպանության գործին ցուցաբերած իրենց նվիրվածության համար, և ապա յուրաքանչյուրին նվիրեց մեկական «Հարյուրամյակի հուշամեդալ»:

ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԵՎ

ՎՐԱՅ ՈՒՂՂԱՓԱՌ ԵԿԵՂԵՑՈՒ ՊԱՏՐԻԱՐԷ

ԻԼԻԱ Բ-Ի ՀԱՆԴԻՊՈՒՄԸ ՆՅՈՒ ՅՈՐԺՈՒՄ

Մայիսի 15-ի ուրբաթ օրը, առավոտյան ժամը 10.45-ին, իր ջգխմբով Սուրբ Վարդան Մայր Տաճար ժամանեց Նորին Սուրբ Օծություն Տ.Տ. Գարեգին Ա Ամենայն Հայոց Կաթողիկոսը, ուր Նորին Սրբությանը զիմավորեցին ԱՄՆ-ի Արևելյան թեմի առաջնորդ գերաշնորհ Տ. Խաթակ արքեպս. Պարսամյանը, Հոգևորականաց դասը, ինչպես նաև ներկա Հավատացյալների՝ Հոծ բազմությունը:

Ճիշտ ժամը 11.00-ին իր շքախմբով Մայր Տաճար ժամանեց Վրաստանի Ուղղափառ Եկեղեցու պետ Նորին Սրբություն Իլիա Բ Պատրիարքը: Տաճարի մուտքի մոտ երկու հոգևոր առաջնորդները ողջագուրվեցին, ապա «Ուրախ լեր» շարականի երգեցողությունը արարեցին: Տաճարի մուտքի մոտ երկու հոգևոր առաջնորդները ողջագուրվեցին, ապա «Ուրախ լեր» շարականի երգեցողությունը արարեցին: Տաճարի մուտքի մոտ երկու հոգևոր առաջնորդները ողջագուրվեցին, ապա «Ուրախ լեր» շարականի երգեցողությունը արարեցին:

Հանդիպմանը ներկա էին նաև Արարատյան Հայրապետական թեմի առաջնորդական փոխանորդ Տ. Գարեգին արքեպս. Ներսիսյանը, Հուլյն Ուղղափառ Եկեղեցու Ամերիկայի միտրոպոլիտ Ամենապատիվ Տ. Թեոդոսիոս արքեպիսկոպոսը, Հայ և Վրաց Եկեղեցիների բարձրաստիճան հոգևորականներ, տեղական իշխանությունների ներկայացուցիչներ, Միացյալ Նահանգներում Հայաստանի և Վրաստանի Հանրապետությունների արտակարգ և լիազոր դեսպանները, երկու եկեղեցիների հավատացյալներ:

Նորին Սուրբ Օծության գոհաբանական աղոթքից հետո, Ամերիկայի Արևելյան թեմի առաջնորդ Տ. Խաթակ արքեպս. Պարսամյանը բարիգալստյան խոսք ուղղեց հոգևոր բարձրաստիճան հյուրերին՝ ուրախությամբ նշելով, որ Սուրբ Վարդան Մայր Տաճարում Հանդիպեցին երկու դրացի ժողովուրդների հոգևոր պետերը: Սրբազան Հայրը մանբամասնեց Նորին Սուրբ Օծության Միացյալ Նահանգներ այցելության նպատակը և ավելացրեց, որ մեկ կամ երկու դար առաջ ո՞վ կարող էր երեւակայել, թե Հայ և Վրաց եկեղեցիների Պետերը միմյանց հետ կհանդիպեն Միացյալ Նահանգներում:

Իր հերթին Վրաց Եկեղեցու հոգևոր Առաջնորդ Իլիա Բ Պատրիարքը, ողջունելով Հայոց Հայրապետին և բոլոր ներկաներին, խոսեց Կովկասյան տարածաշրջանում երկու քրիստոնյա օաղիսների, նրանց անցյալի ու ներկայի բարեկամական փոխհարաբերությունների մասին: Ասաց, որ ինքն անձամբ այցելել է Ամենայն Հայոց Կաթողիկոսին Մայր Աթոռ Սուրբ Էջմիածնում և վայելել նրա եղբայրական հյուրընկալությունը: Խոսքի վերջում Վրաց Եկեղեցու Պատրիարքը խնդրեց Ամենակարող Աստծուց՝ օրհնել Ամերիկայի Միացյալ Նահանգները, Հայաստանի ու Վրաստանի նորանկախացյալ Հանրապետությունները: Ապա, հանուն Վրաց Ուղղափառ Եկեղեցու, առաջնորդ Տ. Խաթակ արքեպս. Պարսամյանին հանձնեց հուշանվեր:

Նորին Սուրբ Օծություն Տ.Տ. Գարեգին Ա Կաթողիկոսը, ողջունելով Վրաց Եկեղեցու հովվապետին, ասաց, որ իրենք տարբեր առիթներով հանդիպել են միմյանց հետ թե՛ Թբիլիսիում և թե՛ Սուրբ Էջմիածնում, սակայն այսօրվա հանդիպումը պարզ պատահականություն չէ, այլ Աստծու «կարգավորությունը»: Նորին Սրբությունը

փառք տվեց Բարձրյալին, որ Սուրբ Վարդան Մայր Տաճարում իրեն առիթ ընծայեց բարի գալուստ մաղթել քույր Եկեղեցու Հոգևոր պետին և ողջունել նրան: Նորին Սրբությունը խոսեց նաև Ամերիկայի Առաջնորդական թեմի Հաստատման Հարյուրամյակի մասին՝ նշելով, որ Հարյուր տարի առաջ միայն մեկ եկեղեցիով Հաստատված Հայ Եկեղեցին այսօր ունի ավելի քան Հարյուր եկեղեցիներ: Ապա բարձր գնահատեց գերաշնորհ Տ. Խաժակ արքեպս. Պարսամյանի կատարած անխոնջ ու նվիրված աշխատանքը և առավել Հաջողություն մաղթեց նրան: Հայոց Հայրապետն անդրադարձավ Հայ և Վրաց Եկեղեցիների Սրբերին, Հատկապես Սուրբ Վարդանի դստերը՝ Սուրբ Շուշանիկին, ում երկու Եկեղեցիներն էլ դասել են իրենց Սրբերի շարքը: Գարեգին Ա Կաթողիկոսը նշեց, որ ինքն այցելել է Վրաստանում գտնվող Սրբուհու մատուռը և աղոթել այնտեղ: Հայոց Հայրապետը չմոռացավ հիշեցնել նաև Հանուրին սրտամոտ Հետևյալ խոսքերը. «Սուրբերը մեր Եկեղեցիները կը միացնեն, եւ աշխարհի մարդիկ թող չբաժանեն վանոնք իրարմէ»:

«Թող ընդմիջտ և առհավետ օրհնյալ լինի Աստծո անունը, որ շնորհեց մեզ այս վեհ պահը Վրաց Ուղղափառ Եկեղեցու և Հայ Սուրբելական Եկեղեցու, փոխհարաբերությունների պատմության մեջ՝ հանդիպելու այս առավոտ Նյու Յորքում: Շատ առիթներ են եղել, որ մենք հանդիպենք միմյանց հետ թե՛ Թբիլիսիում, թե՛ Երևանում և թե՛ Մայր Աթոռ Ս. Էջմիածնում: Սակայն այստեղ՝ Սփյուռքում իրար հանդիպելը հեշտ չէ: Մենք ցույց ենք տալիս թե՛ ամերիկացիներին, թե՛ ամերիկահայությանը և թե՛ մեր ու ձեր երկրներին, որ եղբայրության, բարեկամության, ընկերության և միասնության գաղափարները չեն ընդունվի, եթե մենք միասին, միասնական չլինենք:

Պետք է ցույց տանք, որ մենք եղբայրներ ենք ոչ միայն Վրաստանում և Հայաստանում, այլև ամենուրեք աշխարհում, քանի որ այդ եղբայրությունը մեր քրիստոնեական ժառանգության մասն է, որ մեզ է հասել մեր Տեր Հիսուս Քրիստոսից: Եվ էկումենիզմը, էկումենիկ շարժումը, ոգին սկսվում են նրանից, որ եղբայրները կարող են միասին լինել, միավորվել քրիստոնեական հավատքով: Բառերը, գովեստը, գրավոր խոսքը այնքան էլ համույիչ չեն դարձնի մեր միությունը աշխարհին այնպես, ինչպես դա կանեն մեր կապերը, մեր միասնությունը, համերաշխությունը: Մեր պատմությունն է ստիպել մեր երկու՝ վրաց և հայ ժողովուրդներին զորավիգ լինել ու հավատարիմ մնալ այդ հավատքին այդքան երկար դարեր՝ հակառակ այն բազում դժվարություններին, որոնց մենք դիմագրավել ենք դարերի ընթացքում:

Ոչ միայն հավատքն է մեզ իրար հետ կապում, այլև՝ հավատարմությունն այդ հավատքին, որ դրսևորվում է այնպիսի մի վեհ արարքով, ինչպիսին է նահատակությունը: Մեր սրբերն ու նահատակներն են մեզ կապում միմյանց հետ՝ շարունակելու և զորացնելու այդ հավատքը: Ուստի, այսօր այստեղ՝ Նյու Յորքում, իմ եղբայրների կողքին, ես խորին

երախտագիտությունն էմ տաժում առ Սստված՝ տալու համար ինձ այս հնարավորությունը՝ ողջունել Ձեզ այստեղ՝ Ս. Վարդան Տաճարում: Ս. Վարդանի դուստր Շուշանիկը Վրաց Ռոդդափառ Եկեղեցու Սրբերից մեկն է, ես դա երբեք չեմ մոռանում և ուր էլ որ գնում եմ, հիշում եմ նրան իմ աղոթքներում:

Սիրեցյալ եղբայրներ, մեր երկրները՝ Հայաստանը և Վրաստանը, ներկայումս շատ դժվարին ժամանակներ են ապրում: Դուք՝ ինքներդ և մենք էլ լավ գիտենք, թե ինչպիսի ծանր պայմաններում ենք, և մեր համերաշխությունն է, որ պիտի փրկի մեզ: Այդ համերաշխության մասին պետք է իմանան ողջ աշխարհում, պետք է իմանան ամերիկացի ժողովուրդը և կառավարությունը, քոլոր նրանք, ովքեր մինչև այսօր պատասխանատու են այս մեծ երկրի համար: Նրանք պետք է իրենց աչքերով տեսնեն և համոզվեն, որ վրաց և հայ ժողովուրդները եղբայրներ ու քույրեր են: Սեա այդ իմիջի ու նաև ազգերի ընտանիքում միասին լինելու գործոնի հանդեպ է, որ մենք դրսևորում ենք հարգանք, մեծարանք, վստահություն: Եվ Հայ Առաքելական ու Վրաց Ռոդդափառ Եկեղեցիներն են, որ էլ ավելի պիտի նպաստեն մեր երկրներին, մեր ժողովուրդներին և մեր ազգերի բարեկամության ու համերաշխության ամրապնդմանը:

Օգտվելով առիթից, ցանկանում եմ իմ ջերմ գնահատանքն ու խորին երախտագիտությունն արտահայտել Նորին Սրբությանը՝ իմ սիրեցյալ եղբայր Իլիա Բ Կաթողիկոս-Պատրիարքին: Ձեր Եկեղեցին Ամերիկայում ինձ ողջունեց: Ես շատ բարեկամներ ունեմ Ռուս Ռոդդափառ Եկեղեցում, նրանցից ոմանք այստեղ են՝ Ամերիկայում: Սակայն հենց դուք էիք, որ այս նոր աշխարհում՝ Ամերիկայում, ռոդդափառ հավատքի անվերջանալի հարատևության ձեր վկայությունը կյանքի կոչեցիք:

Հայ ժողովուրդն այս օրերին տոնում է Ամերիկայում Հայ Առաքելական Եկեղեցու Ամերիկայի թեմի հիմնադրման 100-ամյա հոբելյանը: Մնցյալ կիրակի օրը տաճարում ես նշեցի, որ Ամերիկայում մենք սկիզբը դրեցինք 1898 թվականին մեկ եկեղեցիով, իսկ այսօր ունենք երեք թեմ՝ ավելի քան 100 եկեղեցիներով. մեկն՝ արևելյան ափին, մյուսն՝ արևմտյան ափին, Կալիֆոռնիայում, իսկ երրորդը՝ Կանադայում և այլ վայրերում:

Ռոդդափառ հավատքն այսօր աշխարհում կենդանի հավատք է, և դա հենց այն է, ինչին մենք պետք է միասին հաղորդակից լինենք: Ես իմ գնահատանքն եմ արտահայտում խաժակ արքեպս. Պարսամյանին իր էկումենիկ ոգու համար, և շնորհավորում ու խրախուսում եմ Ռոդդափառ Եկեղեցիների միասնականությունն ընդհանրապես ու մեր Հայ ու Վրաց Եկեղեցիների միասնականությունը մասնավորապես:

Մաղթում եմ, որ գալիք տարիներին մեր եղբայրությունն ու ընկերությունն էլ ավելի խորանան: Եվ երբ որևէ մեկը հյուսիսից կամ հարավից գա Նորին Սրբություն Համայն Վրաց Կաթողիկոսի մոտ և չայցելի Մայր Աթոռ Ս. Էջմիածին, ապա նա մեծ մեղք գործած կլինի, և եթե որևէ հայ գա Էջմիածին՝ առանց այցելելու Թբիլիսի, նույնպես մեղք գործած կլինի: Ուստի, մենք պետք է դրսևորենք Հայ և Վրաց

ԳԵՐԴԱՐԱՆԻ ԿԱՏԱՅՐԱՆԻՔԻ ԿԵՆՏՐՈՆ



Եկեղեցիների ընդհանրությունը ոչ միայն Հայաստանում և Վրաստանում, այլև ամբողջ աշխարհում:

Թող Աստծո անունը օրհնյալ լինի ընդմիշտ և առհավեռ»:

Հանդիսավոր արարողությունն ավարտվեց Տ. Թեոդոսիոս միտրոպոլիտի աղոթքով: Վերջում երկու եկեղեցիների Հովվապետերն իրենց չքախմբերով դեպի Սուրբ Վարդան Մայր Տաճարի ելքն առաջնորդվեցին «Հայրապետական մաղթերգ»-ի երգեցողությամբ:

ՊԱՇՏՈՆԱԿԱՆ ՃԱՇ «ՈՒՈԼԴՈՐՑ ԱՍԹՈՐԻԱ» ՊԱՆԴՈԿՈՒՄ

Սուրբ Վարդան Մայր Տաճարից Հայ և Վրաց եկեղեցիների պետերն իրենց չքախմբերով առաջնորդվեցին դեպի «Ուղղորթ Ասթորիա» պանդոկ, ուր, ի պատիվ Նորին Սրբությունների, Ամերիկայի Ուղղափառ եկեղեցու կողմից տրվելու էր պաշտոնական ճաշ:

Ներկա էին ավելի քան ութսունհինգ հրավիրյալներ, այդ թվում պետական բարձրաստիճան պաշտոնյաներ, տարբեր հարանվանությունների ներկայացուցիչներ: Հրավիրյալների թվում էին Միացյալ Նահանգներում ՀՀ արտակարգ և լիազոր դեսպան Ռուբեն Շուգարյանը, ՄԱԿ-ի մոտ ՀՀ մշտական ներկայացուցիչ Մովսես Աբելյանը, Վաշինգտոն Թի Սիում Վրաստանի Հանրապետության արտակարգ և լիազոր դեսպան Տաթև Զափարիձեն, Ռուսաստանի Դաշնության արտակարգ և լիազոր դեսպան Սերգեյ Լավրովը, Վրաստանի Խորհրդարանի անդամ Գիվի Շուգարովը, Նյու Յորքի Կաթոլիկ եկեղեցու առաջնորդ կարդինալ Ջոն Օ'Քանեբրը, Հուլյն Ուղղափառ եկեղեցու նախկին առաջնորդ Յակովոս արքեպիսկոպոսը, ԱՄՆ-ի եկեղեցիների Ազգային Խորհրդի ընդհանուր քարտուղար տիկին Ջոան Բրաուն Քեմբելը, «Խղճմտանքի կոչ» հիմնարկության նախագահ Բարբի Արթուր Շնայերը, Ասորի Ուղղափառ եկեղեցու առաջնորդ Սիրիլ Քարիմ արքեպիսկոպոսը, Ղաթի եկեղեցու առաջնորդ Սուրիել Եպիսկոպոսը, բարձրաստիճան այլ հոգևորականներ և այլեր, տեղական իշխանությունների ներկայացուցիչներ:

Ճաշկերույթի ընթացքում Ամենապատիվ Տ. Թեոդոսիոս արքեպիսկոպոսը երկու եկեղեցիների Հովվապետերին պարգևատրեց Ամերիկայի Ուղղափառ եկեղեցու առաջին Սրբի չքանչանով, որն այս եկեղեցու կողմից շնորհվող բարձրագույն պատիվն է: Բացի գեղեցիկ խաչից, որի վրա փորագրված է Սրբի նկարը, Թեոդոսիոս արքեպիսկոպոսը Գարեգին Ա Կաթողիկոսին նվիրեց նաև Սուրբ Իննոսենտի սրբապատկերը, որի վրա գտնվում է նաև Սրբի մասունքը: Խորին շնորհակալություն ու գոհունակություն հայտնելով այդ

մեծ պատվին արժանանալու համար՝ Ամենայն Հայոց Հայրապետն ի մասնավորի ասաց.

«Ձերդ Սրբություն, սիրեցյալ եղբայր ի Քրիստոս, բարեկամներ, եղբայրներ և քույրեր.

Իմ կյանքում այս պահն իրոք մեծ նշանակություն ունեցող իրադարձություն է, որովհետև ես շրջապատված եմ տարբեր քրիստոնեական համույժունքների և դավանանքների պատկանող այսքան մեծաթիվ քրիստոնյաներով, որոնք, չնայած այդ տարբերություններին, կապված են միմյանց հետ միասնության, համերաշխության կապերով ու սիրով: Ես վերհիշում եմ այն հայտնի արտահայտությունը, որ երբեմն վերագրվում է Ս. Ավգուստինոսին, թեև, իմ սիրեցյալ եղբայր, արքեպիսկոպոս Յակովոսն ինձ մի օր հայտնեց, որ այդ արտահայտությունը գալիս է Լեոնիս անունով մեկ այլ արքիգ: Այնուամենայնիվ, խնդիրն այն չէ, թե ով է հեղինակը, այլ խնդիրն այն է, որ մենք ունենք «միութեն ի կրեւորս, ապատութիւն յերկրայականս եւ սէր յամենայնի» բանաձևումը: Եվ ձեր այդ գործողության մեջ, սիրեցյալ իմ եղբայր Թեոդոսիոս, ես տեսնում եմ արտահայտությունն այն կարեկցության, բարեգործության և սիրո, որ միշտ կապում է մեզ միմյանց հետ, որտեղ էլ որ մենք լինենք: Ես կարծում եմ, որ որտեղ էլ մենք գտնվենք, ոչ մի աշխարհագրական, քաղաքական, տնտեսական կամ այլ կարգի աահմաններ չեն լինի, երբ մենք խոսում ենք մեր քրիստոնեական ինքնության մասին, որտեղ գերիշխում է սերն առ մեր Տեր Հիսուս Քրիստոս:

Այսօր իրոք ես ինձ զգում եմ արժանացած շատ մեծ պատվի, քանի որ այս շքանշանն ինձ է շնորհվում իմ սիրեցյալ եղբոր՝ Նորին Սրբություն Համայն Վրաց Իլիա Բ Կաթողիկոս-Պատրիարքի ներկայությամբ: Մի քանի րոպե առաջ, սեղանի շուրջ նստած, ես մտածում էի, թե ի՞նչ ուղիներով է առաջնորդում մեզ Աստված, ուղիներ, որոնք մեզ անհայտ ու անծանոթ են: Ո՞վ կպատկերացներ, թե հինավուրց Փոքր Ասիայի արևելյան մասում, կամ էլ Ռուսաստանի հարավային մասում՝ Կովկասում գտնվող միակ երկու քրիստոնյա երկրների հոգևոր առաջնորդները կհանդիպեն միմյանց Նյու Յորքում: Մենք առաջնորդում էլ ենք հանդիպել, ես այցելել եմ Նորին Սրբությանը Թբիլիսիում, նա էլ ինձ՝ Ս. Էջմիածնում: Բայց ո՞վ կարող էր պատկերացնել, որ մենք կհանդիպեինք այստեղ՝ Նյու Յորքում:

Ոգին շարժվում է, քամին փչում է, և մենք զգում ենք, որ հետևում ենք քամու ուղղությանը, և այդ ուղղությունը մեզ իրար մոտ բերեց Նյու Յորքում:

Եվ իրոք, մեր քրիստոնեական համմնառությունը չի ճանաչում որևէ աշխարհագրական բաժանում կամ ազգային տարբերակում: Այն մեծ դասը, որ մենք յուրացրել ենք խորհրդային իշխանության 70 տարիների ընթացքում, այն է, որ քրիստոնեական ազդեցությունը, քրիստոնեական կնիքը, դրոշմը մեր երկու՝ հայ և վրաց ժողովուրդների սրտերում, մտքերում և կյանքում չեն ջնջվել և չեն էլ կարող ջնջվել, որովհետև այն

խոր արմատներ է նետել մեր ողջ գոյության մեջ: Եվ եթե կարելի է այստեղ կիրառել «ներմշակութայնացում» բառը, ապա դա հենց այն է, ինչ տեղի ունեցավ շատ դարեր առաջ և երբեք չվերացավ, քանի որ մենք գոյատևեցինք իբրև քրիստոնյաներ, կամ էլ ընդհանրապես չէինք գոյատևի:

Այստեղ ես կցանկանայի մեքքերում կատարել 5-րդ դարի մի հայ պատմիչից՝ Եղիշեից, որն ասել է. «Քրիստոնեությունը մեզ համար նման է մաշկի գույնին, այլ ոչ մեր հագի հագուստների գույնին»: Ուստի, այսօր այստեղ տեսնելով այսքան բազմաթիվ Եկեղեցիներ ներկայացնող իմ բարեկամներից շատերին, իմ հրեա ընկերներին, կույծնայի կոչ անել ձեզ՝ մոռացության չմատնել աշխարհի այդ մասի մեր երկրները: Ես բավական ակտիվ մասնակցություն եմ ունեցել էկումենիկ շարժմանը: Եղել են ժամանակաշրջաններ, երբ բոլոր ջանքերը կենտրոնացվել են Արևելյան Ասիայի, Աֆրիկայի կամ Միջին Ասիայի ուղղությամբ: Սակայն այժմ աշխարհի ուշադրությունն ուղղվել է դեպի մեզ՝ դեպի Արևելյան Եվրոպան:

Արևելյան Եվրոպան չի սահմանափակվում միայն Լեհաստանով կամ Ուկրաինայով, այլ ընդգրկում է նաև մեր երկու երկրները՝ Վրաստանը և Հայաստանը, որոնք հանդիսացել են Եվրոպական մշակույթի ուղևոր ծուծը, և եղել են վկայությունն այն նույն ոգու, որ կերտել, ձևավորել է այն, ինչ մենք այսօր անվանում ենք Եվրոպական քաղաքակրթություն: Եվ այժմ, երբ Եվրոպան նպատակամղում է իր բոլոր ջանքերը՝ իրականություն դարձնելու Եվրոպական միությունը, այս մշակութային բազմապատկությունը պիտի գտնի մի ընդհանուր հայտարար: Իմ կարծիքով, էկումենիկ շարժումը ոչ միայն լոկ միջեկեղեցական փոխհարաբերություն է, այլ նաև ոգու գիտակցություն, որը երբեք չի կարող խաբսիված լինել միայն տնտեսական, ֆինանսական, քաղաքական կամ այլ հիմքերի վրա, եթե չլինի հոգևոր հիմքը:

Ուստի, հենց այդ նկատառումով էլ ուշում եմ իմ խորին շնորհակալությունը հայտնել ձեզ բոլորիդ՝ այսօր այստեղ գալու համար, ինչպես նաև իմ սիրեցյալ եղբայր Թեոդոսիոսին, ում ես ճանաչում եմ շատ վաղուց: Այս անգամ ես եկել եմ Հայաստանից ոչ թե հերթական հովվապետական այցելություն տալու, այլ նախագահելու Ամերիկայի այս օրհնյալ երկրում հայկական թեմի հիմնադրման առաջին 100-ամյակի տոնակատարությունը: Ուստի, այժմ մեզ համար գոհարանական մաղթանքի ժամանակն է՝ ՄԱՆ-ի բոլոր պետական-վարչական օղակներին, որոնք այստեղ գաղթած մեր հայորդիների համար կարելիություններ ստեղծեցին, և Աստծո զորությամբ մեր մարդիկ կարողացան ուղքի կանգնել, ալ ոչ թե մնալ փախստականների ազգ:

Մենք ոչ թե սոսկ վերապրողների ազգ ենք, այլ՝ մի ազգ, որը ստեղծագործաբար մասնակցում և անդադար իր լուման է ներդնում մարդկության ընտանիքի պարգացման գործին և աշխուժացնում այդ ընտանիքը, լինի դա Ամերիկայում թե Եվրոպայում, Միջին կամ Հեռավոր Արևելքում թե Կովկասում: Ուշում եմ ասել, եկեք այսօր տոնենք ոչ թե մեր Եկեղեցու հիմնադրման 100-ամյակը, այլ՝ մեր բոլորի հավատար-

մությունն այն ավանդույթին, որ մենք ժառանգել ենք և պիտի պահպանենք ու շարունակենք մեր ստեղծագործական վկայությամբ, և ոչ միայն անցյալի հիշողություններով ու հուշերով, կամ էլ սփռված լին մեր անցյալով:

Այժմ այնպիսի ժամանակներ են, երբ մենք դիմագրավում ենք նոր մարտահրավերներ: Մարդիկ խոսում են գլոբալիզմի մասին, որն աստվածաբանության, փիլիսոփայության և սոցիոլոգիայի բնագավառում ընդունված է: Ես, սակայն, կարծում եմ, որ մենք յուրահատուկ, բացառիկ ազգ ենք, որտեղ էլ որ լինենք: Սակայն գլոբալիզմն այն երևույթն է, երբ մենք առանց ժխտելու մեր յուրահատկությունը, բացառիկությունը և կրելով Քրիստոսի դրոշմը որպես քրիստոնյա ազգ Հայաստանում կամ էլ աշխարհի որևէ այլ մասում, կարողանանք հարմարվել մարդկության ազգերի ընտանիքին:

Թող Աստված օրհնի ձեզ բոլորիդ. ամենք:

Ապա Գարեգին Ա Վեհափառ Հայրապետը, ի գնահատություն Ամերիկայի Ուղղափառ Եկեղեցու գործունեության և ուղղափառ Հավատքի քարոզչական առաքելության, Ամենապատիվ Թեոգոսիոս արքեպիսկոպոսին Հանձնեց Սուրբ Մարիամ Աստվածամոր պատկերի կրկնօրինակը, որ քանդակված է 10-րդ դարում կառուցված Աղթամար կղզու Սուրբ Խաչ եկեղեցու վրա:

Հայտագիրն ավարտվեց Նյու Յորքի Կաթոլիկ Եկեղեցու առաջնորդ կարդինալ Ջոն Օ'Քանեբրիի խոսքով: Կարդինալը նշեց, որ Ամերիկան կարիք ունի լսելու Հավատքի այն վկայության ու Հավատարմության մասին, որոնք դրսևորել են աշխարհի այս Հին ժողովուրդները՝ Քրիստոսի ու Նրա Եկեղեցու Հանդեպ, ինչպես նաև պատրաստակամություն Հայտնեց նեցուկ կանգնել երկու Հնադարյան Եկեղեցիների առաքելական գործունեության շարունակական ընթացքին:

ԱՅՅԵԼՈՒԹՅՈՒՆ ՋՈՆ Ֆ. ՔԵՆԵԴԻԻ ԱՆՎԱՆ ԳՐԱԴԱՐԱՆ, ՀԱՆԴԻՊՈՒՄ ՍԵՆԱՏՈՐ ԷԴՈՒԱՐԴ Մ. ՔԵՆԵԴՈՒ ՀԵՏ

Մայիսի 15-ի ուրբաթ օրը, երեկոյան, Գարեգին Ա Ամենայն Հայոց Կաթողիկոսը, Բոստոն կատարած այցելության ժամանակ, Հյուրընկալվեց սենատոր Էդուարդ Մ. Քենեդու կողմից, Ջոն Ֆ. Քենեդու անվան պերճաշուք գրադարանում, որ գտնվում է Հարավային Բոստոնում:

Կեսօրին իր շքախմբով ժամանելով Բոստոն, Նորին Սրբությունը դիմավորվեց տեղական իշխանությունների ներկայացուցիչների, Հոգևորականաց դասի և մեծաթիվ Հավատացյալների կողմից:

Ապա Նորին Սրբությունն առաջնորդվեց Ջոն Ֆ. Քենեդու անունը կրող գրադարան: Մուտքի մոտ Հայոց Եկեղեցու Հոգևոր պետին և



ՀԱՆՐԱՊԵՏԱՆԻ ԷԴԻՍՈՒՄՈՂ ՔԵՆԵԴԻԻ ԴԵՏ.
ԳՈՒԼԱՄԱՆԻԿՈՍԻ ՓՈԽԱՄԱՆԱԿԱՄԱՆ ՊԱՏԻՆ

նրան ուղեկցողներին դիմավորեց սենատոր Հոուարդ Մ. Քենեդին, կինը, բարձրաստիճան պաշտոնյաներ, գրադարանի աշխատակիցներ:

Ողջագուրանքից հետո, սենատորը լուսանկարվեց բարձրաստիճան հյուրի հետ, ապա փոխանակվեցին բարեողջույնի խոսքեր:

Իր խոսքում Նորին Սրբությունն այսպես մեկնեց Միացյալ Նահանգներ իր հերթական այցելության նպատակը. «Ես Միացյալ Նահանգներ եմ եկել՝ գոհություն հայտնելու Աստծուն՝ հայ ժողովրդի 100-ամյա հավատարիմ վկայության ու ծառայության համար: Եկել եմ այս մեծ երկիր, որ շնորհակալություն հայտնեմ իմ բոլոր հայ քույրերին ու եղբայրներին՝ ամենաբարձր քաղաքական իշխանության ներկայացուցիչ մինչև ամենապարզ ու հասարակ մարդը»:

Ապա Հայոց Հայրապետը շրջվեց դեպի սենատորը և խնդրեց տալ Ամերիկայում ապրող մեկ ոճրագործ Հայի անուն՝ ընդգծելով այն փաստը, որ Հայերը միշտ եղել են և են օրինապահ քաղաքացիներն այս երկրի:

Նորին Սրբության խոսքից հետո երկուստեք փոխանակվեցին հուշանվերներ: Հանուն գրադարանի, սենատոր Քենեդին Հայոց Հայրապետին նվիրեց իր Հանգուցյալ եղբոր՝ Զոն Ֆ. Քենեդու պղնձյա կիսանդրին և, ի պատասխան, Նորին Սրբությունից ստացավ երկու հուշանվեր՝ մի խաչքար և մի ափսե, որի վրա պատկերված էր Սուրբ Էջմիածնի Մայր Տաճարը:

ՊԱԵՏՈՆԱԿԱՆ ՃԱԵ՝ Ի ՊԱՏԻՎ

ՀԱՅՈՑ ՀԱՅՐԱՊԵՏԻ

Ի պատիվ Նորին Սուրբ Օծության, սենատորը եղբոր անունը կրող գրադարանում կազմակերպել էր ճոխ ճաշկերույթ, որին մասնակցելու պատվին էին արժանացել նաև Նյու Ինգլանդի 300 նշանավոր Հայ ազգայիններ:

Ասենք, որ Ամենայն Հայոց Հայրապետը գրադարանի երկրորդ Հայ ակնառու պատվավոր հյուրն էր: Երկու տարի առաջ գրադարանը դարձյալ կազմակերպել էր «Ակնառու օտարերկրյա այցելուների ճաշ»՝ ի պատիվ Հայաստանի Հանրապետության առաջին նախագահ Լևոն Տեր-Պետրոսյանի: Նմանատիպ ճաշկերույթների կազմակերպումն այս ՀանրաՀայտ Հաստատության գեղեցիկ ծրագրերից մեկն է, որի ընթացքում ըստ արժանվույն են հյուրընկալվել աշխարհի այնպիսի նշանավոր դեմքեր և բարձրաստիճան պաշտոնյաներ, ինչպիսիք են Ֆիլիպինների Հանրապետության նախագահ Կորադու Ակվինոն, Պակիստանի վարչապետ Բենազիր Բհուտտոն, Վրաստանի Հանրապետության նախագահ Էդուարդ Շևարդնաձեն, Չեխոսլովակիայի Հանրապետության նախագահ Վաչլավ Հավելը, Հուն

Ուղղափառ Եկեղեցու Տիեզերական Պատրիարք Նորին Սրբություն Բարդուղիմեոս Առաջինը և շատ ու շատ ուրիշներ:

Ճաշկերույթի ընթացքում, որը Հաջորդեց մեկժամյա կոկտեյլին, Զոն Ֆ. Քենեդու անվան գրադարանի տնօրեն տիար Բրադլի Ա. Ջերրաթը ջերմ ողջույնի խոսքեր հղեց Նորին Սուրբ Օծությանը և ուրախություն հայտնեց այն առիթով, որ, չնայած առողջական վիճակի հետ առնչվող բարդություններին, Գարեգին Ա Կաթողիկոսը գրադարան էր այցելել բարձր տրամադրությամբ, ինչը վկայում է Հայ Եկեղեցու հովվապետի առողջական բարվոք վիճակի մասին:

Երիտասարդ Հայուհի Աննա Միքայելյանի դաշնամուրային գեղեցիկ կատարմանը Հաջորդեց գրադարանի փոխտնօրեն Դոննա Ամերլասի բարիգալստյան խոսքը:

Ըստ ընդունված կարգի, թեմակալ առաջնորդ Տ. Խաժակ արքեպս. Պարսամյանը, որ բոլոր այցերի ժամանակ ուղեկցում էր Նորին Սրբությանը, Հակիրճ կերպով ներկայացրեց Հայոց Հայրապետին և ապա առանձնակի հիշեցրեց, որ Հանգուցյալ նախագահ Զոն Ֆ. Քենեդին դեռևս 35 տարի առաջ կանխատեսում էր աշխարհի մի նոր կարգ, ուր բացակայում է բռնակալությունը: Իսկ Հայերի պարագային ոչ միայն վերացել է բռնակալությունը, այլև հիմնվել է ազատ ու անկախ Հայաստանի Հանրապետությունը, և Ամենայն Հայոց Հայրապետն էլ Միացյալ Նահանգներ է ժամանել նորանկախացյալ այդ երկրից:

Իր հերթին խոսելով Միացյալ Նահանգներում բնակվող Հյուրասեր ու բարեկամ ժողովուրդների մասին, Վեհափառ Հայրապետը բարձրորեն գնահատեց Հանգուցյալ նախագահ Զ. Ֆ. Քենեդու քաղաքական գործունեությունը, անդրադարձավ նաև ներկայումս գործող գրադարանի աշխատակազմին, առանձնակի շնորհակալություն հայտնեց սենատոր Քենեդուց և ապա ավելացրեց, որ ինքն այս Հյուրասիրությունը համարում է սիրո ճաշ կամ, քրիստոնյաների լեզվով ասած, ազապե: Հիշեցրեց, որ Հարյուր-հազարավոր Հայեր Միացյալ Նահանգներ են տեղափոխվել՝ մազապուրծ փախչելով բռնակալությունից ու տառապանքից, «որին հաջորդեց պայծառակերպությունը: Նրանք այստեղ գտան իրենց կյանքը բարելավելու համար ապաստություն և հույս»: Ամենայն Հայոց Հայրապետը նաև ասաց, որ այս երկրում Հայ Համայնքը ոչ միայն դարձել է հարուստ, այլև հզոր, որովհետև նախկինում երբեք այսքան շատ հաղորդություններ չեն գրանցվել՝ հոգուտ Հայ ժողովրդի, և ավելացրեց. «Սա, անշուշտ, պայծառակերպության հրաշքն է»:

Անդրադառնալով Առաջնորդական թեմի 100-ամյա հոբելյանի տոնակատարմանը, Գարեգին Ա Կաթողիկոսը նկատեց, որ այն լավագույն պահն է՝ հարգանքի տուրք մատուցելու համար մեր

նախնիններին և բոլոր նրանց, ովքեր իրականացրին Համայնքի՝ այս երկրում Հիմնավորվելն ու առաջընթացը և նաև անհրաժեշտ է մի ակնթարթ կանգ առնել՝ որոնելու մեր վերընձյուղումն ու վերհառնումը:

«Ապատությունն ու անկախությունը,– ավելացրեց Ամենայն Հայոց Հայրապետը,– իրենց հետ բերում են մեծ պատասխանատվություն, որից մենք չպետք է խուսափենք: Պատասխանատվությունից էլ ծագում են պարտավորությունները, որոնք նույնքան կարևոր են»: Նորին Սրբությունը նշեց նաև, որ Հայ ժողովուրդը, այս ամերը գալով, ավելի շատ բան է գտել, քան գոյատևելը: Նրանք ներգրավվել են «ազգի կերաման» գործընթացում: Նորին Սուրբ Օծությունն իր խոսքը եզրափակեց Միացյալ Նահանգներում բնակվող ժողովուրդներին ուղղված կոչով, որպեսզի նրանք շարունակեն իրենց օժանդակությունը բերել Հայ ժողովրդի ու Հայաստանի բարգավաճման գործին՝ ասելով. «Սղանց միասնության մենք փոքրանում ենք: Միասնությամբ փոքր ապգերը հպորանում են»:

Առավել մանրամասնելով իր երկրի սերը Հայոց Հինավուրց աշխարհի ու քաղաքի ժողովրդի հանդեպ, սենատորն ավելացրեց. «Եղբայրս չափապանց հպարտ կզգար իրեն, եթե ողջ լինեք, որովհետև իր անունը կրող գրադարան է այցելել այսօր և հարգանքի տուրք է մատուցում հայ ժողովրդի մեծագույն առաջնորդներից մեկը»: Շարունակելով ասելիքը, սենատոր Քենեդին, որ Կոնգրեսում Հայ ժողովրդի և Հայկական Հարցի Հիմնական Զատագովներից ու օժանդակողներից է, նշեց, որ Միացյալ Նահանգների Համար Հատուկ տեղ ու արժեք ունեն Հայերը և Հայաստանի Հանրապետությունը: Նա Հիշեցրեց, որ իր Հանգուցյալ եղբայրը՝ նախագահ Ջոն Ֆ. Քենեդին, բարեկամական Հատուկ զգացում էր տածում «քաջարի հայ ժողովրդի հանդեպ և օժանդակում էր նրանց՝ իրենց ապատության ու անկախության համար մղվող պայքարում հատկապես այն ժամանակ, երբ հայ ժողովրդի վրա ծանրացել էր խորհրդային Միության ծանր ճեղքը»:

Պաշտոնական Հյուրընկալությունն ավարտվեց երկուստեք փոխանակված նվերներով և Հայոց Հայրապետի «Պահպանիչ»-ով:

ՆՈՐԻՆ ՍՈՒՐԲ ՕԾՈՒԹՅՈՒՆԸ ՔԵՄԲՐԻԶԻ

Ս. ԵՐՐՈՐԴՂՈՒԹՅՈՒՆ ԵԿԵՂԵՑՈՒՄ ՀԱՆԴԻՊԵՅ

ԿԱԹՈՒԿ ԵԿԵՂԵՑՈՒ ԲՈՍՏՈՆԻ ԹԵՄԻ

ԱՌԱՋՆՈՐԴ ԿԱՐԴԻՆԱԼ ԲԵՐՆԱՐԴ ԼՈՌԻԻ ՀԵՏ

Մայիսի 16-ի շաբաթ օրն առանձնակի շուք էր ստացել Քեմբրիջի Սուրբ Երրորդություն եկեղեցին: Երեկոյան տաճար ժամանեց

Ամենայն Հայոց Հայրապետն իր շքախմբով, ուր դիմավորվեց Կաթոլիկ եկեղեցու Բոստոնի թեմի առաջնորդ կարդինալ Բերնարդ Լոուի կողմից: Նորին Սրբությունը դիմավորում էին նաև տեղական իշխանությունների ներկայացուցիչներ, երկու եկեղեցիների հոգևորականներ, մեծաթիվ Հավատացյալներ:

Սուրբ Երրորդություն Հայկական եկեղեցում Գարեգին Ա Մայրապետին Պատրիարքի և Ամենայն Հայոց Հայրապետի, ինչպես նաև Կաթոլիկ եկեղեցու կարդինալ Լոուի եղբայրական հանդիպումը Հայ եկեղեցու Ամերիկայի թեմի 100-ամյակի տոնակատարություն յուրահատուկ մասն էր կազմում:

Դուրս գալով երիցատնից, Նորին Սրբությունն ու կարդինալ Լոուն թափորով առաջնորդվեցին դեպի եկեղեցի՝ մասնակցելու երեկոյան ընդհանրական արարողությանը, որին ներկա էին քսանից ավելի այլ եկեղեցական հարանվանությունների ներկայացուցիչներ ու հոգևոր առաջնորդներ:

Երեկոյան ժամերգությունից հետո, ողջունելով Հայոց Հայրապետի օրհնաբեր այցը Միացյալ Նահանգներ, հատուկ ուղերձով դիմելով ներկաներին, Կաթոլիկ եկեղեցու կարդինալը նշեց քրիստոնեության պետական կրոն հռչակման 1700-ամյակի կարևորությունը Հայ ժողովրդի և ընդհանրապես համայն քրիստոնյա աշխարհի համար և առաջարկեց կազմակերպել հատուկ ուխտագնացություններ, որոնք Հնարավորություն կտան այլ եկեղեցիների հավատացյալների խմբերին ևս իրենց մասնակցությունը բերել տոնակատարության զանազան ծրագրերին:

Իր հերթին շնորհակալություն հայտնելով իրեն պատվելու, Հայոց եկեղեցում գտնվելու ուրախ առիթով և ապա անդրադառնալով կարդինալի առաջարկությանը, Նորին Սուրբ Օծությունն ասաց, որ ինքը Հայաստան այցելության բաց հրավեր է տալիս կարդինալ Լոուին՝ 1700-ամյակի տոնակատարություններին անձամբ մասնակցելու համար:



Հավարտ ընդհանրական աղոթքի, մեծաթիվ Հավատացյալներ հավաքվեցին Ա. Երրորդություն եկեղեցու Թալանյան սրահում՝ ներկա գտնվելու Նորին Սրբության հետ հանդիպմանը:

Ողջունելով բարձրաստիճան հյուրերին ուրախաբեր այցելության առիթով, Բենիլի քոյեջի նախկին տնօրեն դոկտոր Գրեգորի Աղամյանը նաև անդրադարձավ Ամերիկայում Հայոց եկեղեցու և Հայկական համայնքի առաջընթացին՝ սկսյալ Հիմնադրման օրվանից:

Գնահատելով մի շարք ազգային բարերարների հայապաշտան ու նվիրյալ գործունեությունը, Հայոց Հայրապետը նրանց հանձնեց

պարգևներ: Հատուկ պատվի արժանացան Նյու Ինգլանդի երեք ակնառու անդամներ: Դոկտոր Գրեգորի Ադամյանը և պարոն Զոն Պարոնյանը կրթության ու մշակույթի բնագավառում իրենց կատարած անմնացորդ ծառայության համար պարգևատրվեցին «Ս. Սահակ-Ս. Մեսրոպ» չքանչանով: «Ս. Գրեգոր Լուսավորիչ» չքանչան շնորհվեց դոկտոր Միքայել Բուլիզյանին՝ Հայ Եկեղեցուն կատարած օժանդակության համար:

Վերջում ներկաներն արժանացան Հայոց Հայրապետի աջահամբույրին:

Հանդիպումն ավարտվեց Նորին Սրբության «Պահպանիչ»-ով:

ԵՊԻՍԿՈՊՈՍՍԿԱՆ Ս. ՊԱՏԱՐԱԳ ՈՒՈՐՍԵՍԹԵՐ ՔԱՂԱՔԻ Ս. ՓՐԿԻՉ ԵԿԵՂԵՑՈՒՄ

Մայիսի 17-ի կիրակի օրը, առավոտյան, Նորին Սուրբ Օծությունն իր չքախմբով մեկնեց Ուորսեսթեր՝ մասնակցելու Միացյալ Նահանգներում կառուցված անդրանիկ Հայկական Սուրբ Փրկիչ եկեղեցում մատուցվելիք եպիսկոպոսական Սուրբ Պատարագին:

Օրվա պատարագիչն էր գերաշնորհ Տ. Խաժակ արքեպս. Պարսամյանը: Ս. Պատարագին ներկա էին քույր եկեղեցիների ներկայացուցիչներ, հոգևոր առաջնորդներ, մեծաթիվ Հավատացյալներ: Այդ կիրակի Նյու Ինգլանդի տարածքի ոչ մի եկեղեցում կիրականորյա Ս. Պատարագ չմատուցվեց առաջնորդ Սրբազանի հրահանգով, որպեսզի տվյալ ծխերի անդամները և հոգևոր հովիվները ևս կարողանան ներկա գտնվել Սուրբ Փրկիչ եկեղեցում մատուցվելիք Ս. Պատարագին:

Պատարագի դպրաց բաժինը երգում էր տեղի երգչախմբի անդամներից և Նյու Յորքից ժամանած երգիչներից կազմված միացյալ երգչախումբը, որը ղեկավարում էր Նյու Յորքի Ս. Վարդան եկեղեցու երգչախմբի ղեկավար Խորեն Մեյխանեջյանը:

Հրեթացս մատուցվող Ս. Պատարագի, «Հայր մեր»-ից առաջ Հավուր պատշաճի քարոզ խոսեց Նորին Սուրբ Օծությունը: Կրկին անգամ անդրադառնալով ամերիկահայության անցած ուղուն և հաստատմանը Հայրենիքից հեռու այդ երկրում, Ամենայն Հայոց Հայրապետն ի մասնավորի ասաց.

«Փառք և գոհություն Քեզ, Հայր Երկնավոր, որ շնորհ տվեցիր իմ տկար անձին և իմ հոգևոր եղբայրներին ու Հայաստանյան Եկեղեցու բոլոր պապականերին անխտիր՝ ապրելու աղոթքի այս պահը Քո ներկայության, Քո պորության և Քո սիրտ մեջ: Փառք և գոհություն Քեզ, Ամենակալ Սատված, որ շնորհեցիր Քո պապականերին 100 տարվա քրիստոնեական կյանքի վկայության և ծառայության մի շրջան Ամերիկայի այս օրհնյալ հողի վրա:

Շնորհակալություն, սիրելի եղբայրներ և քույրեր, որ այսօր հարստացրեցիք իմ կյանքը ձեր հոգևոր միասնությամբ այս Մայր եկեղեցու կամարների տակ:

Միևեկի եղբայրներ և քույրեր, այս այցելությունը սովորական հոսիվական այցելության նկարագիր և տարողություն չունի, այն հատուկ այցելություն է հատուկ նպատակով, և ես ուզում եմ, որ բոլորս էլ զգանք այս պահին, որ այսօրը պատմական օր է, որ ապրում ենք մեր կյանքում:

Ես կարծում եմ, որ դուք բոլորդ էլ նույն զգացողությունն ունեք: Այսօր մենք պատմական կարևորություն, նշանակություն ունեցող պահ ենք ապրում: Այսօր մենք դառնում ենք վկաները պատմակերտ մի իրադարձության, շրջում ենք մեր մեկդարյա կյանքի և վկայության էջը և երկրորդ հապարամյակի մայրամուտին Ամերիկայի օրհնյալ այս հողի վրա հայության ներկայության և վկայության երկրորդ հարյուրամյակի նոր էջն ենք բացում:

Այսօր ես կույզենայի ձեզ հետ կիսվել երեք կարևորագույն զգացումների շուրջ, որոնք, իմ կարծիքով, ԱՄՆ-ում մեր պատմության այս շրջադարձային պահին ինքներդ ձեզ հասկանալու համար ձեր էության անբաժանելի մասն են կազմում: Այդ զգացումներն են գոհությունը, շնորհակալությունը Աստծուն, ինքնագիտակցությունը, մեր այսօրվա գոյության վերաբերումը և ապագայի տեսիլքը:

Գոհաբանական մաղթանքն ամերիկյան բառապաշարի ամենագեղեցիկ բառերից մեկն է, որը ես երբեք չեմ դադարել կիրառել, ուր էլ որ եղել եմ այս աշխարհում: Մենք մեր ամբողջ կյանքի ընթացքում երախտապարտ ենք նրան, որ մեր կյանքի աղբյուրն է և ինչպիսի տեխնիկական և գիտական մեծ նվաճումներ էլ որ ունենանք, մեր գիտակցության մեջ երբեք չպիտի աղոտանա այն հանգամանքը, որ մենք մեր կյանքի համար պարտական ենք Աստծուն: Կյանքը Աստծու ճառագայթն է մեր մեջ: Աստված հողի մեջ կենդանի շունչ փչեց, և մարդը եղավ կենդանի հոգի: Մենք այս կյանքը ապրեցինք դարեր շարունակ գոհություն տալով Աստծուն, որ այս կյանքը մենք չունենք իբրև սեփականություն, այլ ունենք իբրև պարտականություն: Եվ այնքան ժամանակ, որքան մենք մեր կյանքն ապրենք՝ հավատարմորեն ծառայելով Աստծուն, այնքան ավելի ստեղծագործական և երջանկաբեր կդառնա այն: Ինչպես ջուրը երբ կտրվում է ակից, աղբյուրից, ցամաքում է, այնպես էլ մարդը երբ կտրվում է կյանքի աղբյուրից, ցամաքում է իբրև հոգևոր էակ:

Իմ խոսքի այս մասում ես ուզում եմ պարզապես հիշեցնել բոլորիդ, որ 19-րդ դարի վերջերին Մուշի, Տարոնի և Սասունի ջարդերից անմիջապես հետո, իսրիմյան Հայրիկը խորաթափանցությունն ունեցավ Ամերիկայում իր ժողովրդի հոգևոր բարօրության համար հիմնել այս թեմը: Մեր հայրերը եկան այստեղ իբրև փախստականներ, եկեք չմոռանանք, որ այստեղ եկան՝ փախչելով մահից, տանջանքից և ողբերգությունից: Նրանք այստեղ գտան նոր կյանք, և այդ կյանքի ամենամեծ արժանիքը ապատությունն էր, որի միջոցով նրանք կարող էին բացահայտել իրենց ինքնությունը որպես մարդկային էակներ՝ հալ

մարդու նկարագրով: Ուստի ես այս պահին խոնարհաբար ծնկի եմ իջնում ձեզ՝ հետ միասին Աստծու առջև և խոնարհվում իմ բոլոր նախորդների հավերժ հիշատակին՝ սկսած խրիստիան Հայրիկից, որը հիմնեց այս թեմը, մինչև իմ անմիջական նախորդ՝ Վաչգեն Ա երջանկահիշատակ Կաթողիկոսը: Նրանք հայրական հոգածություն դրսևորեցին Ամերիկայի հայկական համայնքի հանդեպ:

Ես հարգանքի տուրք եմ մատուցում նաև բոլոր թեմակալ առաջնորդներին, հոգևորականներին, արքեպիսկոպոսներին, եպիսկոպոսներին, վարդապետներին, քահանաներին, սարկավագներին, աշխարհական ծառայողներին, բարերարներին և բոլոր այն անձանց, ովքեր պատասխանատվություն ստանձնեցին վառ պահել Եկեղեցու լույսը, որոնք քաջություն ունեցան իրենց վրա վերցնել հասարակական պատասխանատվություն, թեմական խորհուրդներին և թեմական ժողովներին և մեր Եկեղեցու մյուս բոլոր կազմակերպություններին, որոնք այսօր ձեզ հետ չեն: Թող Աստված ընդունի նրանց հոգիները երկնային երանության և հավերժական խաղաղության մեջ: Գոհություն, շնորհակալություն, որ Աստված տվեց մեր ժողովրդին բոլոր հնարավորությունները՝ դուրս գալու փախստականի վիճակից և դառնալու լիարժեք, արժանապատվության պգացում ունեցող, պատվաբեր քաղաքացիները այս մեծ երկրի՝ Ամերիկայի Միացյալ Նահանգների:

Այս երկրում հայերի հետ կերպարանափոխություն տեղի ունեցավ: Թշվառ, անմիաթար վիճակից նրանց կյանքը վերափոխվեց ստեղծագործ կյանքի: Երբ ես կարդում եմ Ամերիկայում մեր հայ ժողովրդի կյանքի 100-ամյա պատմությունը, հանդիպում եմ շատ հուշիչ պատմությունների այն մասին, թե ինչպես մարդիկ աշխատում էին ֆաբրիկաներում և գործարաններում՝ փայփայելով հիշողություններն ու հույսերը իրենց երկրի մասին, հուսալով, որ օրերից մի օր իրենց երկիրն ի վիճակի կլինի ողջունել իրենց վերադարձը Հայրենիք: Նրանց մեջ կային մարդիկ, որ շաբաթավարձ էին ստանում: Եվ ինչպիսի կերպարանափոխություն տեղի ունեցավ: Այսօր մենք դարձել ենք աշխույժ մի համայնք, որտեղ ապրում և գործում են մտավորականներ, արվեստագետներ, արդյունաբերողներ, շինարարներ:

Շնորհակալություն Աստծուն, որ այս երկիրը տվեց ձեզ բոլոր հնարավորությունները՝ մեր կյանքն արժանի դարձնելու այն նպատակին, ինչի համար որ Աստված ձեզ կյանք է շնորհել՝ երջանկության համար: Եվ այն բառը, որ ամերիկյան բառարանից ես սովորել եմ և որը երբեք չեմ մոռանա, դա երջանկությանը հետամուտ լինելն է. թիրախը, նպատակակետը, որ նշանակում է կյանքի ըմբռնման մտածելաոճ ծնող ուղղություն, և այն կարող է բերել ինքնագնահատման, թե ովքեր ենք մենք այսօր:

Մեր երկիրը հարյուր տարի առաջ վշտի ու մահվան դաշտ էր, մենք առնում էինք քարդերի, կոտորածների, հալածանքների լուրը:

Այսօր արևը ծագել է մեր Մայր Հայրենիք Հայաստանի վրա: Ես ձեզ մոտ եմ եկել այնպիսի երկրից, որն այլևս չի ողբում, այլ նայում է առաջ, դեպի ապագան՝ դառնալու ՄԱԿ-ի և ազգերի համաշխարհային ընտանիքի արժանապատիվ լիարժեք անդամ:

Շնորհակալություն քեզ, Աստված, որ մենք այն չենք, ինչ որ էինք հարյուր տարի առաջ: Ինչպես ենք այժմ դիմագրավելու նոր մարտահրավերներին: Կյանքը միայն պարզև չէ, այլ նաև հուշում, որ մենք պիտի վերադառնանք Աստծուն: Եվ այսօր, երբ մարդկանց կյանքում տեղ է գտել նոր շարժում դեպի ծայրահեղ աշխարհայնացում, հոգևոր արժեքները պետք է վերստին կյանքի կոչվեն: Մենք այդ արժեքներով ենք ապրել և ապրելու ու հարատևելու ենք Աստծու օգնությամբ, մեր հավատով, սիրով միմյանց հանդեպ, Մայր Հայրենիքի ու Հայոց եկեղեցու հանդեպ այժմ և միշտ և հավիտյանս հավիտենից. ամեն»:

Հավարտ Սուրբ Պատարագի, կատարվեց Հոգեհանգստյան կարգ ըստ նրանց Հոգիների Հանգստության ու խաղաղության Համար, ովքեր եղան Հայոց նոր բնօրրանի և Հայկական անդրանիկ եկեղեցու Հիմնադիրները ամերիկյան Հողում:

ՊԱՇՏՈՆԱԿԱՆ ՃԱՇ՝ Ի ՊԱՏԻՎ ՆՈՐԻՆ ՍՈՒՐԲ ՕԾՈՒԹՅԱՆ

Հավարտ Սուրբ և անմահ Պատարագի, ի պատիվ Նորին Սրբության և բարձրաստիճան Հյուրերի, տրվեց 100-ամյակին նվիրված պաշտոնական ճաշ, որին ներկա էին տեղական իշխանությունների ներկայացուցիչներ, բարձրաստիճան Հոգևորականներ, մեծաթիվ ազգայիններ:

Պաշտոնական ճաշի ընթացքում բարեողջույնի և սրտի խոսքեր ասացին Մասսաչուսեցի նահանգի նահանգապետ տիար Արջեո Փոլ Սելուսսին, տեղական իշխանությունների ներկայացուցիչներ, Պալատի անդամ Ջեյմս Փ. Գովերներ, Ուորսեսթերի քաղաքապետ տիար Ռեյմոնդ Վ. Մարիանոն և ուրիշներ:

Թեմակալ առաջնորդ Սրբազան Հոր խոսքից հետո, բոլոր ներկաներին իր Հայրապետական պատգամը հղեց Ամենայն Հայոց Հայրապետը:

ԳԱՐԵԳԻՆ Ա ՄՄԵՆԱՅՆ ՀԱՅՈՅ ԿԱԹՈՂԻԿՈՍԻ ՇՆՈՐՀԱԿԱԼԱԿԱՆ ՆԱՄԱԿԸ ՅՐԱՆՍԻԱՅԻ ԱՉԳԱՅԻՆ ԺՈՂՈՎԻ ՆԱԽԱԳԱՀԻՆ՝ ՆՅՈՒ ՅՈՐՔԻՅ

Համաձայն Յրանսիայի Ազգային Ժողովի մի շարք երեսփոխանների բնորոշման, 1998 թ. մայիսի 29-ը ոչ միայն Փրանսահայության, այլև ողջ Հայության Համար մեծ կարևորություն ունեցավ:

«Հայկական ցեղասպանությունը ճանաչելու մասին» օրենքի

նախագիծը քննարկելու նպատակով, մայիսի 29-ի ուրբաթ օրը, առավոտյան ժամը 8.00-ին, տարբեր քաղաքական ուժերի պատկանող 31 երեսփոխաններ էին հավաքվել: Քննարկումը բաղկացած էր երեք տարբեր փուլերից: Նախ Անտոնի քաղաքապետ պատգամավոր Պատրիկ Տեեհյանը և մյուս ելույթ ունեցողները ներկայացրեցին օրենքի նախագիծը: Այնուհետև քննարկվեցին ներկայացված առաջարկները: Տարաձայնությունները վերաբերվում էին հայկական ցեղասպանությունը գործած երկրի և ժողովրդի անունը նշելու կամ չնշելու հարցին:

Առաջարկված նախագիծը պաշտպանեցին սոցիալիստ պատգամավոր, Ֆրանսիա-Հայաստան խորհրդարանական խմբի նախագահ Ժան Փոլ Պրետը, կոմունիստ Գի Հերմին: Աջ պատգամավոր Ռուանդ Փոլիումն ափսոսանք հայտնեց, որ բանաձևն ամբողջական չէ և չի հիշատակվում Թուրքիայի անունը: Հերմինն առաջարկեց նաև, որ Ֆրանսիան ազգային սգո օր հայտարարի Ապրիլ 24-ը:

Ելույթ ունեցողները հանգամանալից կերպով ներկայացրեցին Հայ ժողովրդի կրած տառապանքներն առաջին աշխարհամարտի տարիներին: Միաժամանակ հիշեցնում էին, որ այս օրինագծի ընդունումը նպատակ չունի սրելու Ֆրանսիա-Թուրքիա կամ Հայաստան-Թուրքիա հարաբերությունները, ընդհակառակը, ավելի շուտ ձգտում է հստակեցնել տվյալ երկրների միջև առկա խաղաղության, բարեկամության և համագործակցության գործընթացը:

Կառավարության ներկայացուցիչները խոստացան, որ Ազգային ժողովի այդ հանձնախմբի ընդունած որոշումները կներկայացվեն նաև Ֆրանսիայի Սենատ, քանի որ, համաձայն Ֆրանսիական օրենքի, որևէ որոշում մինչև չվավերացվի Սենատի կողմից, օրենքի ուժ չի կարող ստանալ:

Իր կարծիքները լրագրողների հետ կիսելիս, Ջոն Քլոդ Քեբաբչյանն ասաց հետևյալը. «Սյու ճանաչումը շատ, նույնիսկ չափապանց ուշացումով իրականացավ և առավել խեղաթյուրումով, քանի որ ցեղասպանությունը ո՞վ, ո՞ւր, ինչպե՞ս է գործել, նշված չէ: Ֆրանսիան սպասեց ճշմարիտ թուրք մտավորականներին, որպեսզի ինքը վերջապես ճանաչի Հայկական ցեղասպանությունը»:

**

Ն.Ս.Օ.Տ.Տ. Գարեգին Ա Ամենայն Հայոց Կաթողիկոսը, Ֆրանսիայի Ազգային ժողովի կողմից Հայոց ցեղասպանության ճանաչման առիթով, մայիսի 30-ին Նյու Յորքից շնորհակալական նամակ հղեց Ֆրանսիայի Ազգային ժողովի նախագահ Լաուրենտ Ֆաբիուսին՝ արտահայտելով իր գոհունակությունն ընդունված բանաձևի համար:

Նորին Սուրբ Օծությունը նաև նշում է, որ, այս պատմական ճշմարտությունը ճանաչելով, Ֆրանսիական Պապամենտն իր նպատակն է բերում պատմական արդարության վերահաստատմանը:

Շնորհակալական նամակում ասվում է.

«ՆՈՐԻՆ ԳԵՐԱԶԱՆՑՈՒԹՅՈՒՆ ՊԱՐՈՆ ԼԱՌԻԵՏ ՖԱԲԻՈՒՄ՝
ՖՐԱՆՍԻԱԹԻ ԱԶԳԱԹԻՆ ԺՈՂՈՎԻ ՆԱԽԱԳԱՀ

ՓԱՐԻԶ, ՖՐԱՆՍԻԱ

Մեծ հրճվանքով և խոր գոհունակությամբ իմացանք, որ Ֆրանսիական Հանրապետության Ազգային Ժողովը, 1998-ի մայիսի 29-ին, Ձեր նախագահությամբ կայացած նիստին, պաշտոնապես ճանաչեց 1915-ին կատարված հայերի ցեղասպանությունը:

Հայ եկեղեցու Հոգևոր Պետի հանգամանքով, հանուն թեմական արքեպիսկոպոսների և համայն հայ հավատացյալների ի Հայաստան, ի Լեռնային Ղարաբաղ և ի սփյուռս աշխարհի, Ձեզ ենք ներկայացնում Մեր խոր երախտագիտությունը և բարձր գնահատանքը Ազգային Ժողովի պատմական որոշման համար, որն արտահայտում է ճշմարտությունը վկայելու իմաստությունն ու քաջությունը՝ հոգևոր արդարության դատի:

Ազգային Ժողովի որոշումն ուրախացրեց ոչ միայն հայկական ծագում ունեցող Ձեր քաղաքացիներին, այլև ամբողջ հայ ժողովրդին, որը երախտապարտ է Ազգային Ժողովի արդար և արժանի որոշման համար:

Խնդրում ենք ներկայացնել Մեր ջերմագին շնորհակալությունները Ազգային Ժողովի անդամներին և Մեր աղոթքներն ու օրհնությունները՝ Ձեր կատարած աչնիվ գործի համար, ի բարգավաճումն ու հառաջադիմություն Ֆրանսիայի, որ միշտ մոտ է եղել մեր՝ հայերիս քրիստոնեական հավատքով և եվրոպական ոգով թաթախված հոգուն:

Հաճեցեք ընդունել, Պր. Նախագահ, Մեր աղոթքներն ու բարձր գնահատությունը, Մեր լավագույն մաղթանքները՝ Ազգային Ժողովին և Ֆրանսիացի ժողովրդին:

ԳԱՐԵԳԻՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

30 մայիսի, 1998 թ. »:

ՀԱՆԴԻՊՈՒՄ ՀՈՒՅՆ ՈՒՂՂԱՓԱՌ
ԵԿԵՂԵՑՈՒ ԱՄԵՐԻԿԱՅԻ ԱՌԱՋՆՈՐԴ
ՍՊԻՐԻԴՈՆ ԱՐՔԵՊԻՍԿՈՍԻ ՀԵՏ

Հունիսի 16-ի երեքշաբթի օրը, իր չքախմբով, Նյու-Թորքի Սուրբ Վարդան Մայր եկեղեցի ժամանեց Հույն Ուղղափառ եկեղեցու Միացյալ Նահանգների թեմի առաջնորդ Սպիրիդոն արքեպիսկոպոսը՝



הרב הראשי לארץ ישראל, הרב יצחק אייזיק ווייס, יושב ימינו, יחד עם
הרב הראשי ליהודה, הרב שלמה גורן, במועד פומבי.

ողջունելու և եղբայրական սիրո խոսքեր փոխանցելու Ամենայն Հայոց Գարեգին Ա Կաթողիկոսին:

Սպիրիդոն արքեպիսկոպոսը, որ քաղաքից բացակայելու պատճառով չէր կարողացել Նորին Սրբությանը դիմավորել օդանավակայանում, օգտվելով Հայոց Հայրապետի Նյու Յորքում երկարատև ներկայությունից, պաշտոնական հանդիպում ունեցավ նրա հետ՝ արտահայտելով և փոխանցելով նաև Հուլյն Ուղղափառ Եկեղեցու հավատացյալ համայնքի հարգանքն ու սերը:

Բարձրաստիճան հյուրերին դիմավորեցին տաճարի մուտքի մոտ և ապա «Հրաշափառ»-ով թե՛ Ամենայն Հայոց Հայրապետին և թե՛ Սպիրիդոն արքեպիսկոպոսին, իրենց չքախմբերով, առաջնորդեցին դեպի Սուրբ Սեդան, ուր տեղի ունեցավ միացյալ գոհաբանական աղոթք: Այնուհետև երկուստեք փոխանակվեցին բարեողջույնի խոսքեր: Պաշտոնական արարողությունից հետո ծավալվեց մտերմիկ զրույց, որի ընթացքում Հուլյն Համայնքի հոգևոր առաջնորդը Նորին Սրբությանը փոխանցեց նաև Հուլյն Ուղղափառ Եկեղեցու պետի՝ Նորին Սրբություն Բարդուղիմեոս Ա Տիեզերական Պատրիարքի ողջույնի խոսքն ու բարեմաղթանքները:

Զրույցի ընթացքում շոշափվեցին Եկեղեցիների համեղբայրությանը, երկու քույր Եկեղեցիների բարեկամական հարաբերությունների խորացմանն ու բարգավաճմանը, ինչպես նաև Միացյալ Նահանգներում երկու ժողովուրդների կեցությանն ու առաջընթացին առնչվող հարցեր:

Հանդիպման վերջում փոխանակվեցին հուշանվերներ:

ՀԱՅՈՑ ՀԱՅՐԱՊԵՏԻ ՀԱՆԴԻՊՈՒՄԸ ՄԱԿ-Ի ԳԼԽԱՎՈՐ ԺԱՐՏՈՒՂԱՐԻ ՀԵՏ

Հունիսի 22-ի երկուշաբթի օրը, առավոտյան, Նյու Յորքի ՄԱԿ-ի կենտրոնում Ամենայն Հայոց Գարեգին Ա Կաթողիկոսը հանդիպեց Միացյալ Ազգերի գլխավոր քարտուղար Քոֆի Անանի հետ:

Նորին Սրբությանն ընկերակցում էին ՄԱԿ-ում Հայաստանի Հանրապետության մշտական ներկայացուցիչ դոկտոր Մովսես Աբելյանը և Ամերիկայի Հայոց Արևելյան թեմի առաջնորդ գերաշնորհ Տ. Խաժակ արքեպս. Պարսամյանը:

Գրասենյակի մուտքի մոտ Նորին Սրբությանը դիմավորեց Քոֆի Անանը և շնորհակալության իր խոսքը հայտնեց Հայոց Հայրապետին՝ բարեկամական այս այցելության ուրախ առիթով:

Իր հերթին Հայոց Հայրապետը շնորհավորեց հյուրընկալին՝ ՄԱԿ-ի գլխավոր քարտուղար ընտրվելու առիթով, միաժամանակ նշեց, որ տիար Անանը չորրորդ գլխավոր քարտուղարն է, ում ինքը հանդիպում է իր ծառայության ընթացքում:

Նորին Սրբությունը տեղեկացրեց, որ Միացյալ Նահանգներում է գտնվում՝ նախագահելու Համար Հայոց Առաջնորդական թեմի Հաստատման 100-ամյակի տոնակատարությունները, և անդրադարձ կատարեց անցած 100 տարիների ընթացքում Ամերիկայում Հայ եկեղեցու արձանագրած Հաջողություններին: Գարեգին Ա Կաթողիկոսը գլխավոր քարտուղարին հակիրճ ներկայացրեց նաև Նյու Յորքում և Մասսաչուսեթսում անցկացված 100-ամյակի տոնակատարությունները, ապա ավելացրեց, որ ինքը, առողջական վիճակի պատճառով, ստիպված եղավ հրաժարվել Վաշինգտոն, Կալիֆոռնիա և Կանադա այցելելուց: Ակնարկելով ՄԱԿ-ում աղառ ու անկախ Հայաստանի Հանրապետության մշտական ներկայացուցչի Հետ գլխավոր քարտուղարին այցելելը, Հայոց Հայրապետը շեշտեց. «Այսպիսի այցելություն մը անկարելի պիտի ըլլար տասը տարի առաջ»:

«Իր պատմության ընթացքին բազմաթիվ տերություններու իշխանությանց և դժվարին ժամանակներու ենթարկվելէ ետք՝ այսօրվան անկախ Հայաստանի Հանրապետությունը մեծ կարելիություններ ներկայացնող երկիր մըն է: Սակայն անկախության այս առաջին շրջանին Հայաստանը կարիքն ունի այլ ազգերու, մանավանդ Միացյալ Ազգերու կազմակերպության օժանդակության», - շարունակելով իր խոսքը, ասաց Նորին Սուրբ Օծուխյունը:

Խոսակցության ընթացքում Գարեգին Ա Կաթողիկոսն իր ուրախությունը Հայտնեց տիար Անանի այս տարվա սկզբին Իրաք կատարած դիվանագիտական առաքելության Համար, որի շնորհիվ Հնարավոր եղավ մեղմել քաղաքական լարվածությունը Պարսից Մոցում: Վեհափառ Հայրապետն անդրադարձավ նաև գլխավոր քարտուղարի այն խոսքերին, որոնք առնչվում են պատերազմներին, ցեղասպանության և մարդկության հանդեպ գործված ոճիրներին, ինչպես նաև Հոռմում Միջազգային Դատարան հիմնելուն:

Այս կոնտեքստում Նորին Սուրբ Օծուխյունը շեշտեց ցեղասպանության հարցին առնչվող խնդրի կարևորությունը, որին ի պատասխան, տիար Քոֆի Անանն ասաց. «Ես Ձեզ հետ կիսում եմ ցեղասպանության մտահոգությունը»: Ապա ավելացրեց, որ Միջազգային Դատարանի միջոցով պարբերաբար կանդրադառնան նման հարցերին, որոնք և կուսումնասիրվեն ու ճիշտ լուծում կստանան:

Երբ գրույցի թեմա դարձավ Լեռնային Ղարաբաղի հակամարտությունը, Վեհափառ Հայրապետն ասաց, որ այն կրոնական բնույթ չի կրում, այլ առնչվում է մարդու իրավունքներին: Տիար Անանն ասաց, որ ինքն ուշադիր հետևում է այդ հիմնահարցին:

Մեկ անգամ ևս շնորհակալություն Հայտնելով Հայոց Հայրապետին այցելության համար, Ընդհանուր քարտուղարն ասաց. «Մենք նույն գործի մեջ ենք. թե՛ դուք՝ հոգևոր ղեկավարներդ, և թե՛ մենք՝ ՄԱԿ-



רפ"ד יעקב מנחם ורודניקוביץ' עם נשיא מדינת ישראל

ի պատասխանատունը: Երկուստեք աշխատում ենք օժանդակել աշխարհի ժողովուրդների խաղաղության և արդարության պահպանմանը»: Քոֆի Անանը նաև ասաց, որ ինքն այս առումով մշտապես փափագում է Հանդիպումներ ունենալ Հոգևոր առաջնորդների հետ և, ի մասնավորի, երախտապարտ է Ամենայն Հայոց Հայրապետին՝ այս Հանդիպման համար:

Հանդիպման վերջում փոխանակվեցին հուշանվերներ: Ամենայն Հայոց Հայրապետը Քոֆի Անանին նվիրեց փայտի վրա փորագրված մի խաչքար և «Էջմիածնի գանձերը» գիրքը:

ՄԱԿ-ի ընդհանուր քարտուղարը Հայոց Հայրապետին մաղթեց շուտափույթ ապաքինում և բարի վերադարձ ի Մայր Հայրենիք, ի Մայր Աթոռ Սուրբ Էջմիածին:

**ՎԵՐԱԴԱՐՁ Ի ՀԱՅԱՍՏԱՆ,
Ի ՄԱՅՐ ԱԹՌՈՒ**

«ԶՎԱՐԹՆՈՅ» ՕԴԱՆԱՎԱԿԱՅԱՆՈՒՄ

Օգոստոսի 22-ի վաղ առավոտյան «Զվարթնոց» օդանավակայանում վայրէջք կատարեց Լոնդոն-Երևան հատուկ չվերթի ինքնաթիռը՝ չորսամսյա բացակայությունից հետո Մայր Հայրենիք բերելով Ամենայն Հայոց Գարեգին Ա Վեհափառ Հայրապետին:

Նորին Սրբությանն ուղեկցում էին ԱՄՆ-ի Արևելյան և Արևմտյան թեմերի առաջնորդներ Տ. Խաթակ արքեպս. Պարսամյանը և Տ. Վաչե արքեպս. Հովսեփյանը, Արևմտյան Եվրոպայի Հայրապետական պատվիրակ և Փարիզի առաջնորդ Տ. Գյուտ արքեպս. Նազաշյանը:

Օդանավակայանում Վեհափառ Հայրապետին դիմավորելու էին եկել Հայաստանի Հանրապետության Սահմանադրական Դատարանի նախագահ Գագիկ Հարությունյանը, «Հայաստան» համահայկական հիմնադրամի գործադիր մարմնի տնօրեն Բաֆֆի Հովհաննիսյանը, ՀՀ Կրոնի գործերի պետական կոմիտեի նախագահ Լազար Սուլյանը, ՀՀ Կրթության և գիտության նախարար Լևոն Մկրտչյանը, Մշակույթի, սպորտի և երիտասարդության հարցերի նախարար Ռուսնդ Շառոյանը, Արմավիրի մարզպետ Ալբերտ Հերոյանը, Մայր Աթոռ Սբ. Էջմիածնի Հոգևոր դասը՝ դիվանապետ Տ. Ներսես արքեպս. Պողպատյանի գլխավորությամբ, թեմակալ առաջնորդներ, Գերագույն Հոգևոր Խորհրդի անդամներ, քույր Եկեղեցիների ներկայացուցիչներ, մեծաթիվ հավատացյալներ:

Օդանավակայանի բարձրաստիճան հյուրերի սպասասրահում, կարճատև հանգստի ժամանակ, Նորին Սուրբ Օծության հետ տեղի

ունեցավ ճեպաղբուլոյց՝ հընթացս որի Ամենայն Հայոց Հայրապետն ի մասնավորի ասաց։

«Անհունորեն երախտագետ եմ Աստծուն և փառք ու գոհություն եմ տալիս Բարձրալիին, որ ինձ շնորհեց վերադառնալ ի Մայր Հայրենիք և ի Մայր Աթոռ Սբ. Էջմիածին՝ չորս ամիսների բացակայությունից հետո։ Այս յորս ամիսների ընթացքում, փառք Աստծո, ֆիզիկական անհանգստությունը մեծավ մասամբ դարմանվեց և այլևս ի վիճակի եմ իմ գործը շարունակելու։ Բնականորեն առաջիկա ամիսներին կապիտուլման մի շրջան եմ անցնելու։ Առողջությունս վերականգնվելու ընթացքի մեջ է և դրա համար ես գոհաբանական աղոթք եմ մատուցում Աստծուն։

Ընտրակալություն եմ հայտնում բոլոր այն բժիշկներին, որոնք իրենց գերագույն աստիճանի մասնագիտական իմացությամբ և բարյացակամ վերաբերմունքով հոգ տարան և վերականգնեցին Մեր առողջությունը։ Ընտրակալության իմ խոսքը բոլոր այն հայերին, որոնք աշխարհի չորս կողմերից՝ Հայաստանից, Եվրոպայից, Միջին Արևելքից, Ճայրագույն Արևելքից մինչև Հարավային Ամերիկա և Կանադա, հեռագրերով, նամակներով, հեռաձայներով, ումանք նույնիսկ անձնական այցելությամբ, հայտնեցին իրենց սերը և կապվածությունը Հայ Եկեղեցուն՝ իմ տկար անձի միջոցով։

Ես ուրախացա նաև, որ մեր ժողովուրդը իսկապես կապված է իր Եկեղեցուն և այդ Եկեղեցու առաջին սպասավորի հանդեպ հարգանքը այդ անձին չի պատկանի, այդ անձը փոքր է այդ մեծ հարգանքի համար։ Այդ հարգանքը կա հանդեպ այն հաստատության, որ դարերի ճանապարհ կտրեց և հայ ժողովրդին հասցրեց մինչև այս օրերը։

Մեր շնորհակալությունները Հայաստանի Հանրապետության վսեմաշուք նախագահին, մեր կառավարությանը, մեր Նվիրապետական Աթոռների գահակալներին, մեր բոլոր առաջնորդ սրբապաններին, հոգևորականությանը, Մեծ Բրիտանիայում, ԱՄՆ-ում և ՄԱԿ-ում մեր պետության ղեսպաններին և բոլոր այն անհատներին ու կապակալություններին. այս առիթով ես զգացի, թե իրենց սերը և նվիրումը հանդեպ Հայոց Եկեղեցու, մնում է կենդանի և՛ հավուր, և՛ առհավետ։ Սրտանց բոլորին մաղթում եմ առողջություն։

Այս շրջանն ինձ մի անգամ ևս սովորեցրեց, որ կյանքը Աստծո գերագույն տուրքն է մարդկությանը։ Մարդը պետք է գիտնա իր կյանքը արժևորել, բայց արժևորման առաջին նախապայմանները մեկը առողջությունն է։ Եվ ես հաճախ աղոթեցի բոլոր նրանց համար, ովքեր անհանգիստ են իրենց տներում և հիվանդանոցներում։ Եվ ես ասում եմ. «Փարատեա, Տէր, պցաւս եւ քիււանդութիւնս ի ժողովրդենէ մերմէ եւ շնորհեա ամենեցուն կատարեալ առողջութիւն»։

Անհատների առողջությամբ ավգը պիտի լինի առողջ։ Եվ ինչպես մարմնի անդամները երբ առողջ են, մարմինն ինքն ամբողջությամբ առողջ կդառնա, ինչպես բջիջները երբ առողջ են, այնպես մարմինն ինքը առողջ կդառնա, այնպես և դուք, սիրելի հավատացյալներ,

հայրենակից եղբայրներ և քույրեր, հոգ տարեք ձեր առողջությանը ձեր անձերի, ձեր ընտանիքների և մեր մեծ ընտանիքի՝ մեր ազգի, մեր հանրապետության և մեր Մայր Առաքելական Եկեղեցու համար:

Աստված օրհնի ձեզ բոլորիդ»:

ԳՈՀԱԲԱՆԱԿԱՆ ԱՂՈԹՔ ՄԱՅՐ ՏԱՃԱՐՈՒՄ

«Զվարթնոց» օդանավակայանից Վեհափառ Հայրապետը, չքախմբի ուղեկցությամբ և մեքենաների շարասյունով, առաջնորդվեց դեպի Մայր Աթոռ Սուրբ Էջմիածին:

Այստեղ՝ Մայր Աթոռ Սուրբ Էջմիածնում Ամենայն Հայոց Կաթողիկոսին մեծ շուքով գիմափորեցին հոգևորականաց դասն ու հավատացյալների հոծ բազմությունը և ապա, Մայր Տաճարի զանգերի զողանջների ու «Հրաշափառ»-ի երգեցողությամբ, Թափորով առաջնորդեցին դեպի Մայր Տաճար, ուր Վեհափառ Հայրապետը կանգ առավ Իջման Ս. Սեղանի առջև և ձերադիր համբուրեց Սուրբ Խաչը: Այնուհետև Գարեգին Ա Կաթողիկոսի ուրախառիթ վերադարձը Հայոց Հոգևոր Կենտրոն ողջունեց Մայր Աթոռի գիվանապետ գերաշնորհ Տ. Ներսես արքեպս. Գոգապալյանը՝ յաղթելով կատարյալ առողջություն և արևշատություն:

«Հանուն վանական խորհուրդի, Մայր Աթոռի միաբանության, Գերագույն Հոգևոր խորհրդի անդամների, Մայր Աթոռի պաշտոնեության և հավատացյալ ողջ հոտի, Ձեր վերադարձը Մայր Աթոռ սրտագինս ողջունում ենք: Չորս ամիսներ առաջ մեկնեցիք ապաքինման նպատակով և այն, Աստուծո օգնությամբ հաջողապես ի կատար ածելուց հետո, այսօր վերադառնում եք Ձեր Սուրբ Աթոռ, Ձեր տունը, բնակարանը ողջամբ: Սրտագինս ուրախ է Մայր Աթոռի միաբանությունը և ողջ ժողովուրդը, որ հաղթեցիք Ձեր առջև ծառացած բոլոր դժվարությանց և կարողացաք այսօր վերադառնալ Մայր Աթոռ Սուրբ Էջմիածին:

Բարի եկաք, Վեհափառ Տեր»:

Որից հետո բոլոր ներկաներին իր Հայրապետական խոսքը հղեց Ամենայն Հայոց Կաթողիկոսը՝ առանձնակի նշելով.

«Սիրեցյալ միաբաններ Մայր Աթոռ Սբ. Էջմիածնի, հոգևոր դասի անդամներ, հարգարժան ներկայացուցիչներ Գերագույն Հոգևոր խորհրդի, պաշտոնեության անձնակազմի անդամներ և թանկագին հավատացյալներ.

Մարդու հոգու ամենից բնական և ամենից վավերական զգացումները այս պահին չեն կարող լինել ուրիշ բան, բայց միայն փառաբանությունն առ Աստված, որ Մեզ վերադարձրեց Մեր հարապատ տունը, ամբողջ հայության Հոգևոր այս Տունը, որպեսպի կարենանք շարունակել և առավել ևս առաջ տանել ու վարճացնել այն պարտավորությունները,

որ Աստված և մեր ազգը դրել է Մեր ուսերին ձեր բոլորի անմիջական, անվերապահ և ամբողջական աջակցությամբ: Բոլորդ էլ գիտեք, որ մենք եղևու նպատակների համար գնացինք այս անգամ: Մեր նպատակներից առաջինը Ամերիկահայոց թեմի հարյուրամյակի պաշտոնական, հանդիսավոր տոնակատարությունն էր, որի նախագահության համար գնացել էինք թեմի առաջնորդ Սրբազանի և թեմական իշխանության հրավերով:

Գոհություն Աստուծո, որ կարողացանք կարևորագույն բոլոր ձեռնարկներին նախագահել և հայրապետական Մեր խոսքը ուղղել մեր սիրեցյալ ժողովրդին: Եկան նաև Արևմտյան թեմի առաջնորդը, Կանադայի հայոց առաջնորդը և մոտավորապես հարյուր եկեղեցականների եռօրյա խորհրդակցության ինքնահայեցության, մտածումի, ծրագրումի օրեր ունեցանք և այն, ինչ որ կատարել էր այս նույն Մայր Աթոռին մեջ նստած և բոլորիս պաշտելի խորհրդի Հայրիկը 1898 թվի հուլիսին՝ գրելով իր նշանավոր կոնդակը, որով հաստատել է ամերիկահայոց թեմը, այսօր իր հաջորդներից մեկը, իմ տկար անձի միջոցով, գնում էր նշելու այդ հարյուրամյակը և փառք տալու Աստծուն, որ գաղթական վիճակով գնացած հայությունը Ամերիկայի մեջ այսօր տիրական, ինքզինք արժեցնող, բոլորից հարգանք վայելող համայնքի է վերածվել՝ բազմաթիվ եկեղեցիներով, երիտասարդական և այլապես հոգևոր և կրթական գործունեությամբ:

Երկրորդ՝ նաև գնացինք ֆիզիկական առողջության դարմանումի համար և դարձյալ ծնկաչոք առ Աստված գոհություն եմ ընծայում, որ բժիշկների մասնագիտական և ամբողջանվեր ու սիրալիր վերաբերմունքի շնորհիվ մեծավ մասամբ հաղթահարվեց անհամազուտությունը և հառաքիկա մեկ քանի ամիսներին կապիտուման, ապաքինման շրջանին կհուսանք բոլորովին կփարատի, և Մենք ամբողջությամբ կվերագտնենք Մեր կատարյալ առողջությունը՝ զայն ընծայելու համար Աստծուն և մեր ժողովրդին:

Ես զորացա, պիտի ասեմ: Եվ մեր Հայաստանի Հանրապետության նախագահից սկսյալ մինչև մեր նվիրապետական բոլոր Աթոռների թեմականները, մեր բոլոր առաջնորդները անխտիր, Մայր Աթոռի միաբանության հետ միասին և ապա մեր դեսպանները, պաշտոնական անձինք, կապմակերպություններ բոլոր երկրներից այն սերը, որ արտահայտեցին, այն մաղթանքները, այն աղոթքները, որ ըրին և հայտնեցին Մեզ նամակով, հեռախոսներով և այլ միջոցներով, այդ բոլորը ինձ զգացրեց, թե Մենք շատ ավելին պետք է անենք այս ժողովրդին, քան ինչ որ ենք արել: Ես մի տեսակ ուխտ արեցի առողջությունս վերագտնելուց հետո, որ ժամանակի և կարողությամբ բոլոր սահմաններում պետք է առավել ևս արժեցնեմ այն մնացյալ կյանքը, որ Աստված տվել է ինձ:

Հավատացեք, երբ հիվանդանոցում տեսա ուրիշ հիվանդների, երբ իմացա ուրիշ հիվանդների մասին, ավելի շատ նրանց համար աղոթեցի, քան ինձ համար և անդրադարձա, որ կյանքը Աստծու այն գեղեցիկ

տուրքն է, գերագույն տուրքը, որ մենք պետք է արժևորենք: Աստծուն հաշիվ տալու կոչված ենք այն բարիքին համար, այն տուրքի համար, որ ինք տվել է մեզ, և այդ բարիքը արժեցնելու համար կենսական, անհրաժեշտ պայմաններից մեկը առողջությունն է: Հոգ տարեք ձեր առողջությանը, որովհետև առանց դրա չեք կարող մեծ գործեր կատարել ձեր կյանքում:

Ես ցանկանում եմ այս առիթով, որ մենք, իբրև Մայր Աթոռի միաբանություն, եպիսկոպոսական դասով, վարդապետներով, սարկավագներով, քահանա հայրերով, Հոգևոր ձեմարանի սաներով, աշխարհական օգնականներով կարենանք նվիրվել այն տեսիլքին որ այս Աթոռին ավելի պայծառակերպություն պիտի տա: Այդ ժողովուրդը, որ սպասումը զգաց իր Աթոռից, մենք այդ զգացումը չենք կարող թողնել անպատասխան: Եվ հետևաբար, եկեք, եղբայրներ, հոգեպես փոխվենք և առավել ևս եկեղեցական, զուտ հոգևոր, առօրեական դաստիարակության գործը մեր ժողովրդի նկատենք մեր գոյության իմաստը: Այդ գործը պարտականություն մը չէ, մենք ենք՝ մեր էությամբ, մեր եկեղեցական կոչումով, մեր գոյությամբ: Եվ հետևաբար, ես մաղթում եմ ձեզ բոլորիդ ուժ և կարողություն, որ այդ առաքելությունը միասնաբար տանենք, համերաշխաբար, փոքրիկ հաշիվներից, ճղճիմ-ճղճիմ նկատումներից վեր կենանք և այդ առաքելության լույսին տակ դիտենք մենք զմեզ և մեր գործունեությունը:

Այս առիթով ես սրտի պարտք եմ համարում իմ խոր շնորհակալությունները հայտնել վանական խորհրդին, որ կազմեցի այնտեղ և ուղարկեցի անունները, վանական խորհրդի ատենապետ Սրբազանին, մեր դիվանապետ Ներսես արքեպիսկոպոսին և բոլոր անդամներին, որոնք ընթացիկ գործերը տարին այնքան նվիրումով այս անցնող ամիսներին մեք: Թող Աստված իրենց պորացնի: Այս իմ Աթոռը չէ, այս մեր Աթոռն է, բոլորիս: Ուրեմն, թող Աստված ծաղկեցնի այս Աթոռը և պարզևի մեր միաբանությանն ու Հոգևոր ձեմարանին նորանոր պտղաբերում և առավել ևս արդյունագործություն Տիրոջ այգիին մեք հայ ժողովուրդի կյանքին մեք ի Մայր Հայաստան և ի Սփյուռս աշխարհի: Ամենա՝

Այնուհետև, Թափորի ուղեկցությանը, ինչպես նաև «Հայրապետական մաղթերգ»-ի երգեցողությանը Ամենայն Հայոց Կաթողիկոսն ուղղվեց դեպի Վեհարան:

ՄԱՐԻԱՄ ՎԱՐԴԱՆՅԱՆ